


* فهرست تاريخ ابن غلبون در بيان طرابلس غرب *

- ۰۲ مقدمه
- ۰۴ طرابلسك حدود معينه سبله اهاليك بعض عادتلى
- ۰۵ ابدای تاريخ ابن غلبون در بيان طرابلس غرب
- ۰۶ صورت امر نامه حضرت فاروق رضی الله عنه
- ۱۹ طرابلس غربك كيفيت فتحى
- ۲۰ حروف هجا و ابجد حقه، استطراد للترجم
- ۲۴ صورت فرمان بي اسم
- ۳۲ فرمانلى سلاه سنك ابدای ظهورى
- ۳۵ فرمانلى احمد پاشاك مكتوبى صورتى
- ۳۷ فرمانلى محمد پاشاك طرابلس والىكى
- ۳۷ انكatre معاهده سى
- ۴۴ فرمانلى على پاشاك والىكى
- ۴۴ بلسيان معاهده سى
- ۵۱ بلسيانك دفعه ثانيه معاهده سى
- ۵۶ جزايرلى على پاشاك طرابلس والىكى
- ۶۲ فرمانلى احمد بكك والىكى
- ۶۴ فرمانلى يوسف بكك طرابلس والىكى
- ۶۷ يوسف پاشا طرفندن جزاير واليسنه يازيلان مكتوب
- ۷۰ امر يقام معاهده سى
- ۸۰ يوسف پاشا جانبندن اسوچ دولته يازيلان مكتوب
- ۸۵ طوسقانه معاهده سى
- ۹۲ ناپوليتان معاهده سى

- ۰۹۴ طرابلس ایالتی صورت تقسیمی
- ۰۹۶ فرانسه معاهده سی
- ۱۰۲ معاهده مذکور ذیل اولسان طرابلس قوه بحریه سی
- دفتری
- ۱۰۵ یوسف پاشا نیک فرانسه قرالی برنجی فلیبه یازدیغی مکتوب
- صورتی
- ۱۰۶ کمرکات نظامنامه سی
- ۱۱۱ یوسف پاشا جانبدن انکلتزه قونسلوسنه یازیلان تذکره
- ۱۱۲ تذکره مذکور لف اولنان شروط خسه سندی
- ۱۱۶ یوسف پاشا نیک استعفا سیله اوغلو علی بک والی کی
- ۱۱۶ یوسف پاشا نیک قبودان دریا خلیل پاشایه یازدیغی مکتوب
- ۱۲۳ قرمانلی سلاطین طرابلس غرب کی کیفیت استحصالی
- ۱۲۷ محمد رائف پاشا نیک طرابلس محافظت لئی
- ۱۲۹ طاهر پاشا مر حومک طرابلس سرعسکر لکی
- ۱۳۱ مشارالیه والی کی وقریباً انفصالی
- ۱۳۱ چشمه لی حسن پاشا نیک طرابلس والی کی
- ۱۳۲ عشق علی پاشا نیک طرابلس والی کی
- ۱۳۷ محمد امین پاشا نیک والی کی
- ۱۳۹ شیخ غومه طرفدن مجلس کیره خطا باوارد اولان تحریرات
- صورتی
- ۱۴۰ تحریرات مذکور ذیلنه مجلس مذکور جانبدن یازیلان
- کفالت سندی
- ۱۴۴ محمد راعب پاشا نیک والی کی

- ١ الحاج احمد عزت پاشا نك والى لى
- ١٤٧ مصطفى نورى پاشا نك طرابلس والى لى
- ١٥١ عثمان پاشا نك والى لى
- ١٥٢ احمد عزت پاشا نك والى لى
- ١٥٣ محمود نديم پاشا نك طرابلس والى لى وخاتمه كتاب



(مقدمه)

﴿ بسم الله الرحمن الرحيم ﴾

الحمد لله رب العالمين * والصلوة والسلام على رسولنا محمد وآله
وصحبه اجمعين * بعدزاقلم پریشان رقم محمد نهج الدين شو وجهله
بسط قاليجه مرام ايدر كه طرابلس غربك تفاصيل حقيقه سي
بزجه مجهول اولوب في الواقع بعض تاريخلردن معلومات جزينه
النمقده ايسه ده بتون مورخين استماع اوزرينه كتمش وليس الخبر
كالعيان قضيه سي دخي امنيت مجرده بي منسلب ايتمش مع مافيه
اويله اخبار ضعيفه وقليله دن قناعت كافيه حاصل اوله ميه جغندن
شيخ الاسلام اسبق عاشرافندي حفيدى پدرم مصطفى عاشر
افنديك طرابلس مولويت شرعيه سنه وقوعبولان مأموريتلري
اوزرينه بالمعيه بورايه مواصلمدنبرو شايان مطالعه واعتماد
بر تفصيلاته دسترس اولمق افكارنده ايكن طرابلسى ابو عبد الله
محمد ابن خليل غلبون نام ذاك تأليف ايتديكى طرابلس تاريخى
اليه كچد كده فن تاريخجه بريوك مشكلك حل وكشفنه موفقيت

عاجزانه مدن

عاجزانه مدن طولاي دنيا لر بنجه سنه سوندم وعصر معالي حصر
 عالي سي زبده اعصار ونخبه ادوار اولان ولي نعمت بيمت مز ياد شاه
 مر حمت سمات السلطان ابن السلطان السلطان عبدالعزیز خان
 لازالت دولته الى اخر الزمان افند من حضرت لری ايسه دائماً
 علوم کلیه وبالخاصه فن جلیل توار یخه عطف نگاه لطف
 ورغبته ملوکانه لری بار آریز وزمان عدالت بیان خلافتینا هیلرنده
 کافه فنون پک زیاده شهرت انکیر اولدیغندن مجرد شو وسیله
 جزیه ايله افزایش عمر واجلال تاجدار لری دعای اجابت
 آراسنه بالمسارعه زیور ناطقه اخلاص ایدلک مقصد
 مخصوصه سیله کتاب مذکور کلسان لطافت رسان ترکیه
 ترجمه سنه تشمیر ساق جسارت ایتش ايسه مده اشبو تاریخ دینلان
 مجلده مر غوبه علماء متبحریندن الشیخ احمد ابن عبدالدام
 الانصارینک قضاء مذکور حقنده مفصل برقصیده سنک
 شرحیله حسب المناسبه یکرمی اوچدن بیک یکرمی اوچ سنه سنه
 قدر بیک سنه لک بعض وقایع مهمه یی حاوی اولوب انجق
 مورخ مومی الیه تحقیقات و تدقیقاتی پکده التزام ایتمدیکندن
 ماعدا یکرمی درت سنه سندن بردن بره بشیوز قرق سنه سنه
 یکمیش اولدیغندن ازه یرده کی وقوعات ايله عصر مرزه قدر
 ارقه سی یورودلک اوزره سیرکلا عیه وابن ناجینک معالم
 الايمان و تاریخ خیس و عیاشی مغربی و بجانبک سیاحتنامه لریله
 والی اسبق یوسف پاشانک خیلی وقت کتبت خدمتده بولنان
 متوفی بن زین الدین و سائر ذواتک قیودات مقبوله سی و دائرة
 حکومتده واقع دفاتر اقلامده بولنان صور اوراق و او وقتله

یتشمش ثیقہ دن بعض متخیرانک افادات شفاهیہ لیلہ اکمال
نقصان ایداش اولغله اشبو آلودہ قصور و سهویات اولان
ترجہ پراکنده مآله نظر عفو و اغماض ایله مطالعه بیورلسی
اصحاب فضل و معلوماتدن خاصه رجاقلینور (انه ولی الاجابة
والتوفیق * وبالاستعانة یلیق)

* طرابلس غربك حدود معینه سیله اهالینك بعض اطوار
و عادتلی *

صدده شروع ایتمزدن مقدم قضاء مذکورك حدودیله برابر
قدیمی جمع و ترتیبه جرأت ایتدیكم سیاحت نامه عاجزانمندن
بالاخراج سکنه سنك عادت و احوال لرینه دائر برنبذه جك بیانی
مناسب کورلمشدر شویله که مملکت مذکور افریقا قطعده سنك
سواحل شمالیه سنده کائن و یکر می اوچ درجه عرض شمالی
و اوتوز ایکی درجه یکر می بش دقیقه میاننده واقع و مساحه
سطحیه سی تریعا اوتوز یک ساعت اولوب شمالا بحر سفید
و شرقا ممالک مصر و لیبی صحراسی و جنوبا یمنه لیبی صحراسی
و صحرائی کیر و غربا تونس و صحرائی کیر ایله محدود و محاطدر
اشته بو حدود و اسعه و یک زیاده اراضی منتهی حای بولنان
طرابلس قضاسی داخل سورود کز و قره طرفنه اچیلور درت
عدد قلعه قیوسی و جوارنده یعنی خارج قلعه ده کائن مدیر
معرفتیله اداره اولنور منشیه و ساحل نامیله خیلیمجه بیوت
ود کاکین و غایت کوزل پورتقال و لیمون باغچه لرینی مشتمل
واقامتگاه تجار در اهالی اصلیه سی بنی اسرائیل استیلا سندن
طولایی دیار شامدن بلاد مغاربه رحلت ایدن بنی کنعاندن منشعب
بر طائفه

بر طائفه مخصوصه اولان بر برقبيله سندن ايسه لرده صكره لری
اجناس مختلفه قارشمش و نفس مملکت اسلام و يهوديدن عبارت
اولوب عموما اسلامي مالکی المذهب اولد قلری مثلوا البسه ورنکجه
بر برلندن آفر قلیدر چونکه جمله سی دائما یو کدن منسوج
بیاض احرام لره صار یلوب باشلرینه بیوک تونس فسلی کیرل
واکثریسی بغدادی رنگ اولوب انجق برقاج سنه دنبروزنجیه
جواری استغراش ایلد کلرینه مینی بابا و اوغل بیننده کوریلان
مباینت شایان ردوانکاردر هر نقدر بدوی الطبع ايسه لرده
صوقلغن و غایت مطیع اولد قلرندن شرف توارد ایدن فرمان عالی پی
واوامرنامه سامیه پی بخلوص الجنان استماع ایدوب احکام منیفه سنک
کمال خواهش و رغبتله تنفیذ و اجراسنی چوجقلرینه وارنجه
فرض عین بیلد کلری مثلوا متبوع مفخملری اوغرینه صحیحا
فدای مال و جان ایتک الک کوچکلرینه غایت بیوک افتخار و شرفلی
بر طبیعت جلیله در و یولده تصادف ایلدیکی مأمورینه
لاجل التعظیم قیام ایدرا یتمز ابتدا کندوسی سلام ویرز بونکله
برابر فصاحتیه قریب عربی تکلم ایدرلرایسه ده اسامی عمومیه
حقنده شایان استغراب غلط مفرطه اختیار ایدرل ازجمله
سیدی علی و سیدی عردیه جک یرده سعلوی و ساعمور و شیخ حسین
مقامنده شاحسونه کبی دهانیجه اصطلاحات عجیه لری وارددر

✽ تاریخ ابن غلبون در بیان طرابلس غرب ✽

سنه عمیه المینه و هجرت سنیه الصمیه علیه افضل التحیه تک
یکرمی ایکنجی سنه سی! او آخری عمر و ابن العاص حضرتلری
اسکندریه فتحند نصکره طرابلسی تشریفلری شرفوقوعیه

يارم ساعت مسافه سی اولوب الیوم شیخ شعاب تربه سی دینلان
 محل عالی یه نزول و برای قدر محاصره ایدلمش ایسه ده ظفر باب
 اولنه مد یغندن غرب طرفندن مد ایچ نام ذاتی هجومه مأمور
 بیورملریله مومی الیه نفس طرابلسه یکر می اوچ سنه سی ابتدا سنده
 دخول و ایچروذن تکیر صدای بشارت اشمالی مشار الیه عمرو
 ابن العاص و موجود معیتی اولان عسا کر جانبندن بالاستماع
 همان بونلردخی ولوجه مسارعتله اولوجهله قضاء مذکور فتح
 و تسخیر اولوب بالجملة اهالینک جبال و محال سائر یه فرارلندن
 طولانی اکثر بیوتلری تخریب ایدلمش و ایفای فریضة صلوة
 ایچون شم دیکی احمد پاشا جامع شریفنک یرینه بر مسجد
 شریف بنایور مشلدر بناء علیه بلدان مغاربندن ابتدا قهر ا فتح
 اولنان طرابلس قضای اولوب بوجهله ظهوره کلان
 فتوحات سنیه خبر مسرت اثر یله برابر ایلرو یعنی دارالملک افریقیه
 اولان تونس شهرینه طوغری کیدیلوب توفیقات زبانیه ایله
 تسخیری ممکن اوله بیله یکی حالده پک زنکین یرلر اولمغله بیت المال
 و عسا کر مسلمینه فوائد کثیره و منافع وفیره حاصل اوله جغندن
 استحصال رخصت نیازنده مربع نشین خلافت کبرا فاروق
 منیع الجناب عمر ابن الخطاب حضر تلرینه سردار مشار الیه
 طرفندن یازیلان تحریراته جوابا شرف تواریدین امر نامه سامی
 جلیل القدرک صورت منیفه سیدر

لا انہا لیست بافریقیه ولیکنها المفرقة غادرة مغرور بها لا یغزوها
 احد ما بقیت لانی سمعت رسول الله صلی الله تعالی علیه وسلم
 یقول

يقول افریقیة لاهلها غیر معجزة ماؤها قاس لا یشر بها احد
من المسلمین والاختلفت قلوبهم

﴿مأل فرمان جلیل العنوان﴾

ضاقن اولجانبه کتمزیرا اولنل افریقیه دکدر لر انجق مفرقه
وزیاده غدارومغرورادملردر بن مسند خلافت عظمتاده
بولندیغم مدتجه غزانیله بر فرد اورالره کتمسون چونکه مشکات
صدر نبوت علیه افضل التحیت افند من حضر تلرندن ایشتم که
لافریقیه اهلینست قلبلری قبالیدر وصورلی دخی قساوت ویور
بناء علیه مسلماندن بر مسلم بولنلرک صویندن ایچمسون والاقبلری
مختلف اولور (انتهی) بوصورتله شرفریز صدور اولان فرمان

مهابت عنوان حضرت خلافتناهی اوزرینه در حال سردار
عنایت مدار مشارالیه اردوی موحدین نصرت قرین الیه عودت
ایلد کلرینه مبنی فرارایدن سکنه واهالی طاق طاق ماوای
قدیم لرینه رجعت ویکاکاز ایواواقامت ایتشلر ویکرمی بش
سنه سی رهبر طریق عرفان عثمان ابن عفان رضی الله عنه
حضرتلری رضاا برادر والانثرادلری عبدالله بن سعد ابن ابی
سرحی افریقیه فتحنه مأمور بیورد قلرندن مومی الیه جانب
مأموریته عزیمتلرنده طرابلسه اوغرایوب اهالیدن برازینی
شرف اسلام الیه مشرف ایتشل و برسنه دن زیاده جه افریقیه ده
آرام و بعد المصلحه عودتنده اسکندریه دن جلب اولشان
سفایته طرابلس اسکله سندن راکب اولمشلر ومومی الیه
مصر قاهره والیسی اولدیغندن بورالری بتون تحت حایه
عاطفتوایه لرنده بولمش وقرق التی سنه سی حضرت معاویه
طرفندن طرابلس والیکی صحابه کرام معالی انسامدن روبقع

ابن ثابت البخاری حضرتلرینه بالاحاله اشته مومی الیهک زمان
عدالت عنوانلرنده آفتاب اسلامیت کرکی کبی شعله بخش اولمش
وتفتیش احوال فقراقضیه مطلوبه سنه مداومت بیوردقلرندن
ینه بوامر مهمک اجراسی ایچون اللی اوچ سنه سی درنه به عطف
رحال نهضت ایلدکلرندن اوراده ارتحال دارجنان ودفین خاک
عطرناک اولمشلردر خلاصه قضاء مذکور یوز اوتوز ایکی
سنه سنه قدر بنی امیه دولتک زیر جناح مکارم فلاحلرنده
قالدیغندن خاتمه والیری اولان عبدالرحمن بن جیب مقدم
تخریب ایدیلان طرابلس قلعه سنک قره طرفنی سنه مذکورده
اعمار ایتیش و متعاقبا مومی الیهک وقوع وفاتیه بورالری هارون
رشیده بالانتقال طرفندن هرثمه ابن اعین والی نصب اولنوب
مومی الیه دخی یوز سکسان سنه سی قلعه مذکورک دکز جانبی
یادیر یغندن قضاء مذکور ابتدا بونک وقتنده اکتساب معمریت
ایتیش وایکیوز طقسان یدی سنه سنه قدر خلفاء عباسیه یدنده
اولغله افریقیه جاتنده ارسال اولنان ولایه معرفتیه اداره اولمقده
بولمش ایکن سنه مذکورده بنی عبیده دولتک ابتداسی اولان
عبیدالله المهدی ابن محمد بن قداح نام شیعینک ظهوریه بلاد
مغربی ولوله انداز ظلمت استیغاب ایتیش ونهایت بورالری کاملاً
قبضه تصرفنه یکمشددر انجق اشبو عبیده دولتی آشوری
خونخوار وستمکار آدمرا اولوب هله مومی الیهک وفاتیه یرینه
جالس سریر حکومت اولان اوغلوقائم بامر الله ظلم و تعدیده
پایاسنه طاش چیقارمش وز قاقلرده علنا سب اصحاب ایتدرمک
ویوکاده قناعت ایتیبوب اخر کار الوهیت دعوای باطله سنه

دخی قالمشدر (للمترجم) مورخ ابن خلدون بونلرک سیادت
 سلاله‌ری حقنه کتب توارینحه قارشو بریوک اعتراضه ابتدار
 ایتش ایسه ده کافه مورخین بونی انکار ایدوب مجوسی الاصل
 اولدقلری کیفیتده متحد و متفق بولمشلردر (انتهی) بالاخره
 مومی الیهک دخی ارتحالیه یرینه المنصور اسماعیل وانکه دخی
 وفاتنده اوغلو معز بالوراثه استقلال ایتش و صکره‌ری مصر
 قطعه معتبره سنی دخی ید اقتدارینه الدیغندن مصری مرکز
 حکومت اتخا ذیل بورالرک والی معرفتیه اداره سنی افکار
 ایلدیکندن بزید ملعتت بزید سلاله سندن آشوری سودیکی
 یوسف ابن زیری نام شخصی اولوجهله تونس و طرابلس والیلکی
 عنوانیه طرابلسده اقامت ایتدرمش و بونلرک احفادی انواع
 بغی و شقاوتله بشیوز قرق سنه سنه قدر منتهی اولوب اهالی دخی
 * الناس علی دین ملوکهم * منطوقجه خیلی وقتلر غایت فنا
 برحالده کتمشلردر (للمترجم) طرابلسده عید اضحاده ذبح
 ایدیلان قراپندن هر خانه صاحبی بررقیون باشی صاقلیوب محرک
 اونجی کونی هر کس یکی اثوابی کیوب بربرلینه ایغای تبریک
 و حفظ اولسان قیون باشلر بنی کمال مسروریتله اکل ایتمک
 و بردوه بی سوسلندیروب زقاق بزقاق کزدیررک وقعه جلی
 اشارت و یادایلمک عادت قبیحه‌ری ظالم مر قومک زمانندن قالمه
 برشی ایکن برقاج سنه لردنبرو بعض محب خاندان و علماء بنام
 طرفندن اولنان نصیح و تنبیهاک تأثیرات نافعه سیله شکرلر اولسون
 شمدیلرده شو اعتیادات ردیه کرکی کبی قالمغه باشلامشدر
 (انتهی) نهایت سنه مذ کورده معز ابن بادیس بن منصورده

یوسفك سلاله منحوسه سی بتون بتون منقرض اولمش و طرابلس
 برمنوال سابق هر نقدر بنی عبیده دولته منسوب ایستاده
 ظلم و حقارتلرندن متنفز اولدقلرندن والیلکی پادشاهلغه تحویل
 واستقلال کامله استحصاله بین الاهالی قرار ویریلرک نفس
 طرابلس و ایالات سائرده بولنان قبائل متعدده دن هربری حکمدار
 ایدیلرک ذاتک ککند و طاقندن تعینله ترویج نفوس اتمک
 مرآمنه صنفه رق بر صورتله اتحاد حاصل اوله مامسی حربی
 نتیجه ویرمش و بونک اوزرینه برچوق وقت محاربه لر ایله خیلی
 قانلر دوکلمش و برطرفدن دخی قحط و غلا استیلا سندن طولای
 سکنه مملکت دنیاک صوک کونی کی فوق الغایه مضایقه و حیرته
 قالمشلر اشته شوقاریش قلاق اره سنده مترقب فرصت اولان صفایه
 یعنی سچلیا نصاراسی جورجی میخایل نام امیرال قوماندانه سنده
 بولنان دوتما ایله بشیوز قرق برسنه سنده طرابلسه کلوب اوچ کون
 محاربه و محاصره ایتشلر و دردنچی کونی دوتما بی حالی اوزرینه
 ترکله اهالی ینه حکمدار نصبی معارضه سنه کرشد کلرندن
 امیرال بی پروا قلعه دیوارینه زربانلر ایله صعود و درون مملکته
 دخول ایتد کلرنده هر کسه برشاش قنلق کله رک مقاتله یه قالمشملر
 ایسه لرده قدرتیاب اوله مدقلرندن امیرال مر قوم بالسه و له ضبط
 و تسخیر ایدوب داخلا و خارجامعتبر شیخلر دن بر قاق ککشی بی
 وهن المش و درجه قوتی هنوز کالده اولدیغندن برچوق امتیاز
 و التفیات ایله هر کسی کندوسنه اصندر مق قاعده خدعه
 ککار یسنه تشبیه اهالی یه بول بول عدالت و حقانیت
 کوسترمش و حتی والی و قاضیلرینه طرفندن قطعاً مداخله
 اولنمیوب

اولمحبوب هر کیمی اتفاق آرا ایله مناسب کورر لر ایسه مع التشر
قبول ایدیه جکئی اعلان ایتسی اوزرینه شیخ البلد بولنان یحیی ابن
مطروحک ولایتی و ابالحجاج یوسفک قاضیلغی قرار کیر اولوب
متعاقبارهنلرک دخی تخلیه سبیلی اجرا اولمش و فی حقیقه عدالت
حاضره دن هر کس اظهار ممنونیت ایتکده بولمشدر فقط
امیرال مر قومک تمللی طرابلسده اقامت ایشنه الویر مدیکنه بناء
واهلینک اولدقجه دائرة تأمیناته اندیغنه اعتمادا ارمهره کلک
اوزره جزئی محافظه عسکری توقیفیه وطن اصلینه بادبان
کشای عزیمت اولمشدر نهایت بویله عساکر تحفظیه ایله
اون ایکی سنه طورلمش ایکن بشیوز الی اوج سنه سی ملوک
خفاصه دن عبدالمؤمن ابن علی السلیمی ظهور ایدوب تونس
نصارایدن الدقن ماعدا یولرده راست کلدیکی ممالکی
صمیمه ایادی مسلمان ایدرک طرابلسه طوغری کلکده اولدیغی
حوادثی حیقوب عساکر تحفظیه بالکزجه بولنره مقابله
ایدیه میه جکلرندن اهالی بی دخی قاندروب برابر اولق و مومی الیه
عبدالمؤمنه اظهار مخالفت ایله بورادن پوشکورتک خصوصنه
خیلی چالامشیر ایسه ده تأثیر نفوذه مقتدر اوله مدقلرندن
ماعدا برکجه آپانسیز اهالی عسکراوزرینه هجوم و پک فنا حالده
تارمارایدوب نصارایدن کاملاً رهلیاب اولمشروایکی سنه
صکره مومی الیه عبدالمؤمنک طرابلسه تقریبی استخبار اولمغله
والی مومی الیه یحیی ابن مطروح بعض معتبران ایله استقبال
و همان اوراده رسم یعنی اجرا ایدوب آلائی و شوق و سرور ایله
مملکته ادخال ایلدکلرند مومی الیه عبدالمؤمن طرفندن

طرابلس والیملکنی ینہ کماکان یحیی عہدہ سندہ ابقا برہ کرسی
 خلافتی اولان جانب فاسہ عزیمت ایتشدہر خلاصہ مومی الیہ
 یحیی غایت دوراندیش و درایتکار بر آدم اولدیغندن عبد المؤمنک
 اوغلونک اوغلو ابوزید بن ابی حفصک خلافتہ قدر بالا استقلال
 والیک ایتمش و اکثر اہالی کندوسندن خشتود بولمش ایسہ دہ
 بوکرہ رخصت خلیفہ الیہ حج شریفہ عزیمت و اورادہ ارتحال دار
 آخرت ایتشدہر انجق اشبو خفاصہ دولتی تہیز عسکر
 و اعمار ملک و ملتہ اصلا اعتبار ایتیموب ہمان بولدیغی ہیئتہ
 قوللاند قلرندن بشقہ قبائلک اکثری و خصوصیلہ کثرت نفوس
 و شجاعتلہ مشہور بنی ہلال قبیلہ سی ہرنہ اسبابہ مبنی ایسہ
 خفاصہ دولتہ ہنوز بیعت ایتیموب عصیان اوزرہ بولند قلرندن
 جابجا محار بہ دن حالی قالنہ مامسی اہالینک آشوری ضعفیتی
 موجب اولمش و بنابرین مصر حکمداری و شہور صلاح الدین
 ابن ایوب ارمنی الاصل شرف الدین قرہ قیش نام ککولہ سنی
 قوماندان نصیبیلہ معیتہ دخی خیلی عسکر و یروب مغرب طرفہ
 ارسال ایتمش و مرقوم قرہ قیش پک زیادہ بہادر آدم اولدیغندن
 یوللردہ راست کلدیکی ممالکی یاقوب یقیمقدہ و قبائل باغیہ الیہ
 مذکور بنی ہلال قبیلہ سی شیخی مسعود مع الممنونہ بولرہ
 بیعت ایلد کلرندن قونی برقاچ قات زیادہ اشمش و بویلہ خونخوار
 اردو الیہ طرابلسہ بالمواصلہ محاصرہ جزئیہ الیہ بشیوز التمش
 سکر سندہ سی دست تصرفہ الدقد نصرہ تونس و جزایر و دہا
 نیجہ بلاد مغربی فتح و تسخیر ایتمکلہ ارتق کرکی کبی قولتقلری
 قبارمش و دماغنہ حکمدارلق چاشنیسی دخی کلش اولدیغندن

منبوعی اولان مومی الیه صلاح الدین علیه نه قیام و تسخیر ایلدی کی
 بلاد مغارب حکمدار لغتک عهدہ سنہ احوالہ سیلہ خلعتہ مترقب
 بولندیغنی بغدادده مسند نشین خلافت کبر اولان بنی عباسیه دن
 با تحریرات نیاز و استدعا ایتدی کی حوادث مو حشه سی بورالرہ
 شایع اولدیغدن و مر قومک کدیشی ایسه پک یمان کورندیکندن
 بو کیفیت قوه دن فعلہ چقمزدن مقدم تداییر لازمه سنہ باقی
 اوزره فاس حکمداری سالف الیابان ملوک خفاسه دن یعقوب
 بن یوسف نام ذات یکر می یک کزیده و معلم عسکر تجهیز و بالنفس
 کند و قومانده ایدرک تونسہ کلش و کندوسی تونسده اقامت
 ایدوب جزایرده بولنان مر قوم قره قیشی منہزام ایتک اوزره الی
 یک عسکرله برادرزاده سنی ارسال ایتشدیر انجق مر قوم
 بو کرہ برخدعه قویه ایلہ بولنری ازمک افکارینه ذهاب ایلہ
 قره قیش و عسا کر موجوده سی برقاچ کون مقدم طرابلسه عزیمت
 ایلد کلرندن بلا محاربه درون مملکتہ دخول ایلد کلری حالده
 جمله ممنون اوله جقلرینی مر قومک تعلیمله اهالی طرفندن
 اولسان افاده اوزرینه عسا کر موحدین بوکا امنیت وزواللیلر
 بلا قید ایچرویه کیر کیرمز درحال مر قوم قره قیش و معیتندہ کی
 عسکر بولنرک اوزرینه هجوم ایلہ برادم سلامت قورتلہ ینجیه د کین
 جمله سنی قتل و اتلاف ایتشدیر بو کیفیت متأسفہ مومی الیه
 یعقوبک پک زیاده کوجنه کلہ رک عسا کر باقیہ سنی بالا خذ مر قوم
 قره قیشک فاملیا و اشیا و اکثر عسا کرینک اقامت ایتکده اولدیغی
 قابس شهرینه هجوم و قتل عام اجرا سیلہ مر قومک حرم
 و اولاد لرینی اسیر و اشیا ی نفیسه سنی الوب فاسه ارسال ایتش

و بوند نصیره مر قومك قول و قنادی قرلدیغند ن اهالی
مغار بك هپسی مومی ایله تجدید بیعت ایلدکاری مثلاً و ضروری
مر قوم قره قیش دخی کند و حالته تونسده اقامت ایتك و اولاد
و عیالی اعاده اولمق شرطیله بشیوز سکسان التی سنه سی تسلیم
اولمش و مومی ایله طرفندن بورالر متعده و الیر نصیله کندوسی
کلر کان فاسه مر اجعت و عزیمت ایتشد و براز و قتلر بر موجب
مقاوله قره قیش تونسده اقامت ایلش ایسه ده طاعلش اولان
عساکری برر بر باشنه تجمع و نصف قوتنی استحصال ایلدیکنده
همان برکون عساکر موجوده سیله تونسدن فرار و حیل
موصوفه سیله اهالی بی بالاغفال قابس قضا سنه دخول ایدرایمز
مقاتله به مباشرتله تسخیر ایتد کد نصیره طرابلسه کلوب کالاول
بوراسنی دخی المش و بودفعه کی کلشنده بر ساعت مسافه ده اسمنه
منسوباً بر کار کیر کوشك ایله التینه بعض مغاره لر یادر مش
و اولد قجه بر مملکت هیئتته قویمشدر (للمترجم) مملکت
مذکور شمیدیلده بتون بتون خراب اولوب قصر و مغاره لرینک
آثار عتیقه سی الیوم موجود اولدیغی مثلاً بوراده خیمه نشین
اولان عربانه محل اقامت لرینه نسبه قره قیش قبیله سی دینلور فقط
کافه توار یخده مر قومك مخلصی فرط شجاعتمدن کنایه
اوله رق قره قیش ایسه ده طرابلس اهالیسی بیننده فرق قارش
دیو شهرت بولمش لکن اصل صحیحی بر منوال محرر قره قیشدر
(انتهى) خلاصه مر قوم غائب ایتدیکی قوه تنی استحصالده
ویواش یواش اطوار سابقه سنه منسلک اولمقده بولمش ایکن
ملوک خفاصه طرفندن جرید قضا سنک والیسی بولئان یحیی بن
اسحق

اسحق مبروقی ایلہ پندارنده حاصل اولان برودتدن ناشی مومی ایلہ
یحیی خلی عسکرایلہ کلکده اولدیغی خبرالنوب مر قوم قره قیش
یاقوت نام کسنه یی یرینه قائم مقام نصیله مق تلہ یه عزیمت
و طرابلس ایلہ جبل میانده واون سکر ساعت مسافه سی اولان
قطیس نام چولده طرفین اردولری بر یرینه ملاقات و محاربه
شدیده دن صکره قره قیش منہزما جبل طرفنه فراره مجبور اولمش
و بر قاج کون تعقیب ایدیلہ رک نہایت مومی ایلہ یحیی عودت
و طرابلسه مواصلت ایتمش ایسه ده مر قومک وکیلی
یاقوت مقاتلہ یه قیام و تسخیری ممکن اوله میه جغی جهنله اندلس
طرفندن بحرا و برا کندوسنه معاونت اولته رق نہایت بشیوز
طغسان طقوز سنه سی ضبط ایدوب اہالی یه آشوری رعایت
و عدالت کوسترمش ایسه ده دفعه ثالثہ اولہ رق طرابلس ینہ ملوک
حفاصہ یه کچمشدر والی یوز برس سنه سی مشار الیہ یعقوب
طرابلسہ کلوب اہالی تجدید بیعت ایتد کلارنده مومی ایلہ یحیاک
خدمت مذکورہ سنہ مکافاة قابس و طرابلس والیلمکنی
عہدہ سنہ احوالہ ایتشد انجق مر قوم قره قیش ینہ تک طور میوب
فران جانبی محاصره و بعض اوفق تفک قبائلی قتل و اغتنام
ایتمکده اولدیغی دشمن قویسی مومی ایلہ یحیی طرفندن بالاستماع
ہمان اوزرینہ واروب مر قوم قره قیشی اولادیلہ برابر حیا
الہ کچوردیکدن و در حال ایکسینی بردن علنا قتل ایلدیکند نصکرہ
صلب ایدوب تسکین عداوت ایتمش و بونک اوزرینہ بتون بتون
میدان کندوسنه قالمش اولدیغنه مبنی هر کسه اظهار ایلدیکی
عدل و حقانیتی ظلم و شقاوتہ تبدیل و تحویل ایدوب اہالی یه

ایتمدیکی ازیتلر قالدیغندن اکثرناس هلاکی بونک ظلمنه ترجیح
ایدرك کندو کندولرینی صلب و قتل ایتمشلردر مومی الیهک
اشبو ظلم و تعدیسی متبوعی مشارالیه یعقوب بدن صکره مربع نشین
خلافت اولان اوغلون ناصر نام ذات طرفندن خبرالند قدده بوافکار
نامقبوله دن صرف نظرله و دیعۀ جناب کبریا اولان رعایا و برایانک
استحصال آسایش لازملرینه صرف ما حصل قدرت ایتمی
نصایحنی شامل برقاج قطعه تحریرات یازمش ایسه ده کارکر
اولدیغندن نهایت خیلی عسکرله مشارالیه ناصر طرابلسه کلش
ومومی الیه جبلیت اصلیه سی مقتضاسی منجه ولی نعمته قارشو عصیان
ایله محاربه یه قالقشمش ایسه ده معینده اولان اکثر عساکرک
مخالفتنی اکلامسنه مبنی منهرما فرار ایتمشدر مشارالیه پک
زیاده عادل و محقق و فطانتلی بر ذات درایت سمات اولدیغندن
کندوسی کبی برینک مومی الیه یحیی یرینه والی تعیینیه رفاه حال
اهالی قضیه سنی امل ایتمش و بومر ا دینک حصولی عصرینک
غایت اعدل و اکلی بولسان ابو محمد عبدالواحد بن ابو حفصه
منحصر بولندیغندن نیت مذکورده سنی مومی الیه آچش
ایسه ده بعض اعدا مناسبه سردیله قبولدن امتناع ایتمش
وزیاده سودیکندن پکده اوزرینه واره مامش ایسه ده دیگرینک
نصبنی دخی تجویزایده مدیکندن ارتق برچوق نیاز و احترام
ایله مومی الیهی قاندرمش و نهایت شروط ثلاثه ایله قبول ایتمشدر
(شرط اول) یحیای مقهورک خارجده باقی قلان تعدیسی یعنی
وجودی ازاله اولجه یه قدر والیک ایدوب بکر مه تعالی اولوجهله
مومی الیه دن رهایاب اولند قد نصکره ارتق قورقوله جق برشی
قالیه جفته

قالیه جغتیه مبنی در حال اول وقت یرینه دیگر ینک نصیبیه کندوسی
خدمت پادشاهیده بولنق (شرط ثانی) شکر و شکایت اهلیدن
اصلا مسؤل اولیوب هر وجهله استقلال و یرلک (شرط ثالث)
معیت پادشاهیده بولنان عسا کردن کند و انتخابیه استدیکی
قدر یانته عسکر الملق خصوصیلرینی مقاوله ایلد کده مشارالیه
ناصر کمال تشکرایله بونی قبول و تعیین ایتمشدر و طبق مأمول
اولندیعی وجهله استراحت اهالی و اعمار ملک و ملتیه کیجه کوندز
چالیشه رق پک آز وقت ایچنده طرابلس بر بشقه حال کسب ایتمش
و وفاتنده اوغلو نصب اولوب بودخی پدری اصولیه رعایت
واهای بیاغی التون ایله اوینامغه مباشرت ایتمشلر ایشه ده کیجه
کوندز اللرندن براقه قلی اسلمه یی بوزنکیئلک اوزرینه غایت
چرکین کورمشلر و ایچلرندن بری فرضالینه بر سلاح المش اولسه
اندن یوزچویرد کلرینه مبنی بیاغی هر کس اسلمه نک کیفیت
استعمالینی اونتمش و فرط ثروتلرندن بو کره اسپانیا طرفندن اشیا
واقشه متنوعه ایله مملو طرابلسه کلان ایکی قطعه سفینه ده
موجود اشیا بیعه عرض اولند قدیه بر قاج مشتری و آیر و آیر و
پازارلغه حاجت قالیه رق همان اهلیدن بری اشیا ی مذ کوره نک
جمله سنی یالکز باشنه اشترا و ثمننی چارچاق ادا ایتمش و دیگری
دخی سفینه لر خلقنی خانه سنه دعوتله کورلمدک درجه و یردیکی
ضیافتدن ماعدار رعایت مخصوصه اوله رق غایت آغریه الو بیوک
بریا قوت طاشنی مسافر لک حضورنده هوانده دو کوب بو بریرینه
یمکلرک اوستنه اکش و بعد الطعام کتوزیلن قارپوزلری کسمیه
بجاق بولنه مامسی انتظامات حاضره نظر اغرا بیدن اولدیغندن

مسافرین جانبندن استفسار قلند قده آسایش موجوده اوزرینه
 اسلحه دن متفر اولد قلرینه بناء اوده کی اتمک بجاقلرینه وارنجه
 دفع ایلد کلرینی جوابا بیان ایتشلر و مسافرین مر قومه کمال
 حیرت و استغراب ایله قالقوب مملکتلرینه کتشلر و وصوللرنده اشبو
 حکایه عجیبه بی حکمدار لرینه افاده ایدوب قضاء مذ کورک ثروت
 متواتره سیله برابر محاربه دن آشوری اجتناب و احترازلری
 حکمدارک حرصنی تحریک ایتکده ایکن مومی الیه ابو حفص
 اولاد لرینک پیلرنده ظهور ایدن رقابت جاه بلا سیله ایچندن بری
 حکمدار مومی الیه انتساب ایتش و بو کیفیت اصلندن مر کوز
 اولان املنی بتون بتون قوتلندر مش اولغله حکمدار مومی الیه
 طقوز یوزاون الی سنه سی براز دونما ارسالیله بر کیمجه خبر سزجه
 طرابلس پدشکاهنه کلوب و بر کیمسه نک بورنی قانه میه رق فتح
 و تسخیر ایتش و اهالی دن کیمجه وقتی قاجه پیلر برر طرفه
 صاوشمشلر و مؤخر افراری مر قومینک جله سی بورایه اوچ
 ساعت بعدی اولان تاجوره قضا سنه اجتماع ایله و چریل چلاق
 قالمشلر و مقاومت امیدندن کسلمشلر در بناء علیه کافه مظلومین
 و مغدورینک ملجاء حقیقی و عدالت حقانیتک مرکز صحیحی بولنان
 سلطنت سنیه یه مراجعت و استناد دن بشقه پشت پناه قالمدیغندن
 تاجوره ده اقامت اوزره بولنان اهالی دن برقاج کشی برسفینه
 تدارک کیله دربار معدلتقراره عزیمت و موافقت روز کار ایله
 مواصلت و اسکله یه چیقار چیقمر زهر کس بونلرک یاننه طوپلانمش
 و بویله احراملر ایچنه کیرمش و البسه ساره دن عاری قالمش هیچ
 بروقتده کورمد کلری کسانه باقد قجه آشوری استغراب صورتی

کوسترمشلر

کوسترمشرو و بواد ملر ترکجه و سیرجیلر عربجه بیلد کلرندن یالکز
اشارتله قنخی مملکت اهاالیسی اولد قلرینی بیلشرو و هر نه حال ایسه
اندرون همایون اغالرندن عربجه یه معلوماتی درکار اولان مراد
اغایی بولوب مومی الیه واسطه سیله سبب ورودلرینی سده سنیه
حضرت ظل اللهی یه بیان ایتلری اوزرینه تاجوره والیلکی
مراداغاهده سنه بالاحاله مومی الیه ایلر برابر قضاء مذ کوره
عودت ایدوب اره صره اوزاقدن اوزاغه برقره غول غوغا سیله
اکتفا واسپانیولرک صغشدر دقلری وقت التجا ایتک اوزره
طرابلس ایلر تاجوره میانده برطانیه جک بناسیله قلعه دن
طیشارویه چیقان اسلامی در حال بالاخذ طابیه مذ کوره
الورلرایدی

✽ طرابلس غربک کیفیت فتحی ✽

اکثروقت اشوری صغشدر قلرندن جابجا مراداغاه طرفندن
در سعاده فریاد نامه لر یاغدر لمقده ایکن سلطنت سنیه جانبندن
تونس فتحی امدادینه مأمورا مشهور طور غورد پاشا دوتنای همایون ایلر
مر وارا ایتکده اولدیغی تاجوره دن کورلد کده مومی الیه مراداغاه
وبرقاج نفر معتبران اوفاق قایق لرایله دوتنایک اوزرینه واروب
قید محاصره دن وارسته ایللری خصوصنی مشار الیه دن
رجا ایتشلر وفی الواقع طرابلسک عدم استحکامندن طولای ضبط
وتسخیری قولای برشی ایسه ده دولتجه بوکادار مأموریتی
اولدیغندن ابتدای امر ده پکده قییشه مامش ایسه ده یأس ایلر
جواب ویرمکی دخی تجویز ایتدیکندن نهایت تحت مسئولیتده
قالماق اوزره اصحاب رجایک امضا و مهر لریله بر قطعه سند الوب

اورادن جمله سی بردن طقوز یوزاللی سکر سنه سی قضاء مذکور
 لیانه بالورود جزئی بر محاربه ایله فتح و تسخیر اولنه رق دیگر والی
 تعیین اولمش و قریبا انفصالیله مشارالیه طور غود پاشا نصب
 اولنوب (جاء الترك بس) عبارت سی فتح مذکور تام تاریخ دوشمشدر
 * استطراد المترجم *

بس لفظنده اولان سین حرفی قاعده مغارب اوزره شین معجه
 اعتباریله در چونکه غربده ایجد هوز حطی کلن صغض قرست
 تحذطاغش دیومرتب اولدیغی مثالاودائما خاطر ده قالمق و حسابی
 سهولت ایله بولمق اوزره شوو جمله دخی ترتیب ایتشلردر که
 ۹۹۹ ۸۸۸ ۷۷۷ ۶۶۶ ۵۵۵ ۴۴۴ ۳۳۳ ۲۲۲ ۱۱۱۱
 ایش بکر جلس دمت هنت و صخ زعد حفص طظغ
 اشته بور قلك ابتدا سنه بر وایکی یه ایکی و او چنجی یه اوچ صفر زائد
 علاوه سیله حسابی چیقار و بونکله برابر فا حرفك تحته وقافه
 یالکز بر نقطه قولق اصولدن اولوب ترتیب حروف هجاری دخی
 بلدیکر يك زياده مباینی وغایت قاریشق اولدیغنه مبنی عینیه
 درج اولنور

ا ب ت ث ج ح خ د ذ ر ز ط
 ظ ك ل م ن ص ض ع غ ف ق س
 ش ه و لا ی

انجق مورخ ابن غلبون فتح مذکور یازارایکن غالبامیران عقله
 مراجعت ایتماش زیرا تونسہ دوتنای همایون کیدرایکن
 سکسان یوز میل اچیقدن کچمسی لازم کله جکندن تاجوره دن
 نصل کوزایله کور مشلرو مشارالیه طور غود پاشا مأمور اولدیغی

حاله برعکس برعاده طهورنده الديغی سند پنجه عتابدن نوجهله
 تخلص ایدیلور شورال تحدیش ذهن ایدرمع مافیه شو کیفیت
 استانبول وقایعی اولدیغندن بزم تاریخلردن حقیقت
 حالک اختصار ایانی مناسب کورلمشدر شویله که مراد اغانک
 بر وجه سبق بر برینی تعاقب ایدن تحریراتی اوزرینه طرابلسک
 ضبطی قانونی سلطان سلیمان خان حضرتلری جانبندن آشوری
 امل ایدلمش ایدیه بومطلوبلرینک حصولی طورغودجه بک کی
 صحیحاً محاربه بحریه احوالنه واقف بر ذات بسالت سماءک
 وجودینه موقوف اولدیغندن مشارالیه جزایردن جلب اولنهرق
 یوزیکرمی پاره قدرغه ایله قپودان دریاسنان پاشا و مشارالیه
 طورغودجه بک طرابلس پیشگاهنه کلوب فتح و تسخیر و والیلکی
 خلاف وعد آخرینه توجیه اولدیغندن طورغودجه بک قبرلمش
 وبرکون یولده رکاب همایونه یوزسوروب شفاها طرابلس ایالتی
 رجا ایتمکله شهر یاز مشارالیه مطلوبنه مساعدده ایتمش و اشته ایالت
 مذکور زیر جناح مکارم فلاح سلطنت سنییه ابتدا اولوقت
 یکمشددر (انتهی) انجق مشارالیه طورغود پاشا غایت بهادر
 و منصف بر ذات اولوب اعمارات بلدییه و استحکامات مقتضیه
 جانی فدا ایلدیکی مثلوا اکثر وقت معیتنده کی دونما ایله محاربه
 عزیمت والدیغی اموال غنایمله در سعادتدن برابر کتوردیکی
 یکچری عسکرلرینک تعیناتیه سفاین و مصارف سارهبی تسویه
 ورؤیت ایدوب طوغریسی مملکته آشوری متانت و تقویت و یرمش
 و ثمره غیرتندن طقوز یوز التمش الی سنه سی اسپانیالور بتکرار
 بورایه هجوم ایتمش ایدیه لرده مایوسا عودت ایلشدر و طقوز یوز

یتش ایکی سنه سی سلطنت سنیه جانب عالیستدن مالطه یه اعلان
 حرب اولنه رق محاصره و محاربه قیام اولمش ایسه ده دوتنای
 همایونک روح صحیحی اولان مشارالیه طور غود پاشاک دخی
 مالطه یه عزیمتی لازم کلدیکندن نیشی تعبیر اولنور اون ایکی
 قطعه سفاین صغیره یی معیننه الوب اولو جهله مالطه یه عزیمت
 و محاربه یه مسارعت اولندیغی صره ده مشارالیهک قارننه اصابت
 ایدن کله دن وفات ایدوب نعشی طرابلسه نقل ایله اوراده کائن
 تربه مخصوصه لرینه دفن اولمشدر رحمة الله علیه مشارالیهک
 نفس طرابلسه خیلی اوقافیه برابر برعد دجامع شریفی وجوارنده
 برکوچک حامی واردربوندنصکره دیگر والی نصب اولمش
 ایسه ده برسنه یه وارر وارمز وفاتیه یرینه جعفر بک طراباس
 بکر بکسی اولمش وانجق مشارالیه طور غود پاشا امر حومک
 قره غول نامیه اجناس مختلفه دن برابر کتوردیکی برچوق یکچری
 طائفه سی بوارالق نظامندن چیقهرق و درون شهرده او طه لر
 اسمیه کندولرینه تخصیص اولنان مکانه و بلکه دنیا یه صغماغه
 باشلا دقلرندن ماعدایک جزئی ماده ایچون معارضه و مقاتله یه
 واهالی یی اسیر حکمنه الوب آشوری ظلمه ابتدار ایتشلرو والی بولان
 ذات دخی تأثیر نفوذ ایتدره مدیکندن بتون بتون (منم دیگر
 نیست) ادعاسنه قالمشدر (للمترجم) اولیاء عظام و مظنه
 کرامدن بولنان ذاته بورالجه مرابط تعبیر اولندیغندن عسا کر
 مذکوره دخی یکچریلک اسمنی مرابطلغه تحویل و کویا تطهیر
 نام ایدرک حتی استانبولدن کلان فرمان و اوامر نامه لرده دخی
 مرقوملر بواسم ایله ذکر و یاد اولمش ایسه ده بین الاهالی
 قور اوغلو

قوراوغلو ديو ك سب اشتهار ايلد كلرندن الحاله هذه طوائف
 مر قومه نك سلاله سندن خيلیدن خيلي كسان موجود اولوب
 ضبطيه واري بعض خدماتده استخدام اولند قلرينه بناء تكاليف
 ميريه دن كليا معافيت امتيازينه نائل اولمشلردر اشته بونلره
 قوراوغلي تعبيري قره قول اوغلندن غلطدر (انتهی) خلاصه
 عساكر مر قومه نك معارضه و مناقشه لری كتد كجه ك سب
 شدت ايلد يكدن طرابلس ينه اسكي قاريش قلعني بولمش واهالی
 جانلرندن بزمش و (هرچه باد اباد) قضيه سنه مستعد بولمش
 اولد قلری حالده يحيى ابن يحيى سويدی نامنده بریسی تاجوره
 قضا سنده ظهور و عساكر مر قومه عايينه قیام ايلد يكدن
 هر كس بونی بيوك نعمت يله رك اقین اقین يانه تجمع ايتد كلرندن
 طرفلیسی جو غالمش و ارتق یواش یواش طرابلسی المق افكارنده
 اولد یغنی یكچر یلر طرفندن خبر انه رق بالاتفاق مر قومك
 اوزرینه واریلوب اولنان محاربه ده یكچر یلر منهزما طرابلسه
 عودت و قلعه قپولرینی صبیقی صبیقی به سد و بند ایتمش ایسه لرده مر قوم
 ارقه لرینی براقیوب طرابلسه قدر كلش شدتلی محاصره ايله ضبطنی
 قوه قریبه یه كتورمش ایكن محامد قبیله سی شیخی ابن نور هر نه اسبابه
 مبنی ایسه یحیی ايله او یوشه مد یغندن بر کون مر قوم یحییایی
 بالاغفال حیا طو توب یكچر یلره تسلیم ایتد ككه همان قتل اولنوب
 سرمق طوعی در سعاده ارسال اولند یغندن بو كا مكافاة من بعد
 اولاد نور سلاله سندن شیخ بولنان آدم طرابلسه كلد كده
 هر كلشلرنده برر طوب اتلیسی و والی بولنان ذات طرفندن خلعت
 اكسا اولنسی خصوصنه قرار ویرلشد رارتق بوندن صكره نفوس

بتون بتون عسکری یدینه کجد یکندن ظلم و شقاوتلرینی ده از یاده تشدیده باشلامش و بینلرند و یریلان قرار اوزرینه سلیمان دائی نامنده ایچلرندن برینی والی نصب ایتمشلردر انجق مشارالیه طور غود پاشادن ابتدارا بیک یوزیکرمی اوچ سنه سنه قدر دولت علیه دن بعض دفعه بافرمان عالی والی کلش و اکثر اوقات دخی حالی اوزرینه براقلمش و کلان ولاتی عساکر مر قومه قطعا طانیوب استمد کلرینی والی اتخاذا یدرک نفوذ کاملاً بوکاتسلیم ایدرلرایدی (للمترجم) استانبولدن اکثر اوقات والی کلدیکی ووالینک اسمی دخی بیلمدیکی صورتی سبجل محکمه دن استنساخ اولنان فرمان عالیدن مستبان اولدیغی مثلاً مورخین دخی اره صره استانبولدن کلان ولاتی بتون بتون ترک ایله عسکریدن تعیین اولنان کسانه اعتبار ایله و کابلرینه یازمشلردر

✽ صورت فرمان عالی سنه ۱۱۴۳ ✽

امیر امراء الکرام کبیر الکبراء الفخام ذوالقدر والاحترام صاحب العز والاحتشام بمختص بمزید عنایت الملك الاعلا طرابلس غرب بکربکیسی دام اقباله وافتخار القدوة المجاهدین مختار الکمال والمرابطين المختص بمزید عنایت الملك المعین طرابلس غرب والیسی - دائی دام مجده و قدوة القضاة والحکام معدن الفضائل والکمال مولانا طرابلس غرب قاضیسی زید فضله ومفاخر الاما جد والاعیان یکچری اغاسی وسائر اوجاق اختیارلری ومجاهدین ومرابطين زید مجدهم توقيع رفیع همایونم واصل اولیجق الی اخره (انتهی) انجق بو سلیمان دائی دنیلان شخص کندولری کبی غدار برادم اولدیغندن عساکره مخالفه اوزره

بولنان سالف الذ کرتاجوره اهالیسنه آشوری ظلم ایتش و برکون
 قضاء مذ کوری تماماتخریب ایدوب اموال و حیواناتلرینی اغتنام
 ایلش اولغله اهالی مذ کور سلیمان دائی علیهنده بولنان عسکریدن
 بعضیسنه انتساب ایدرک بونلرک واسطه سیله مر قومک احوالی
 بیک یکر می اوچ سنه سی در سعادته بیان واسعار اولندیغنه بناء
 استانبولدن ارسال اولنان برایکی قطعه سفاین طرابلسه بالمواصله
 مر قوم سلیمان دائی سفینه یه دعوت و همان دشمنلرینه قارشو
 کمینک جارموغنه صلب ایله عودت ایتشلردر بوندنصره
 دیگرینی تعیین ایدوب براز عدالت طرفنه کیدلمش ایسه ده مؤخر
 مر قومی دخی عزل و یرینه رمضان دائی نامنده برینی نصب
 ایتشلر و اجرای مأموریتده بولندیغی حالده ساقزلی مهتدی
 محمد که مؤخر پاشاق دخی علاوه سیله محمد پاشا اولان ذاتر
 فصل ایسه رمضان دائی ایله او یوشوب رضا سیله والیلکدن
 استعفا ایتدزمش و یرینه کندوسی والی اولمشدرو مومی الیه مقتضای
 فطانتی اوزره کرکی کبی تنفیذ نفوذ و اقتدار کسب ایلش و محاربه
 و معارضه متوالیه دن هر کسه ضعفیت مستولی اولدیغندن
 اکتساب قوته مدار اولق امنیه سیله داخل و خارجا اهالی یه براز
 ویرکو توزیع ایلدیکی مثلا و دخول و خروج ایدن اشیا و ارزاق
 متنوعه دن مکرمک النسی و خرما و زیتون اغاچلرینک بهر دانه سندن
 سنه بسنه برریمورطه و صکره لری یکر میشر پاره النقی اوزره بعض
 نظاماته تشبث ایتشدر اشته طرابلسده ویرکو و مکرمک و اغاج
 باشنه برازشی ویرمک اصولنی ابتدا مومی الیه اجرا ایتشدر بونکله برابر
 سواری عسکر تحریرینی و نظامات سائرینی بالاجرا اولد قجه عدالت

طرفی التزام قیدنده بولندیغی حالده بوارالق جزئی کیفسز لشمش
 ونزدنده اسیر بولنان بر اجنبی حکیمی طرفندن تسمیم اولندیغندن
 اولوجهله بیک قرق تار یخنده وفات ایدوب مشارالیه طور غود
 پاشا تر به سنه دفن اولمشدر یرینه مومی الیهک متعلقاتندن ساقزلی
 عثمان بک والی انتخاب اولند قدده مومی الیه سلفینک طرح ایتدیکی
 ویرکوی کلیار رفع ایتد کدن ماعدا قضاتک بلا دفتر قسام بترمه
 نامیله ترکه لردن الدیغی ربع سدس یعنی بیکده قرق یدی غروش
 عادت لرینی قالد رمش و اتفاق اهالی و انتخاب عسا کر الیه طرابلس
 والیلکی عهده سنده قرار ایلدیکندن استانبولجه دخی ایجابی
 اجرا قلمق رجاسیله بیک الی طقوز تار یخنده یازدیغی تحریراته
 جوابا اعمار مملکت و تجدید قلاع و تکثیر سفاین و محاربه اعدا
 شروط طیه و الیک مذکور مومی الیه عهده سنه احاله بیورلش
 وفی الواقع ترسانه خصمه آشوری غیرتی ملا بسه سیله یکرمی
 درت قطعه سفاین تدارک ایتش و محاربه بحریه جه خیلی نام
 المش ایسه ده مقدمه مأموریتنده کتدیکی طریق عدالتی کاملاً
 فراموش الیه اجرای شقاوته ابتدار ایتدیکندن اول امر ده تجاری
 الش و یرشدن کلیا منع الیه خارجدن ~~کلان~~ اشیا بی کندوسی
 مبیاعه ایلدیکندن تجاره کرکی کبی فقر مستولی اولمش و بر عقارده
 بالفرض بر حصه صالتسه بیله مجموعندن یوزده اوچ غروش
 و غلام و جاریه مبیاعه سندن یوزده اون غروش کمرک المق و قضا
 عاملالکنی یعنی مدیر لکنی فیئات غالیه الیه و یرمک و استانبولدن اقد مجه
 کتوریلان کیله بی ایکی قات دهابویدوب اعشار شرعیه بی
 بوکیله الیه تعشیر ایتک و کوزی کسدیکی املاکی صاحبیله بازارلق
 ایدوب

ایدوب حجت لازمه سی تنظیم اولنق اوزره محکمه یه براد میله
ارسال و پاره سنی حضور حاکمه تسلیم و قبضنی اعتراف
ایتدرد کد نصره محکمه نک قپوسندن طیشارو چیققدقه جبرا
الندن پاره لری الوب بایعی الری بوکرده براقور و اموال غنایمی
برقاچ قات فضله سیله کرها تجاره صاتمق کی خلاصه مثلی
مسبوق اولدق پک زیاده ظلم و غدارلق ایتشدن اشبو ظلم و تعدی
نفس طرابلسه مخصوص اولیوب قضایه تعیین اولنان عمال ردخی
متبوعلرینه تطبیقا اهالی یه آشوری شدت کوسترمشلر و حتی
مأموریت مخصوصه ایله فزان جانبنده بولنان یوسف الدیغی
اسرای صویوب دیری دیری اتشده یاقخی اعتیاد ایلدیکندن
اسیر دوشن تجاردن برینی صویوب صوغانه چویرد کد نصره
اخراق اولنه جغی صروده تجار مرقوم استغراب صورتی
کوسترمش و قورقق لازم کلور ایکن تعجب ایتسی کورلده
برغرابدن اولدیغندن سبی سؤال اولندقه علمای کرامدن
مسموعه کوره بویله آتش ایله عذاب جهنمه مخصوص اولوب
حالبو که بن کندی حیاته ظن ایدرایکن شمیدی احراق
اولنه جغدن نوقت وفات ایلدم استغرابنده یم دیمسی ظالم
مرقومک ذوقنه کیدوب صالیویرمشدر انجق مومی الیه عثمان
پاشانک شو تعدیسی اهالی یه منحصریه اولدیغندن سائرلری طرفندن
کا نلم یکن نظریله باقلقه اولدیغی حالده هر کسک قورقه قورقه
اغزینه الدیغی یکچریلره دخی بوکره حقارت و مال غنایمدن
محروم ایتک استدیکنندن همان جمله سی ایاقلنوب بیك سکسان
اوچ تاریخنده عزل و قتلنه قدر قالعشد قلرندن مومی الیه ارتق

قورتيله ميه جغنى اكلايوب كندوسنى تسميا وفات ايتشدن
 مومى اليهك بر مدرسه و مسجد و حمام و خان و سائر اوقاف كثره سى
 موجود در بوند نصكره عثمان رئيس نامنده برى والى ايدلمش
 ايسده لمصلحه خارجده بولوب بوكره عودت ايدن بعض
 عساكر بونى قبول ايتدكلرندن عزل و مؤخر اقل ايله بادي
 چاوش تعيين اولنوب بونك دخى قريبا وفاتى و قوعيله يرينه
 مصطفى پهلوان انتخاب اولنه رق او نجي كوني باله تفصال مصرلى
 اوغلو ابراهيم دائى نصب ايدلمش و مومى اليه شجاع و بهادر
 و زياده مسلمان برادم اولديغندن انكليز لولره خيلى صقندى
 ويرمش و اولد قجه نفوذ قزاقمش ايسده امر بالمعروف و نهى
 عن المنكر طرفنى زياده جه التزام ايلديكندن يكچر يلك بونى دخى
 خام صوفيلق تهمة عزاله قلعش قلوبى خبر اله رق بيك سكرسان
 يدى سنه سى اسكندريه جانبده فرار ايله و تخليص كريبان ايتشدن
 بونك اوزرينه موردهلى ابراهيم چلبى اختيار اولمش ايسده
 او نجي كون دفع ايدلمش و متحيزاندى مصطفى قيودان حقنده
 قبول عامه دركار اولوب انجق تأديب سر كشان و احقاق بيكرسان
 و خصوصيات سائر ده مستعمل اولق شرطلرينى ميدانه
 قويد يغندن همان مقاوله مذكور ايله تعيين قلمش و ادب سرلكك
 او كنى كسديره جكى بعض حالندن استدلال اولنمده ايكن آزمدت
 ايچنده وقوع ارتحاليله يرينه و كيلخرج عثمان دائى نصب اولنوب
 ايكي آي مرورنده وفاتيله تيمور ديمككه مشهور محمد دائى انتخاب
 ايدلمش و بونك دخى قريبا انفصاليله امر اى عسكر يه دن عبازه
 حسن بك بيك طقسان درت سنه سى بالاتفاق تعيين اولمش
 و مومى اليه

ومومی الیه اسلافنه قیاس اولنمیوب هر کسک سودیکی بر ذات
اولدیغندن انفصالی محال حکمنده بولندیغی حالدیه برسنه یه
وارر وارمز الکی زیاده محبتلری ملحوظ اولان فرقه عسکریه
طرفندن بلاجنحه اوزرینه هجوم وعزل الیه ترزی ابراهیم دانی
اختیار اولمش واولصورته مسند ولایت لاجل تعمیر ایادی
حیاطته کجدیکنی متعاقب دربار معدلتقراردن دخی ارنبودخلیل
پاشاتعین اولنهرق بورایه کلمش ومحال سائریه قیاسانفس متکلمک
ملاحظه سنه صایدقده مومی الیه ترزی ابراهیم دایتنک وجودی
ملاسه سیله کندوسنک عدم لزومی درکار اولدیغندن هیچ
برمصلحته مداخله وتعرض ایتمیوب کندو حالنده اوطورمسی
حقننده متحیران عساکر طرفندن اولن تنبیهت اوزرینه ضروری
کوشه ازوایه چکلمشدر فقط طائفه یکچرینک تغلب سرکشانه
وتعصب باغیانهریله برابر کندولری کبی ارادل اشخاصی والی
انتخاب ایدرک (الحکم لمن غلب) طریقنه ذهابلری بالاخره
استحکامات بحریه وبریه نک انعدامنی موجب اولمغله دوزین
تجسسله اوزاقدن مترقب فرصت اولان اسپانیالور طرابلسک
ضعفیت حاضره سنی کوردکجه مرادینی قوه دن فعله
چیقاره جفته شبهه ایتدیکندن ان اجرای نفوذیه برمقدمه اولهرق
بوکره برقونسلاوس اقامه ایتدرمش واره سی چوق کچمیه رک
تبعه لری هریره قوندره الیه کیرمک واسپانیایا تبعه سندن برینک
اسلام الیه ترافعلری لازم کلد کده شرعه کتیوب قونسلاوسنخانه ده
ایجابنه باقلمق اوزره ایکی بندی شامل برمعااهده جک یاپدرمشدر
اشته بومعااهده یه سببیت جنحه سیله مومی الیه خلیل پاشا الیه

شریکی ابراهیمک وقوع انفصال لر یله دز سعادتن محمد پاشا
 وعسکری طرفندن دخی امام محمد دانی نصب اولنش ومومی الیه
 محمد دانی مشارالیه محمد پاشاک تشویقیله اولدقجه عدالت
 طرفنی التزام ایلدیکی مثلاً واسپانیا معاهده سنک ایکنجی ماده سنی
 فسخ واحدا ایلدیکنه مبنی دولت مشارالیه اونا بش قطع سفاین
 الیه طرابلس پیشگاهنه کلوب محاربه طلبنده بولنش ودنیاره
 صغیمیان یکچریلری آشوری خوف ودهشت استیعاب ایدرک
 بر صورتله محاربه بی تجویز ایتمد کلرندن شرط مذ کورک قبولی
 وشاید قانع اولدقلری حالده سائر هدایای مناسبه دخی اعطاسیله
 بر قدم اقدام دونمای مذ کورک دفعنی بیان ایتمش و مشارالیه محمد
 پاشا بعض عسکر واهالی بی بخشش والتفات الیه اقناع ایدوب
 نهایت سفاین مذ کوره بی منهرما عودته مجبور ایتمش ایه ده
 مؤخر ا دونمای مذ کوره بر قاتدها علاوه سیله تکرار عودت
 وهمان محاربه یه مبادرتله ایکی قطعه اسلام کیسنی اسیر و شرط
 مذ کورک قهرا تجدید و بقاسنی بالاجرا اولوجهله مصالحه و ترک
 منازعه ایدلمشدر و متعاقبا مومی الیه امام محمدک عزلیله قهوه جی
 عثمان دانی تعیین اولنش ایه ده مر قوم اشتراک قبول ایتمدیکندن
 مشارالیه محمد پاشای دیار اخره نفی ایدوب بتون بتون میدان
 کندوسنه قالمش و غلیظ الطبع بر آدم اولغله اوچ بچق ای
 مرورنده بالانفصال کلیبوللی مصطفی دانی انتخاب وه مؤخر ا
 قتل اولنوب یرینه نفی و تغریب اولسان مشارالیه محمد پاشاک
 دامادی خلیل بک بیک یوزاون درت تارینخنده اتفاق آرا الیه والی
 ایدیش و در حال قان پدیری مشارالیهی محل منغاسندن بورایه

جلب ایتمشد ر مشارالیه محمد پاشا غایت متدین و صالح بر ذات
 اولاد یغندن ماعداد درون مملکتده ترک چارشوسی نامیله بر چار سو
 وایچنده جسم و کوزل بر جامع شریف یاپدروب مؤخرایعنی بیک
 یوزاون سکز سنه سی تاریخنده وفات ایتمکله جامع مذکور
 اتصالده کائن تریه مخصوصه سنه دفن اولمشد ر انجق
 مشارالیهک ورودندن طولانی بعض عساکر میرمومی الیه انفعال
 ایدرک اسلافنه توفیقا عزلی امل ایتمشلرایسه ده طرفلیسی غالب
 کله رک کورواتی باصدرلش و بوندن صکره مومی الیه خیلی نفوذ
 کسبیه مهها ممکن هر کسک کوزینی قورقتمش و مدنیت جانبی
 التزام ایلدیکندن طرابلسده ضربخانه انشاسیله سکه قطع ایدن
 ویراملرده صرمه لی و آغر البسه اکساسیله اکل و شربجه تعزز
 صرده سنه کیدن ابتدا میرمومی الیه درو طوغر و لقردی بی سوز
 و سوزنده غایت ثابت و مقتضای علم و فضلی علما پرست و مباحثه یه
 مجبور بر ذات اولوب ترسانه خصوصه دخی غیرتی ملا بیه سیله
 خیلی وقتدنبرو متروک اولان محاربه بحریه مومی الیهک زماننده
 اجرا و منشیده ده جامع کیر نامیله بر جامع شریف یاپدرومش و غرائب
 عصریه دن اوله ورق بش سنه بالاستقلال اجرای مأموریت ایدوب
 بوارالق عسکریدن ابراهیم ارکلی ظهور و میرمومی الیهی مصره
 فراره مجبور ایدرک کندوسی والی اولمش ایسه ده سلفنک متعلقاته
 قتل ونفی کی بعض تعدی یه باشلادیغنه مبنی مر قومی عزل
 و قوللرینی ارقه سنه باغلا یوب اسکندریه یه نفی ایتمشد ر
 و بوتبدلات ارسنده امرادن جن محمد بک پک زیاده پارلیه رق
 هر برشی ید اقدارینه کچمش و والیکی صرهمی کلمش ایسه ده

بعض افكار اوزرينه همان برآلات قیبلندن اوله رق نفس
 طرابلسده کائن خروبه جامع شریفی امامی اسماعیل خواجه بی
 والی نصب ایتشد مومی الیه یومیه برقاج اقیقه وظیفه اوقاف
 ایله کچنهرک بومنصب قریب الزوالی رؤیاده بیله خاطریت کتورمن
 ایکن بیچاره امام دنیاره مالک اولمشجده سنه سونمش ایسه ده
 نچاره که طالع نامساعدینک ممانعتی حسبیلله ایکی ای مرورنده
 ابو مویس محمود بک باش کوستره رک مومی الیه جن محمد بکی قتل
 واسماعیل خواجه بی عزل وامامت سابقه سنده بالبقا مومی الیه
 (کل شیء یرجع الی اصله) دیدیروب کندوسی مسند مأموریته
 کچمشدر

﴿قره مانلی سلاه سنک ابتدای ظهوری﴾

انجق امرای یکچریدن قره مانلی احمد بکک موصوف اولدیغی
 فطانت ذاتیه سی مومی الیهک وسوسه سنه الو یرمیوب هروجهله
 کندوسنه رقیب کورمش اولغله بونک دخی ازاله سیله استقلال
 کیفیتنه ذهننده قرار ویرمش ایسه ده مومی الیه احمد بک حقنده
 هرکسک حسن توجهی درکار اولوب اچیقندن اچیغه قتلنه دخی
 یکده قیشه مدیغندن وصولنده بلا امان اعدام ایلمک خصوصنی
 حاوی ومومی الیه اوستو مهرلی برقطعه مکتوب اعطاسیله
 غیریان قضاسی عاملنه بالارسال تشفیة صدر ایلدم ملاحظه سنه
 صاپمش ایسه ده یولده مکتوب مذکور مومی الیه احمد بکک
 افکارینه طوقنوب آجوب قرائتله ماده بی اکلا دقده درحال
 اورادن عودت و کیفیتی طرفکیرلرینه بالبیان مومی الیه محمود بکک
 مأموریتنک یکرمی بشنجی کونی یعنی بیک یوز یکرمی اوچ سنه سی
 جادی الشانینک

جہادی الثابہ نك اون او چنجی صالی کونی عزل و انتخاب عسکرایله
 کندوسی والی نصب اولمشدر (للمترجم) اشبو احمد بك كه
 قره مانلیرك اك یوكلری اولوب آئیده تفصیل قلنه جغی وجهله
 سلاه سی خیلی وقتلر اجرای مأموریت و والیک ایدن ذاتدر
 (انتهی) مومی الیه بو وجهله والی اولدقده ملحق قضاره
 او امر نامه ارسالیله قانون کل و مدار حل هر مشکل اولان
 شریعت غرائك کاهی حقها اجرایی و تحقیقات شرعیه
 ایچون مرافعه یه مخصوص برجعت علیه تشکیل ایلمش
 و بوتشباتنی متعاقب مقدا مصره فراری بیان اولسان والی
 اسبق محمد پاشا دامادی خلیل بك مصردن دربار معدلتقراره
 عزیمتله بافرمان عالی طرابلس غرب والیسی تعیین اولنهرق
 بودفعه کلوب مملکته دخول مرادنده اولدیغندن منع
 ایدیلوب نهایت قتل اولمش و سلطنت سنیه جانب عالیسندن
 مومی الیهك سبب قتلنی او کریمك اوزره قپودان دریا جانم
 خواجه دیمکله شهر محمد پاشا مخصوصا طرابلسه کلوب بعض
 کساننی یانه جلبیله تدقیقاته ابتدارایتد کده قپودان مشارالیهك
 یانه کیدوب کلان کساننی مومی الیه احمد پاشا برر بردیاراخره
 نفی ایتمسی اوزرینه آرتق کیمسه کتمکه جسارت ایده مامش بناء
 علیه قپودان مشارالیه بر خبر صحیح اله مبهرق ضروری عودت
 ایتمشدر و بیک یوز یکر می بش سنه سی رؤسای عسکریدن
 ابن حسین مسلاته قضا سنده احمد پاشا علیه قیام و هر کس
 کندوسنه تبعیت ایلدیکی حوادی ایشیدلمکله مومی الیه بالذات
 خیلی عسکرله اوزرینه کیدوب قهر و تدمیر و مر قومه تبعیت
 ایدنلرك اموال و حیواناتنی اغتنام و خانه لرینی احراق ایتمشدر

بوند نصکره فاس اهلایسندن و صنهاجه قبیله سندن طرابلسده
 مقیم ابوقبله دیمکله معروف علی بن عبدالله بن عبدالنبی بیک
 یوزیکرمی یدی تار یخنده جبل طرفنه عزیمت و بعض سبکمزانی
 فاندیره رق راست کلدیکی بیعتنه دعوت و موخر اکندوسی
 مهدی منظر اولدیغی ادعاسیله اون یدی کون بعدی اولان
 جبل اخضر طرفنه یایلمش و خیلیدن خیلی شهرت آلمش اولدیغی
 بالاستماع مومی الیه احد پاشا عسا کر و فیره ایله عزیمت و سرت
 قبیله سنی کیجه یار یسی باصوب متعلقاتی تماما قتل ایدوب
 مرقوم یالکز جانی قورتره بلمشدر آرتق بویله بر برینی متعاقب
 ظهوره کلان مظفریت اوزرینه مومی الیه اسلافنک برقاج قات
 زیاده سی استحصال نفوذ ایلد یکنه مبنی تکثیر بلاد و ترفیع
 شان و تعینات مقصدینه شروع ایدوب فی الواقع فزان
 قضاسنک خراجی سنه بسنه طرفنه و یرلک مقاوله سنی اجرا
 ایتمش و بنغازی و درنه و عربان سارهی دخی تحت حکمنه الموق
 اوزره برچوق عسکرایله امرادن تریاکی ابراهیم و علی ادغی
 ارسال و یرادری حاجی شعبان بکی جله سنه سردار ایدرک
 اولطرفه اعزام ایتمش ایسه ده میر مومی الیه امرای مرقومه یی
 طائمه مق ایستد یکندن بو کیفیت مرقوملره آخر کلوب
 مومی الیه ی عزل ایتک و یرینه مرقوم تریاکی ابراهیم و الی نصب
 اولنق ملاحظه سنه صاپوب بوافکارلرینی اصحاب علم رملدن
 عبدالرحمانه آجد قلرنده عین تقدیره موافق اولمغله همان
 بر قدم اقدام اجرای فعلیاتنه مسارعت ایتلرینی بالبیان بونلر
 معیتلرنده اولان عسا کری بعض مواعید ایله تحریک و درنه دن

عودت

عودت ويولرده راست كلدكلى كسانى جبرا يانلرينه آلوب
 يساغى بريوك اردو تدارك ايدرك طرابلسه كلشرو مومى اليه
 احمد پاشا عساكر باقيه ايله قارشو چيقوب مر قوملك جبرا
 الدقلى عساكر وسايره دخی بو طرفه ملحق اولغله جله سى
 بردن جانب باغى به هجوم وشديد محاربہ لردن صكره رجعت
 قهقریه ايله عاصبان مر قومان فرار ايتشاردر (للمترجم)
 بوجه آتى مومى اليه احمد پاشاك سلاسه سى منقرض اولمجه به
 قدر طرابلسه والى بولسان ذاته امير المؤمنين اطلاقى اصول
 وعادت قبيلىدن اولغله حتى مورخ ابن غلبون بر غریبه مخصوصه
 فاصله سيله تاريخنده ديركه (قدم على حضرت امير المؤمنين)
 احمد پاشا رجل منتسب للطب يطلب منه توقيعا يتضمن زياده
 احترامه وتوقيره فامر ايدته تعالى الى آخره يعنى طلبه علومدن
 برى امير المؤمنين احمد پاشا حضرتلرينه كلوب طرابلسك
 بعض قضالرينه كیده چكندن حقنده حرمت ورعايت اولمسنى
 امر بر قطعه توصيه رجا ايتد كده اولوجهله تحريرات مذكورك
 يازلمسنى امر بيورديلر

✽ صورت مکتوب ✽

هذا كتاب امير المؤمنين اكرمه اه بيد حامله العالم العلامة التحرير
 فلان بن فلان يؤذن من يقف عليه بزيادة احترامه وتعظيمه
 الى آخره مأل عريضه اشبو مکتوب امير المؤمنين جانبندن
 يازلمشدر كه حامل تحريرات علامه نحرير فلان هر قنغى محمله
 مواصليت ايدرايسه زياده حرمت وتعظيم اولمسنندن عبارتدر
 وقتا كه عالم مومى اليه مکتوبده نحرير لفظنى كورد كده نحرير بايع

الحریر یعنی ایک صاتیجی معناسنہ اکلا یوب حالبو کہ طرابلسہ
ایک صاتمق یہودی ملتہ مخصوص اولدیغندن کندوسنہ
ظننا یہودی دینلش ظنیلہ آشوری قزمش ایسہ دہ شہہ سی
ازالہ قلندر ق مصلحتہ کتمشدر انجق امیر المؤمنین اسم سامیسی
خلیفہ و پادشاہلغہ مخصوص اولدیغندن ولایۃ عظامہ
بروجہلہ تسبیہ سی صحیح و تجویز اولنہ من لکن اہالی
برتبصص فوق العادہ اولہرق بونلرہ امیر المؤمنین اطلاق
ایلد کلری مثلاً مومی الہم دخی عبودیت حاضرہ یی کوزتمد کلرندن
بوننی مع التشر قبول و مکاتبہ لرینہ وارنجہ یازمشلردر و مورخ
ابن غلبون مجرد جانی قورتارمق ملاحظہ سیلہ مومی الیہ احد
پاشانک فرط درایت و انصافانہ حرکتی و پک زیادہ عدالتیلہ
علمای عظامہ اولان میل و رغبتی حقندہ کتابی غایت مفصل
برخاتمہ الیہ تکمیل ایتمش ایسہ دہ مومی الیہ ہم عصر اولدیغی
برچوق علماء کرام الیہ بیچارہ مورخ ابن غلبونی دخی قتل ایدوب
قورقدیغی تبغ فلاکتہ باشنی اوغراتمشدر فقط احد پاشا
اعظام مأموریت مرافی ایسہ دہ ہمالری اولان یکچریلرک
شدنی و برطرفدن دخی اقتدار لازمہ نک فقدانیتی ملابسہ سیلہ
ایلرویہ عطف افکار ایتیموب مأموریتی ہمان بولدیغی ہیئتہ
کچورمش و منشیہ قیوسی جوارینہ یعنی حین فتحندہ عمرو بن
العاص حضر تلی جانبندن بنا بیوریلان مسجد شریفک
یرینہ کوزل برجامع شریف بناسیلہ ابقای نام ایدوب بیک یوز
الی سکز سنہ سی شوانک التبی کونی ارتحال دار بقا ایلد یکسندن
جامع مذکور اتصالنہ دفن اولنمشدر

✽ محمد پاشانك واليلكى ✽

مومى اليهك وفاتى كوني يرينه اوغلو محمد پاشا انتخاب عموميله
والى ايدىلوب جربزه ذاتيه سى حسييله مصالح مأموريتى پك
كوزل قوللانمش وتوسيع مملكت طرفنه صرف ذهن ايتديكندن
ايا توجه زماننده اصلا برمقاتله ومناقشه چقمامش ايسه ده
محاربه بحريه يه مجبوريت كامله سى ملايسه سييله اسكى
قورصانلره برقاج قطعه دهسا علاوه سييله صكره لرى دكرجه
آشورى نام المش ومحاربه لرينك اكثريسى چالوب چارپمه
صورتيله اولوب وضابطان بحريه ده اصحاب جسارت وبسالتدن
صحيحا دائى ديه جن خيلى نوات بولنديغندن فى الحقيقه اكثر
دشمنك كوزلر ينى قورقوش وطرابلس ايله عقد رسته اتفاق
اولنمايجه سفاين تجاريه ساحل سلامتده بولنه ميه جغندن
بعضلرى شواتفاقه دخالت ارزوسنده بولنمش ايسه لرده تحت
ضابطه يه التديق بىچريلره امنيت ايده مدكلرن دن طرابلس
ينه اولكى كى اورغونچلق حائنده قالمش و بوارالق انكلتره
دولت فخيমে سى استحصال معارفه يه مقدمه اوله رقى بر معاهده
تنظيمى تكليف ايلد كده والى مومى اليه بوكا از دل وجان
موافقتله واشبويك يوز التمش درت سنه سى ترجمه سى آنبده
محرر بر قطعه اتفاق نامه قلمه التمشدر

✽ انكلتره لو معاهده سى ✽

الحمد لله وصلى الله على سيدنا ومولانا محمد وعلى اله وصحبه وسلم
طرابلس غرب اوجاق منصوره سييله انكلتره دولتى پيننده قديمى
دركار اولان حب وموالات بوكره شيرازه بند صفوت وتاكيد
سلم ومودت ايديله رك استحصال آسائش رعيت واستكثار مآثر

انصاف وعدالت مقاصد مخصوصه سیله صاحب السعادة
السنیه والی محروسه اوجاق مذکور المؤید محمد پاشای قره مانی
وطرابلس سرعسکری مخدوم مومی الیه علی بک ویکچری
اغاسی وبالجملة امر الیه دولت مشارالیهاقونسلوسی جنابلری
حاضر اولدقلری حالده تراضی طرفین وتوافق جانبین الیه تنظیم
قلوب دفاتر محفوظه یه قید اولنان معاهده مبارکه در که بوجه
اتی ذکر اولنور

برنجی ماده انکیزک بکک سفاینی طرابلسده بولنان حنطه
وشعیر وسائر ارزاق متنوعه دن فیثات مقرر سیله بالاشترا انجق
برت ماهون جزیره سنه کتور میه مأذون اوله جقدر
ایکنجی ماده انکیزه سفاینه طرابلس قورصانلری یولده
راست کلور ایسه بالکز پساپورطنه نظر ایده جک ومذکور
پساپورطی صحیح المفاد بولدیغی تقدیرجه احباب ودوستلق
معامله سیله افتراق ایده جکدرر ویدنده پساپورط موجود
ایکن اوجاق قورصانلری ینه بعض اذیت وزحمتله قالدیشورلر
ایسه بوکا جسارت ایدن قیودانک تربیه سنه والی پاشا معهد
اولدیغی مثللو پساپورطک عدم ارأه سنه وسائر مغایر شروط
معامله یه انکیزه لو طرفندن ابتدار ایدیلور ایسه کیفیت قرالنه
یاز یلوب انکدخی تربیه سی ویر یله جکدر

اوچنجی ماده انکیزک بکک سفاینی طرابلس لیمانه کلد کده
هرقنغی جنسدن اولور ایسه اولسون درون مملکتده نمقدار
اسراوار ایسه سفاین مذکوره کیدنجیه قدر حبس ومحافظه
اولنه جق اسراادن بری مذکور کیلره فرار والتجما ایلدیکی
حاله

حالده اوجاق جانبندن طلب واسترداد اولمیه جقدر
 دردنچی ماده - تجار دن بری اوروپادن کتوردیکی اشیایی
 طوغرو انکلتر قونسلوسخانه سنه ایصال واوراده آخره بیع
 ایدرایسه قنجلاریه رسوماتنی مطلق موخی الیه انکلتره قونسلوسی
 آلوب سائر قونسلوسلرندن اصلا مداخله و مشارکت ایتیه جقدر
 بشنچی ماده - دولت مشارالیه دوستخاسی طرابلس لیمانه حین
 ورودنده اشبومصالحه جلیله یه رعایه همان قلعه دن یکر می
 یدی پاره طوب آبلوب سفاین مر قومه دخی مقابله بالشی اجرا
 ایده جقدر

التنجی ماده - انکلتره قونسلوسی براو بحرا بریره عزیمت مراد
 ایتد کده قطعا ممانعت اولمیوب واستد یکی کساندن ترجحان
 وسمسار المسنه کیمسه مخالفت ایتیه جقدر و ترجحان وسمسارک
 عزل ونصبیه کنندی مستقل اولدیغنی مثللو کندو کیلرینه
 عزیمت ایتداسنده صندالنه باندیره مخصوصه سنی چکه جقدر
 یدنجی ماده - دولت مشارالیه ایله محاربه ایجاب ایتد یکی
 حالده قونسلوس موخی الیه وسائر طرابلسده مقیم تبعه لرینه
 اصلا ایلیشلیوب هر قنغی محله رجعت وعودت ایدرلرایسه
 برکونا دست درازلق ایدلایه جقدر

سکرنجی ماده - طرفین قورصانلری دشمندن الدیغی سفاین
 دروننده جانبین تبعه سندن یولجی و تجار بولندیغی حالده مال
 وچانه اصلا تعرض ایتوب دوستخانه استد یکی محله ارسال
 وکافه اموال و اشیاسی طرفته تسلیم قلنه حق انجق بو مثللو

کسان سفینه مذ کوره نک خدمه و طائفه سندن اولدیغی صورته نسبت ایلدیکی تبعیه باقلمیوب عادتاً اسیر معامله سی اولنه جقدر طقوزنجی ماده دولت مشارالیهها تجارتدن بری طرابلسده الش ویرش ایتمکده ایکن وقوع افلاسیله فرار ایلدیکی حالده اصحاب مطلوب الاجقارینی دولت مشارالیهها نک تجارت و تبعه سائر سندن طلب و اخذ انیمه حق اولیه جقدر

اوننجی ماده اوجاق قورصانلری بر محله کیدر ایکن طرابلس لیمانده لنگر انداز اولان کرک انکلیر و کرک دول سائر کیلری سفینه مذ کوره نک عزیمتی کونندن اعتبارا سکر کوندن اول ارقه سی صره کتلرینه رخصت و یرلیه جقدر

اون برنجی ماده جانبین کیلری یولده قصاصد فایله بر بریله مخابره و مکالمه ایدر لرایکن یدنلرنده بر منازعه ظهورنده بو کاسب اولان قنغی طرفدن ایسه بالتحقیق تربیه و تکدیر اولنه جقدر اون ایکنجی ماده اوجاق ایله مصالحه یه ابتدا انکلتره دولتی رغبت ایلدیکنه مبنی **ک**افه تبعه سنه دول سائر تبعه سندن زیاده حرمت و رعایت ایدیه جقدر

اون اوچنجی ماده انکلیر تجارتی لاجل البیع طرابلس کتوردیکی طوب و تفنک و طبانجه و سیف و سونکی و باروت و مسکت و کله و قورشون و تیمار و حلاط و سائر کی ایی و کبریت و طوب و کی کراسته سی و کی دیره کی و یلکن بزی و قایق کوره کی و حنطه و شعیردن منافع عامه حاصل اوله جخنه بناء بونلردن اصلاً برپاره کرک انیمه جقدر

اون دردننجی ماده دولت مشارالیهها سفاینی دشمندن الوب

صامق

صاتمق ایچون طرابلسه کتوردیکی اموال غنایمدن عواند نامیه برشی طلب اولنیه جقدر

اون بشنجی ماده ماده سابقده بیان اولندیغی وجهله دولت مشارالیهک جمله دن مقدم مصالحه یه میل و رغبتلرینه مکافاة و حرمة عید شریف و ایام سائرہ مبارکده لاجل انتبریک انکلتزه قونسلوسی کافہ قونسلو سلرندن اول والی پاشانک حضورینه کبره جکدر

اون التهی ماده طرابلس کیلری انکلیز باندیره و پساپورطیه راست کلدیکی برت ماهون جزیره سی سفایندنه بلا فرق دولت مشارالیه تبعه سی مثل و حرمت ایده جکدر بونکله برابر حق لرنده رعایت مخصوصه اوله رق جزیره مذ کوره صولرنده سائر دشمن کیلرینه دخی تعرض اولنیه جقدر

اون یدنجی ماده انکلتزه تبعه سندن بری شرف اسلام ایله مشرف اولوق استدکده یاننه بر مأمور مخصوص ترفیقیه قونسلو سخانه یه ارسال و اوراده اوچ کون اقامه اولنوب ینه اسلامیتده ثبات ایدرایسه اولوقت تلقین دین ایدیه جکدر اون سکننجی ماده دولت مشارالیه تبعه سندن ایکی کشینک مر افعه لری وقوعنده در حال قونسلو سلرینه حواله اولنه جق فقط بری مسلم و دیگری انکلتزه تبعه سندن اولدیغی تقدیرجه بهمه حال والی پاشا حضورنده مر افعه اولنه جقدر

اون طقوزنجی ماده دولت مشارالیه تبعه سندن بری بر مسلمی عمدا قتل ایلدیکی حالدده والی پاشا معرفتیه شرعا قصاص ایدیه جک انجق قاتل مر قوم فرار ایدرایسه قونسلوس مومی الیه

اصلا مواخذہ اولمبوب حکومت محلیہ معرفتیلہ ارانبلوب
دردست اولندقدہ قونسلسوس مومی الیہ حضورندہ قصاصا
اعدام اولنہ جقدر

یکرمیجی مادہ انکلترہ دولتی جزایر وتونس اوجاقلریلہ
محاربہ سی وقوعندہ طرابلس طرفندن هیچ برینہ قطعاً
معاونت اولمبوب هروجهلہ بیطرف بولنہ جقدر

یکرمی برنجی مادہ مذکور اوجاق قورصانلرینک دولت
مشارایہادن الدقلری اموال غنایم واسرایی طرابلسہ کتوروب
صائمیری واکرک اشترایملری کلیاً ممنوع اولہ جقدر

یکرمی ایکنجی مادہ دولت مشارایہا تبعہ سندن طرابلسہ
وفات ایدنلرک اموال متروکہ لرینہ طرابلسجہ مداخلہ اولمبوب
قونسلسوسلری معرفتیلہ اخذ وقبض ایدیلہ جقدر

یکرمی اوجنجی مادہ طرفین سفاینی بربرلرینہ ملاقاتلرندہ
احدهما آخرہ قطعاً تعرض ایتبوب دوستلق ومحبتلہ افتراق
ایدہ جقدر

یکرمی دردنجی مادہ انکلترہ کیلرندن بری بقضاءالله تعالی
طرابلس وایالت لیمان وارا ضیسنده غرق وشکست اولدیغی
صورندہ حوالہ وطائفہ لرینک تلفدن وقایہ سنہ هر درلومعاونتہ
برابر حق لرنده حرمت وتسلیت واستدکری مأمین محلہ وضع
وارسال قلنہ جقدر

یکرمی بشتجی مادہ طرابلس قورصانلری انکلترہ باندرہ سنی
چکن هر نوع سفاینہ یولده تصادف ایلد کده اوجاق کیسندن
ایکی نفر درایتلی ادم صندالہ راکک باسفینہ مذکورک اوزرینہ

واروب

واروب پسا پورطنه نظر ایدہ جک صحیح بولدیغی حالده کمال
صفوتله آریله جقدر

یکرمی التجی ماده دولت مشارالیه باند رسی التندہ بولسان
کافہ سفاین طرابلس وایالت اسکله لرندہ بلامانعہ الیش ویرش
ایدہ جکدر

یکرمی بدنجی ماده اون اوجنجی ماده ده مصرح اشیا
وامتعه دن ماعد الاجل البیع انکلتہ بکک وتجار کیلرینک طرابلس
وایالت اسکله لرینہ کتوروب والدیغی کافہ اشیا وارزاقدن
بالکزیوزده اوج غروش کک ویره جک انجق کتوردیکی اشیا
صائیوب اعاده سی لازم کلدیکی حالده کک نامنه برشی طلب
اولنیه جقدر

یکرمی سکرنجی ماده جانبین سفاینی بول وایمانده بربرلرینہ
راست کلدکارنده مجرد تقویت محبت وتشدید الفت مقصدیله
دیگرینہ اجرای ضیافت واطهار مخالفت برله خارج شروط
برکار مکروهه جسارت ایتیمه جکدر
خاتمہ

حسن اتمام طرفین وصدق خلوص جانبین ابله ختام پذیراولان
اشبو معاهده قویه طرفیندن مرعی ومعتبر وازهرجهت
احلالدن حمایت وصیائتله برابر درحال مبادله می اجرا قلمشدر
تحریرافیالوم التاسع والعشرون من شوال المکرم لسنه اربع
وستین ومائتہ والف (انتهی) بیانه حاجت اولدیغی اوزره
طرابلس وجزایر وتونس اوجاقلری قدیمی زیرجناس مکارم
فلاح سلطنت سنیده بولند قلرندن دولت علیه کک دول متحابه

ایله اولان معاهداتنک بورالره دخی شمولی درکار ایلده
 طرابلسک اوزاقلغی و طوزغود پاشا مر حومدن صکره کسب
 تفر دایدن برطایق فرومایه لر دخی عهد مستحکم العقود دولتی
 کوزتمد کلرینه مبنی دول سارهنک اشتکاسی التنده قالمش
 وبالاخره مومی الیه محمد پاشا بوکا دخی قناعت انجیوب باشلی
 باشنه عقد معاهدیه جسارت ایدیشی طوغریسی بیوک قباح
 اولدقدن بشقه اخلافنه لایق سز بر اصول براقشدر فقط بونک
 امثالی بعض حادثاته دخی تشبثاتی روش حالندن اکلا شلقده
 اولدیغی حالده عمرینک عدم مساعد سیله اشویک یوز التمش
 یدی سنه سی وفات ایدوب ملاحظات مخصوصه سی قوه
 خیالیه ده قالمشدر

✽ علی پاشاک طرابلس والیک ✽

اولوجهله مومی الیهک وقوع ارتحالیه یرینه اوغلو علی پاشا
 والی نصب اولمش و درایت موصوفه سی حسیله کندوسی
 مملکتجه سودیرمش واسکیدن قالمه قورصانلری دائماً محاربه ده
 استعمال و طرابلسده قونسلوس اقامه سی ایچون دول سارهمی
 براز افجهیه کسمش و بالاده محرر انکلتزه اتفاق نامه سنی تمامیه
 تصدیق ایتدکن ماعدا پدرینک آچدیغی چیقماز زقاغه
 بودخی منسلک اوله رق بیک یوزیتمش یدی سنه سی بلسیان
 جمهوریه اوزون بر معاهده عقدینه مبادرت ایتشدر

✽ بلسیان معاهده سی ✽

الحمد لله وحده بلسیان جمهور معتبره سیله براز وقتدن پروتکون
 ایدن شقاق کافی السابق مبدل حسن وفاق اولق خصوصه
 طرفیندن

طرفیندن اظهار خواهش و رغبت اولنه رق طرابلس و الیسی
 علی پاشا دائی و امرا و اوجاق اختیارلری و عساکر مجموعه
 اتفاق و اتحادی و جمهور مذکور دوتئاسنک باش امیرالی
 موسیو یا کم نانی و طرابلسده مقیم قونسو ساری قونط
 زریب بالودیک ایله اشبو پیک یوزیتشیدی سنه سی
 جمادی الثانیه سی اوائل تاریخنده بالتراضی عقد اولنوب جانبیندن
 حرف بحرف قبول و تصدیق اولنان مصالحه حیریه در

برنجی ماده بوندن بویله کمال صفوت و محبتله اشبو مصالحه نک
 احکام مندرجه سنه دقت و طرفین کیلری لیان و یولده
 بربرینه تصادف ایتدکلی حالدده دشمن نظریله قطعاً
 مداخله و تعرض ایتیه جک و بونکله برابر جمهور مذکور دخ
 فیما بعد کند و تبعه سنک خارجنه پاتنه و پساپورط و یرمیه جکدر
 اگرچه بونک خلافتیه دیگر دولت باند ره سی التنده بولنان
 برسفینه ده مومی الیهک پاتنه و پساپورطی کورلدیکی تقدیرجه
 ینه اشبو معاهدهیه حلل کلیوب انجق سفینه مذکور ههمان
 طرابلس جانبیندن توقیف و مؤاخذه اولنه جق

ایکیجی ماده جمهور مذکور سفاینی طرابلس و ایالت
 داخلنده بولنان هر قنغی اسکلهیه کلورایسه کتوروب والدیغی
 اشیا دن یالکز یوزده اوچ غروش کر کردن ماعدا برپاره زیاده
 النیه جق فقط کتوردیکی اشیای صاته میوبده اعاده ایتک
 استدیکی حالدده کرک نامنه برشی مطالبه اولنمیوب و اشیای
 مذکوریه دخی وجها من الوجوه مداخله اولنیه جقدر

اوچنجی ماده جمهور مذکور سفاین حرییه و تجاریه سنه

طرابلس قورصان و تجار سفینه سی یولده راست کلدگری
وقت احد هما اخی تفتیشه قالقشیموب کال محبت واکرام ایله
بربرلندن مفارقت ایده لر واکرچه سفاین مذ کوره یه سائر
دوست و دشمن اشیاسی تحمیل اولنمش اولسه بیلینه بو بهانه
ایله اصلا تعرض و توقیف ایدلمیه جقدر

درنجی ماده دول سائر ایماننده طرفین سفاینی بربرینه
راست کلدیکی تقدیرجه همان ایکینسر مأمور مخصوص
وقپودانلرینک رضالریله یساپور طلرینه نظر اولنه جق واشبو
پساپورط اصولی یوتارینخن اعتبارا اون بش آی تمامنده
اجراسنه طرفین مجبور اوله جقدر

بشنجی ماده یولده راست کلدیکی حالده کورشمک و سائر
بهانه ایله صنداله بنوب هیچ برضا بط و طائفه دیگرینک کیسنه
کلیکه صلاحیتی اولیه جقدر

التنجی ماده طرابلس و ملحقاننده بولسان سائر ایمانلرده
جمهور سفاینندن بری قضا زده اولدیغی صورتده مقدمکی کبی
یغما و اخذ و غصب و بیع اولنموب تلفدن وقایه سی ایچون
اصحابنه هر درلو معاونت واکرامدن کیرطورلمیه جقدر

یدنجی ماده طرابلس سفاینندن بری تعمیره محتاج اولدیغی
حالده جمهور مذ کورک دشمنلرینه تعمیر ایتدیرلیوب همه حال
بلسیان و یاخود دوستلقاری درکار اولان دولتر ترسانه سنده
تجدید اولنه جقدر

سکزنجی ماده جمهور مذ کوزه اموال غنایمدن صاتیلان
سفاین و اشیاء سائر ایچون مشترینک یدینه مبایعه پی حاوی

سند ویریله جکندن اشته سند مذ کورمشتريڻک یدنده بولندیغی
مدتجه کیمسه طرفندن مداخله اولنیه جقدر

طقوزنجی ماده توتس و جزایروساژ دشمن جمهور مذ کوردن
الدقلى هر نوع غنایمی کتوروب طرابلسده فروخت ایتک
استدکلى صورتده میانه ده درکار اولان دو-تلق و محبته
مبنى اموال مذ کوره نک اشتراسی قویا ممنوع اوله جقدر

اوننجی ماده جمهور مذ کور دوتناسی محال ساژده دن الدیغی
غنایمی طرابلسده صاتمق مراد ایدرایسه معاونت ککامله
مصروفیه برابر بویله بکک ايله کلان اشیادن کرک نامنه برشی
النیه جق و شاید صباه میوب دیار اخره کتوره جکی تقدیرجه
برکونه ممانعت اولنماسی وسفاین مذ کوره قومانیه اشترا
ایده جکلى حالده مملکتک فیئات مقرر سیله ویریله جکدر

اون برنجی ماده طرابلس حکومتی ضبطنده بولنان اسیرادن
هر فغیسی جمهور مذ کور سفاینده فرار والتجا ایدوبده والی
پاشا طرفندن طلب اولنورایسه بلاتاً خیراعاده وتسليم اولنه جقدر
اون ایکنجی ماده اشیو مصالحة خیریه تارینندن ابتدارا
من بعد جمهور مذ کور تبعه سندن فرد آفریده اسیر ایدلیوب
ویاکلشلق ايله النمش اولسه دخی درحال قونسلوسنه تسلیم
و حقیقه قطعاً اسیرا معامله سی اجرا اولنیه جقدر

اون اوچنجی ماده طرابلس و ملحقانده اقامت اوزره بولنان
جمهور تبعه سندن بری وفات ایلد ککده ترکه لرینه حکومت
شرعیه و محلیه جانبندن اصلاً مداخله اولنمیوب اگرچه ورثه
ووکیلی واریسه قونسلوس معرفتیه تماماً بادیتر مفردات تسلیم

واويله وارث ووکيلي اولنديغى صورتده **ك**املا بلا ممانعه
قونسلوس مومى اليه قبض وحفظ ايده جقدر

اون دردنجى ماده **ج**ههورمذ کور تيجارندن طرابلس ايالتنده
بولنانلرک اموالنى فروخت هر وجهله رضاسنه موقوف اولديغندن
اموال مذ کوره جبرا النوب صاتليه جق وسفينه لر ينک تحمیل
وامرارينه قطعاً جبر ايديله ميه جک ومع مافيه تبعه مذ کوره دن
برى افلاسه چيقديغى حالده اولکى کي قونسلوسلرى تضمين
ايتمه جکندن اشته اومقوله لرک کفيلي وارايسه اکا مراجعت
اولنديغى صورتده يسارينه توقيف اولنه جقدر

اون بشجى ماده **ج**ههورمذ کور تبعه سندن بريله نفس
طرابلس و ملحقانده ساکن هر جنس اهالينک ترافعلرى
وقوعنده مطلقا والى حضورنده اجرا اولنه جق واکرچه ايکيسى
دخى تبعه مذ کوره دن اولد قلرى تقديرجه اصلا مداخله اولنميوب
بهمه حال قونسلوسلرينه حواله ايديله جقدر

اون التجى ماده **ت**بعه مذ کور ايله اهالى مياننده شايد برمه عارضه
حدوثيله جرح و قتل مثلومواد جسميه ظهور ايدرسه فاعللر ينک
محاکمه سى شريعت غرا و طرابلس قانوننه تطبيقا فصل
اولنه جق وانجق قاتل تبعه مذ کوره دن اولوبده فرار ايدر ايسه
قونسلوسلرى مسئول اوليوب همان حکومت محليه معرفتيله
دردست و ايجابنک اجرا سنه مأذون اوله جقدر

اون يدنجى ماده **ق**ونسلوس مومى اليه قنغى ملتدن استرايسه
کندى اختيار و رضاسيله ترجان و سمسار و پاپاس اوله رفق اوچ
نفر کيمسه معيته الاجق و حقنده آشورى حرمت ورعايله برابر

سفاین

سفاین سائر استدیکی یره بلاممانعه عزیمت ایده جکدر
 اون سکرنجی ماده مجرد تأکید رابطه حب و مودت
 مقصد خیر مرصده تنظیم قلنان اشبوه معاهده قویه ک خلافت
 برشی وقوعیه بالاخره حربی موجب اولدیغی صورتده قونسلوس
 وکافه تبعه یله بوراده طوغمش چوجقارینه وارنجه مملکتارینه
 عودته بروجه له تعرض اولغیوب مع الاحترام عزیمته رخصت
 ویریه جکدر

اون طقوزنجی ماده طرفین تبعه سندن بری حسب الایجاب
 دشمن سفینه سنه راکا عزیمتی ائتاده سفینه مذ کوره ضبط
 توقیف اولنور ایسه مر قوم اصلا مؤاخذه اولغیوب کافه
 اشیای کندوسنه رد اولنه جقدر

یکرمنجی ماده جمهور مذ کورک بکک سفینه سی طرابلسه
 کلدکده همان قلعه دن یکرمی برپاره طوب اتیه جق و سفینه
 مذ کوره دخی بالمقابله اولمقدار طوب انداختیه امیرالنه والی پاشا
 جانبندن مناسب هدیه ویریه جکدر

یکرمی برنجی ماده قونسلوس بولنان ذات حوائج ضروریه سی
 ایچون داخل و خارجدن جلب ایتدیکی اموال و اشیای وارزاق
 ایچون براقچه کک ویرمیه جکدر

یکرمی ایکنجی ماده معاهده حاضره ک علیه دایر برشی
 وقوعه کیش اولسه یله ینه محبتنه اصلا خلل کلز مع مافیه مظلوم
 بولنان طرف حقنی طلبدن ک پرویه طورمیه جق مثلاً اوایله
 خلاف شروط حرکات قبیحه یه اجتناسار ایدن تبعه ک تأدینی
 طرفین تعهد ایلشدر

بکرمی او چنجی ماده طرابلس کیلرندن هیچ بری سانه ماریه
 حدودندن اعتبارا جمهور مذ کور اراضی و ممالک کندن اوتوز
 میل امتیاز یله بوندن اقلده سائر دشمن سفاینه دخی قطعاً
 مداخله و تعرض اینجه جک و اشبو تحدید اولسان اوتوز میل
 داخلنده صار قند یلق و قوعنده الدیغی اموال غنایم کاملاً کیرویه
 رد اولند قد نصکره بویله مخالف شروط حرکاته قنغی سفینه نك
 قیودانی متجاسر اولمش ایسه شدیداً تأدیب اولنه جقدر
 خاتمه

صدق و خلوص جانبین ايله تنظیم و ترقیم قلنسان اشبو معاهده
 خیریه نك همان مبادله سنه مبادرت و مرخصین مومی الیه سایه
 تسلیمه مسارعت قلمشدر

اوائل جمادی الثاني سنه ۱۱۷۷
 ولی عهد والی و یکچری اغاسی والی ایالت طرابلس غرب
 احمد علی

خزینه دار والی کتخدای والی مومی الیه
 مصطفی احمد

دفتر دار دیوان ایالت شیخ البلد سرکرده ایالت

خواجه احمد محمود الحاج یوسف

مصالحه مذ کوره دن طولانی برایکی سنه قدر کوز لجه کچلمش

وفی الواقع اده صره مخالف شروط یکچریلر بعض حرکاته

تشبث ایتمشله ایسه ده ال و آووجه صغیمیان برطاقم سبکسار انک

ضبط و ربط سنه کیسه نك قدرتی اولدیغندن لاعلاج تخفیف

شقاوت مقصد یله محاربه و تسکین نأره حرب مر امیله مصالحه لی

سوزلردن

سوزلردن بروقتده طرفین خالی قالمیوب خلاصه شوایکی لقردی
مدار کلام قبیلهندن اولمشدی حالبو که طوائف مذ کوره بورالری
اصلا مهمسه میوب جانی استدیکی وقت بادبان کشای عزیمت
وخالی بولدیغی یرلری چالوب چار بمقده اولدقلری مثالبووارالق
جمهور مذ کور سفاین تجاریه سندن ایکی قطعه سنی هر نصل
ایسه اسیرایدوب برینی ساقز جزیره سی لیسانده و دیگرینی
آخر محله حفظ ایتمشله و بو کیفیت قونسلوس طرفندن خبر
النوب مطالبه اولند قجه بو کیلرم صالحه دن مقدم الیشدر افاده
کاذبه سیله ویرمد کلری مذ کور سفینه لک رد و اعاده سنه
مومی الیه علی پاشا دخی خیلی غیرت ایتمش ایسه ده تأثیراتی
کوریله مامش و بو معارضه ائنا سنده طرابلس ضابطان بحر یه سندن
بری جمهور مذ کور لیمانلرندن زادر لیمانه کیروب تجار کیلرینه
صارقند یلغه باشلامش و بو حال دن صرف نظر ایتمسی ایچون
نصیحت اولند قجه مر قوم شماروب نهایت محاربه یه قالدشمسنه
مبنی لیمان مذ کورده بولنان چند قطعه سفینه در حال اوزرینه هجوم
واوشوندی ایدرک رئیس مر قوم ایله برقاچ نفر طائفه سی قتل
و اعدام و قصوری سفینه مذ کوره ایله برابر اخذ و اسیرایدلمش
اولدیغی حوادثی طرابلسه کلور کلز یکچریلرینه مصالحه
افکارینه ذهاب ایتمشله و بنابرین مومی الیه ماموسیو یا کم نائی ایله
قونت زریب ایکنجی دفعه اوله رق بو کوره دخی طرابلسده
مصالحه تنظیمه مر خص و مأمور اولدقلرندن مصالحه مذ کورک
صورتی بروجه اتی درج صحیفه بیان قلنور

✽ یلسیان جمهورینک ایکنجی دفعه معاهده سی ✽

برنجی بند معاہدہ اولیٰ بی حرف بحرف تصدیق ایلا کد نصکرہ
مجردتاً کید محبت و موالات مرام مخصوصہ سیلہ ذیل مصالحہ یہ
ابتدار اولنمشد

ایکجی بند بودفعہ ظہور ایدن منازعہ اثناسندہ طرفیندن
النان اسرا و سفاین و اموال سائرہ در حال اعادہ و تسلیم اولنہ
اوچجی بند معارضہ محررہ غرق و شکست اولنان بر قطعہ
جہور سفینہ سنہ مماثل برکی ایلہ مصارف سفریہ نامیلہ ایکوز
بندیقہ یعنی یالدر التونی و بر معین کی طوز ایلہ قونسلوس
مومی الیہک اقدمجہ مبایعہ ایتدیکی اون بیک کیلہ زوارہ طوزی
بلا تاً خیر جہور مذکورہ تأدیہ و ایفا قلنہ

در دنجی بند جہور مذکور سفاینندن بعد المصالحہ النوب
مؤخرًا بعض اعدار سردیلہ ساقز جزیرہ سی و محل سائرہ
توقیف ایدیلان ایکی قطعہ تجار کیلری اولد قلری یردن جلیلہ
اصحابنہ تسلیم اولنہ

بیشجی بند فساد مندفعہ یہ سبب و معاہدہ نک احکام
مندرجہ سنہ مخالفت ایدن قیودانلرک قونسلوس معرفتیلہ
تأدیہ لرینہ والی مشارالیه تعہد ایدر

التنجی بند بو کوند نصکرہ معاہدہ عمومی وبالخاصہ
سابق الذکر یکرمی اوچجی مادہ نک نامیلہ اجراسی طرفینک
قطعیا و صحیحاً مطلوبی اولوب فیما بعد بونک خلافنہ جسارت
ایدنلرک شدیداً و قویاً زجر و تأدیہ لری فریضہ دن عد اولنمش
ومع مافیہ طرابلسک کافہ سفاینی جہور لیسانلرینہ ہر حالہ
دوستلق و ادب و ناموسیہ دخول و خروج ایدہ جک واشبو

شروط

شروط محرره كاملا پسا پور طرينك اوزرينه دخی یازیلوب
 دائما مطالعه و موجهه عمل و حرکت ایتیه مجبور اوله جقدر
 یدنجی بند شاید میانه ده بره بجاينت وقوعیه بالاخره خربی
 منتج اولدیغی حالدده همان لقر دیسیله برابر محاربه یه قالفشلیوب
 اعلان حربی حاوی والی پاشا طرفدن قونسلوس مومی الیه
 برقطعه تحریرات مخصوصه بالاعطا اشبو مکتوبك ویرادیکی
 کوندن اعتبارا سکرای مدت وضع اولنوب مدت مذکوره
 ختامده اصلاح ذات البین ممکن اوله مدیغی تقدیرجه اولوقت
 محاربه یه ابتدار اولنه جقدر

سکرانجی بند جمهور مذکور قونسلوسنه بلافرق دول سائر
 قونسلوسلری مثلوز یاده حرمت و رعایت ایدیه جقدر
 طقوزنجی بند بند سادسده بیان اولندیغی وجهله مخالف
 شروط حرکاته جسارت و مقاتله یه تشبیه اخذ و توقیف اولتان
 کسان عدم رضا و سرکشك ایدوبده جمهورجه نصورتله
 تأذیب ایدیلور ایسه والی مشارالیهك سؤال و صحابته قطعاً حق
 اولیه جقدر

(انتهی) انجق علی پاشا و اخر مأموریتنده بر مقتضای شیخوحت
 تسویه امور حکومتده آشوری مسامحه ایدوب تنسیقات عسکریه
 و نظامات سائر یه قطعاً بقدر یغندن و عسکرک معاش و تعییناتی
 اغرکلوب اکثریسی قطع ایلدیکندن برر بر صاوشوب عادتاً
 ایته یرامن اختیار و عملانده بر قاج کشی قالمش و ادب سزر
 بتون بتون میدان الهرق حتی صالی بازارنده کوندز اچیقندن اچیغه

كلوب بولد قلى اشياى غصب وز قاقلرده بى پروا راست
 كلكارينه صارقند يلغه باشلامش و بومقوله ادملردن اشتكا
 اولند قجه تاديب شويله طورسون بر كره كتوردوب كيفيتى
 سؤال دخی ايتديكندن سرقهت ماده فجيعة سى پياغى
 باشليجه بيوك بر حرفت و صنعت اوله رق خلاصه خرسزلق
 ايدنلره عشق اولسون كلامندن بشقه برشى دينله مز ايدى بونكاه
 برابر ايلتمده بولنان مأمورينه دخی مصالح مهمه حقنده يازيلان
 محرراتك اصلا تأثيرى كوريله مديكندن كافه مصالح بر حال
 بحراند قالمش و بوكيدشله طرابلس ايكي سنه يه وارمه دن
 عثفا كى معدوم الوجود اوله جغتیه مبنى بر قدم اقدم تدابير
 لازمه سنه باقق هر كسجه فر يضة دن اولمغله بعض امر اوخير خواه
 بريره طويلانوب كيفيت بر تفصيل سلطنت سنه جانب عاليسته
 يازلمقدن بشقه بوكا بر علاج سريع التأثير اوليه جغتدن همان
 اولصورتله اشعار اولمش و بوماده مومى اليه على پاشانك كوچك
 مخدومى يوسف بك جانبدن خبر النهر رق خارجدن بشقه سى
 كلوب پدرينك يرينه والى اوله جغتى بالتيقن بوندن اول طورانوب
 كندوسى اولق و كرسى حكومتى كاملا يدينه المى خصوصته
 ذهنجه قرار و يرمش و ابتدای امر ده پدرينك عدم قدرتيه
 بوراسى ايا دى اجنبیه به كچه جكى وحتى بويابده بعض طرفدن
 تحريرات يازلد يغتدن بوكا حاجت براقيه رق دامن درميان ايله
 كندوسى والى ايديلور ايسه اصلا سوزلردن چقيمه جغتى
 و هر وجهله افكارلرينه موافقت ايدى جكى بياننده طرابلسك اك
 شهرتلى و بويله مواد جسميه نك حصولى مطلقا انضمام رأيلرينه

منوط اولان بنی نویر قبیلہ سیلہ شیخی خلیفہ بن عون محمودی یہ
 باتحریات یازمش وجہ و ابان کلان مکتوبہ بوايشه اظهار
 موافقتله ایجابنه بافق اوزره سریعًا و عاجلاً قبیلہ لرینه کلمنی
 بیان ایلد کلرندن بوصورتله کندوسنه طرفدار پیدا ایش
 ايسه ده ازهر جهت رقيب بیلدیکی بیوک برادری و باباسنک
 ولی عہدی حسن بیک وجود بنی دخی ازالہ لازمہ دن اولدیغندن
 دائماً فرصت کوزتمکده بولمش و بر کون مومی الیه حسن بیک
 بالکز والدہ سیلہ برابر براوطہ ده اوتور مقدمہ بولندیغی حالده
 همان مومی الیه یوسف بیک النده طبانجه ایلہ اوطہ دن ایچرو
 کیردیکنه منی مومی الیه یوکلک ایچنه قاچوب والدہ سی فریاد
 ونالہ یه باشلا دیغندن قلیج ایلہ زواللی خاتونک ایکی اللرینی قطع
 ایلسی اوزرینه دوشوب بایش و یشتوایله اوراده برادری حسن
 کی دخی اولدیروب برقاج اتبعا یله قبیلہ مذکورہ یه مواصلت
 ایش و مومی الیه شیخ خلیفہ واسطہ سیلہ اکثر مشایخ و قبائل
 جلب اولنوب میر مومی الیهک مأموریتنه قرار ویریلہ رک بویولده
 جان و باش ایلہ چالشه جقلرینی قویا تعہد ایش ايسه لردہ
 طرابلسک کلیدی مثابه سندہ اولان منشیه و ساحل اہالیسنک
 دخی بواتفاقده شدت لزوملری کوریلہ رک اولنان تشویقات
 و ترغیبات اوزرینه اہالی مرقومہ دخی تمامیلہ شونشباشہ
 داخل اولہ رق وجہلہ سی بیوک براردوشکنه کیرہ رک بیک ایکیوز
 یدی سنہ سی ذی القعدہ الشریفہک اون اوچجی جمعہ کونی
 منشیه کلوب طرابلسہ فارسو خیمہ نشین عصیان اولمش
 واملرینہ غوغاسزجہ نائل اولق مرام مخصوصیلہ بالراضی

يوسف بكك والبلکى مومى اليه على پاشادن باحريرات نياز
اولتمش ايسه ده على پاشا بوكا قطعاً رضا كوسترمديكندن
ماعداء بالفرض والى اولمق ايجاب ايتمش اولسه حسن بگدن صكره
ولى عهد اتخاذا ايلديكى اور تانجه مخدومى احمد بكك دها اولى
ايدو كنى ايمابرله رد ايله جواب ويرمش و بونك اوزرينه يوسف
بك طرفلىسى دخى ضرورى محاربته باشلامش اولد قلرندن
اكتر اهالى وعساكر اردوى مذ كوره فراره مسارعت ايتمشلر
وفى الواقع عنوة مملكتنه دخول ايتك مراملرى اولمش اولسه
بو طرفك ضعيفتى ملايسه سيلاه بك قولاي ايسه ده بونى دخى
استمد كلرندن يالكر بر قورى كورلدى وايلاق پاترديسى ايله
ترويج مطلوب افكارينه صايد قلرينه بناء اوتوزسكن كون بويله
اوفق تفك غوغالره واكثروقت مخبرات ايله اوغراشه رق وقت
كچور مشلردر

✽ جزايرلى على پاشانك طرابلس والىلكى ✽

بوكره يعنى سنه مذ كوره ذى الحجه سنك يكرمى برنجى كونى
دربار معدلتقراردن طقوز قطعه سفاين ايله باقرمان على جزايرلى
على پاشا واليك عنوانه طرابلسه كلوب ماموريتنى اعلان
وطيشار و جيفيق اوزره بولند يغنى اخبار و بيان ايلديكك
اوزرينه هر كسه بر شاشقنلق كلهرك و قطعاً جواب ويرليهرك
كيفيت همان مومى اليه يوسف بكه عرض و اتيان اولد قدّه
ارتق محاربته و مقاتلهك صره سى كچمش ايدو كنه مبنى قلعه
قبورى اچيلوب جلاه سى ايجرو كيرمش و دائره حكومته بيوك
بر مجلس عقديله اوزون اوزادى بخشلر آچلمش و نهايت مشار اليه

على پاشانك

علی پاشا تک معینده کی سفاین آر برشی اولد یغندن بونلرک اورادن
 یوسکورداسی خصوصنه کرکی کی قرار ویرلش ویوسف بک
 ایله اکثر طرفلیسی دخی بویابده کسب اتحاد ایتشلر ایسه ده
 پدری مومی الیه علی پاشا شورایه بروجهله ارانه روی موافقت
 ایتوب ابتدای امر ده بونلر ایله محاربه خروج علی السلطان
 دیمک اوله یغندن و ثابا طقوز قطعه کینک دفع وازاله سی
 صورتاقولای کورینور ایسه ده دولت علیه صکره بونک ابکی
 اوچ میلی کوندروب بالاخره جله مزی تارومار ایده جکندن
 وسلطنت سینه کی بر حکمدار قوی الاقداره قارشو دورمق
 جانی دیشک اراسنه المق دیمک اولوب بودخی عقل ودرایتک
 صدر حله خارجنده بر حال حماقت اشتغال بولند یغندن بنابرین
 بوندیرک الک اعلاسی عرض ووقار من وجهه سلاله من ایله
 شورادن تونسسه عزیمت ایتکدر و تونس والیسی حموده پاشا
 ایله جزایر والیسی بیننده بعض مرتبه برودت اولد یغندن علی
 پاشا دخی جزایر والیسنک برادری ایدو کندن مشارالیه بالضرور
 بونک ماموریتندن دلگیر و جابجا ایده جکمر تحریکات سیدیه
 بتون بتون آتش بغض وعداوتلری علو کیر اوله رق بالسهوله نائل
 مرام اولور زدیسی حضار موجوده جانبندن قرین تحسین
 و تسایش اوله رق در حال مومی الیه علی پاشا ویوسف بک بالجمله
 اولاد و تابعی الوب مومی الیه شیخ خلیفه معاونتیه تونسسه
 معازم اولوب مملکتی مشارالیه علی پاشایه تسلیم ایتشلر و تونسسه
 مواصلتلرند والی طرفندن اشوری درجه ده مظهر اکرام
 و مقدار کفایه ده معاشلر تعین و چوق کیمیرک مطلوبلرینک

حصوله مسرور و بکام اوله جقلری تسلیم و وعده اوراده
 آرام ساز اولمشلر در مشارالیه علی پاشا دخی طرابلسده اجرای
 حسن مأموریتله برطاق حرکات نامر ضیه نک اوکنی کسدرمش
 و مذکور بنی نویر قبیله سندن ماعدا بالجمله اهالی مملکت
 کندوسنه عرض اطاعت و متصف اولدیغی درایت و فطانتی
 اقتضاسیجده هر حالده مظهر حرمت و رعایت اوله رق قرمانلی
 سلاله سنی نسیمنسیا حکمنه کتور مشدر انجق اولوقتلر مصریدن
 پنج جلی ممکن اوله مدیغنه مبنی عسا کره دائمابور لغور یدردیکندن
 زواللینک اسمنه بور لغورلق دخی علاوه ایتمشلر و خوشنودیت
 اهالی ایله ایکی سنه اجرای مأموریت ایتمش و قرمانلی سلاله سی
 ایسه بو طرفه دائمآ آغز صولاندر مقدمه اولدقلرندن طرابلسده
 بولنان طرفدارلری و ساطتیه کرک مشارالیهی و کرک اهالی بی
 تحریکدن برآن خالی قالماملشلر و شرق جانبنده واقع ایکیوزمیل
 مسافه ده اولان جربه اطه سی مقدا طرابلسه تابع ایکن سلفی
 علی پاشانک رخواستندن طولای تونس والیهی غصب ایتمش
 و جزیره مذکوره طرابلسک کیلاری دیمک اولدیغندن اگرچه
 استردادینه همت اولنور ایسه منافع کثیره نک حصوله کله چکی
 اغغالاتیه مشارالیهی کرکی کی اقناع و اطماع ایتمشلر و زماننده
 شویله برفتوحات جلیلهیه موفقیت دولجه بیوک بر خدمت
 اوله جفی خلیاسیه همان بر فاج سفینه ارسال و جزیرمک
 استحکامدن خالی بولنمیسندن ناشی جزئی محاربه ایله ضبط
 و استیصال ایتمش و مجددا بر مدیر و برار عسکر اقامه ایتلش
 اولدیغی حوادثی تونسندن استخبار قلندقدمه مشارالیه جوده
 پاشا

پاشا خاطرہ کلدک بویله بر حادثہ نک بغتہ وقوعہ آشوری دلگیر
 اولہرق در عقب معیتندہ مقیم مومی الیہم علی پاشا واوغلاری
 احمد و یوسف بکری حضورینہ جلب ایلہ طرابلس والیسی
 سلطنت سنیہ نک قطعاً اذن ورخصتی اولم دیغی حالہ دشمن
 مملکتی بصارجہ سنہ جربہ بی ضبط واستیلا ایتیش اولغله انجق
 سزلی جلب و دعوتدن مر ادم سر یعا براردو ترتیب وتشکیلہ
 جربہ نک استردادینہ ارسال اولنہ جقدر و مقصد صحیح ایشہ
 بالک ز جربہ اولیوب طرابلسی بتون بتون مشارالیک الندن
 قورتا مقدر الحاصل اوچکز دخی اردوی مذکور ایلہ برابر جربہ
 کیدوب اوراسنی الدقد نصکرہ اردوی جربہ دہ ترک ایلہ سزلی
 بالک ز جہ طرابلسہ کیدوب اگرچہ قبائل موجودہ بریکزی
 اختیار ووالی ایدہ جک اولور ایشہ مذکور اردونک قوماندانہ
 اشعار کیفیتلہ انلر دخی عزیمت وجہلہ سی بردن استحصال
 مسرور بتکرہ غیرت ایتسونلر فقط قبائل رضا کو سترمد کاری
 حالہ اردوی مذکور طرابلسک اخذینہ کافی اولم دیغدن طرفہ
 یازوب بو کار قائدہا عسکر ضم و علاوہ سبلہ دقیقه فوت ایتکسزین
 اجراءات فعلیہ سنہ بافہیم چونکہ بغیر حق ملکتمہ تعرضندن
 ناشی وقوعبولان حرکات ایچون دولتہ مسئول اولم انجق
 شوراسی دخی ہر بریکزک معلومی اولسونکہ مر ادم حاشا متبوع
 ماہہ الافتخار من اولان دولت علیہ یہ عصیان اولیوب مجرد
 مشارالہ علی پاشاہ حدینی بیایدیرمک ایدو کنندن لقر دیلر من
 غایت مکتوم طو تملیدر دیمہ سی اوزرینہ والی سابق مومی الیہ
 علی پاشا اختیار لغندن بحملہ بوایشہ اولادلرینی ارانہ ایتیش

ایسه ده مشارالیه جو ده پاشایوق ابتدا اوچکز برلکده کیدوب
 طرابلس بر کره یل بکره کچسونده اند نص کره هر قنچکز مناسب ایسه
 اولوقت قرار ویر یکزدیو مجلسه ختام وتدار کانه قیام برله اولوجهله
 ویرید تسمیه سیله براردو تنظیم ایدرک و اوچی برابر اوله رق جربه
 اطه سنه کلمشراوچ و درت کون ایچنده اطه مذکور ی تکرار
 ضبط ایلمکله دروننده اولان مدیر و عساکر کیلره را بکا طرابلسه
 فرار و رجعت ایتمشردر فقط مومی الیه یوسف بک مشارالیه جو ده
 پاشادن الدیغی تعلیمات اوزرینه نفس طرابلس و ملحقانده
 بولنان قبائله غایت مغالطه و مبالغه لی کاغذلریازوب توالس
 والیسی معاونتیه قره دن جسمیم ایکی اردو تشکیل قلند یغی مثلاً
 در کزدن دخی متعدد سفاین ارسالیله دشمندن اخذ انتقام ایتک
 و طرابلسده کاکان اجرای مأموریت ایتک اوزره کلمکده
 اولدیغنی و کندوسنه تبعیت و موافقت ایدنلر هر حالده مظهر
 حسن التفاتی اوله جغنی و مقساتله یه اجتناسار ایدنلر قهر و تدبیر
 ایدیه جگنی بیلدرمش و بوراده اولان طرفدارلری دخی ایکی
 اردو دکل دنیسار الماز عساکر ایله کلیورلر مش و هله کیلرک
 حسابی تعداد دن عاری ایمش کبی کونا کون حوادث مدهشه
 و اراجیف مخوفه ظهور یله هر کسک کوزی پک اشوری
 قورقش و انتساب ایتک ارزو سیله اردو یه نحتاجت بالکرجه کلمش
 اولسار بیه مع التشکر قبول اولنه جغنی بیاننده از بار غر انضده
 بر پرینه مسابقت و مسابقتیه باشلامش و میر مومی الیه الدیغی
 اشیر طاتلی طاتلی کاغذلری باله فتحار مشارالیه جو ده پاشایه
 بعثت و تسلیار ایله یانلرنده بولان مومی الیه شیخ خلیفه اقد محمد
 استجلاب

استجلاب حسن توجه عمومی قصیده ارسال اولند یغندن بوتك نمره
 واسطه سیله اهالی آقین آقین قرمانلی سلاله سنی استقباله شتابان
 اولمش درو مشارالیه بولغور علی پاشاک ظلم و تعدیستندن اشتکا
 و در سعادتک اوز اقلغی ملا بسه سیله احوال فقرایه اطلاع ممکن
 اوله میوب مشارالیهک پنجه غدروستندن تخلص کریبان ضمنده
 کافی السابق قرمانلی سلاله سنک والی نصب بیورلسنی رجا
 و کیفیتی در بار شو کتقراره یازمق اوزره مشارالیه جوده پاشایه
 خطا با مشارالیه طرفندن قلمه انسان محضر شیخ مومی الیه
 معرفتیه شیوخ معتبرین جانبندن تمهید و امضایدمشدر سالف الذکر
 استقبال ایچون کیدن قبائل طرابلس الیه تونس حدودی اولان
 بیان نام محله تونس اردوسنه ملاقات ایمرک کتورد کلری
 محضر مذ کوری در حال مشارالیه بالارسال یولده راست
 کلد کلری قبائلی دخی برابر الهرق طرابلسه بر بچق ساعت
 مسافه سی اولان مجبوره نام محله مواصلت و منشیه و سناحل
 اهالیلرینی دخینه دائرة اتفاقه المی اوزره کیجه لین مومی الیهما
 احمد و یوسف بکلر یالکزجه منشیه ککلوب انتری دخی
 بالاستصحاب اردویه عودت اتمشار و اردوی مذ کورک و رودی
 مشارالیه بولغور علی پاشا جانبندن خبر الند قدیه برار عسکرایله
 اون ایکی قطعه طوب خارج چیقاروب مذکور منشیه
 و ساحلندن اعانه استمش ایسه ده کیمسه یی بوله مد یغندن اوتور
 بش ساعت بعدی اولان مصر اطه دن معاونت طلبی مثلاً و تدابیر
 غریبه و عجیبه یه قالقشمش و طیشار و چیقاریلان عساکرک
 قلتی حسبیه برفائده مشاهده قلانه میه جغنه بناء ضروری درون

مملکتہ عودت ورجعت اولمش و متعاقبا اردوی مذکور دخی
 منشیہ یہ مواصلت ابتدا کدہ مشارالیه بولغوز علی پاشا دائما حرب
 وجدال اسباب و تدارکاتک اجراستندہ بولند یغندن هر کس
 ضعفیت حاضرہ یہ مبنی شو حالہ نظر تعجبلہ بقارایدی نہایت
 دکر جہ اردوی مذکورہ مقابلہ اولنق اوزرہ اوچ قطعہ سفینہ
 حاضر لشمش و اولکیچہ کیلرہ اشیا سنی بالتحمیل مشارالیه دخی
 سوارالیه فرد آفریدہ نک خبری اولیہ رق صاوشمش کتمشدر
 ﴿ قرمانلی احمد بک طرابلس والی کی ﴾

کیفیت صباحین اکلا شلد قدہ اعیان بلده طرفندن در حال بر مکتوب
 تحریر یلہ جانب اردویہ ارسال قلمش ایسہ دہ مکتوب مزبور مومی
 الیہما احمد و یوسف بک کرک الیرینہ کج دیکندن مجرد مملکتی عسکرہ
 چیکنتامک افکار و تدابیر خفیہ سیلہ بالکر قرمانلی سلاہ سندن
 و قوماندان وایکیوز نفر عسا کردن ماعدا مسلح اولہ رق درون
 مملکتہ کیمسہ کیرمامک اوزرہ اعیان مومی الیہمہ قوماندان
 بر قطعہ سند طلب ایتدیر مشر و مومی الیہ یوسف بک ابتدای
 امر دہ کویا بوسند طلبنہ اظهار اخبار و صکرہ طرابلس
 سکنہ سنک طبیعی حدت مزاج لردن طولای حقی و یرمیہ
 ابتدار ایش و مع مافیہ عسا کرک بویلہ تحت ممنوعیتہ النسی
 انکسار خاطر لینی مؤدی اولہ جغندن شوندن وارستہ اولق
 اوزرہ عطیہ طریقیلہ مجموعنہ کیسہ سندن التمش بیک فرائق
 و یرمش و اولو جملہ سند مذکور دخی قوماندان مومی الیہ
 جانبدن بالاعطا سلاہ مومی الیہما یلہ قوماندان وایکیوز نفر
 عسا کر درون مملکتہ دخول و طوغری حکومت قوناغنہ
 وصول برلہ

وصول برله كافه اعيان و معتبران حاضر اولد قلري خالده
 مشار اليه على باشاك استنكافنه بناء بيوك اوغلو احمد بكى اتفاق
 ارايله والى و مومى اليه يوسف بك اردو قوماندانى وولى عهد ايدلمش
 و مومى اليه يوسف بك اقصى مطلبى اولان واليكه
 اسكيدن بروكوز اتمش ايكن ولى عهد ليكه بروجهله تنزل
 انجه جكندن ابتدالى رد ايله جواب ويرمش ايسه ده مجرد
 تونس اردوسنى شورادن آشر دقدن صكره بالسهوله افكارينى
 قوه دن فعله چيقارمق ملاحظه سيله صورتاً مأموريت مذ كورديه
 ايكي ايله صارلمش و ايلانده بولسان كافه مشايخ كلوب تجديد
 تبعيت ايدرك اولد قجه امنيت حاصل اولنجه يه قدر يعنى ايكي اى
 مقدارى اردوى مذ كور طرابلسده اقامتله عزيمتلى صره سنده
 جربه اطه سندن بورايه قدر ايديلان مصارف و خدمتلىنه
 مكافاة و يريله جك بخشش حساب اولنه رقى يوز التمش بيك
 محبوب مصر يكه (عصر من حساييله او توز بش يوك يكرمى بيك
 غروشه بالغ اولور) بونك يكرمى بيك محبوبى طرابلس و منشيه
 و ساحل اهل ايلرندن تحصيليله پشينا و يريلوب باقىسى دخی
 سنده بسنه و يرلك و ايلتدن استحصال اولنقى نيتيله مأموريتنه
 تشكرامومى اليه احمد بك طرفندن برقطعه سند و يريله رك تونس
 اردوسى عودت و عزيمت ايتشدز انجق قديمى خارجه كى
 قبائل مومى اليه يوسف بكى طابيد قلرندن و احمد بك هروجهله
 كندوسنه مدار اوهر خصوصده رأينه مراجعت ايده كلديكندن
 انك مأموريتنده معنوى واليك ايلردى فقط صكره لرى بوكا
 دخی قناعت ايتمه رك احمد بكى قالد يروب بتون بتون ميدان

کند و سنه قالمق افکارینه دوشد یکنندن طرفدار ی بولسان
 مشایخی جلیله احمد بک اهلیدن تحصیل اتمک مرامیله یوز قرق
 بیک محبوبه تونس والیسنه سند ویزد یکنی و بومقدار مبالغت
 تأدیه سنه قدرت اهالی متحمل اوله میه جغنی و نهایت والی
 مشارالیهک تحت ظلمده قاله جعفر بنی بالیان احمد بک ازاله سنی
 اشراب ایلد کده جمله سی بردن هر امرینک سرعت اجرا سنه بدل
 وسع ما حصل ایده جکر بنی افاده ایتملریله بورتبه کوردیکی موافقت
 اوزرینه من القديم قره مانلی سلاله سی هر سنه شعبانک او اسطنده
 زیارت اولیا قصد یله اوج ساعت مسافه سی اولان تاجوره
 قضاسنه کتمک عادتلری اولوب اشته شو تدبیرک اجرا سی وقت
 مذکوره تعلیق ایدلمش و حلول شهر مذکور ایله منتهی عزیمت
 اولنه جغنی صروده مومی الیه یوسف بکدخی کویا برکاب
 نهضت بولنش و جمله سی برلکده قیودن چیقار چیقمز بر نهانه ایله
 مومی الیه عودت و در حال قلعه قپور بنی قبا یوب علامت
 مخالفت اولان ایکی عدد طوب اتمش و مومی الیه احمد بک کیفیتی
 اکلامش ایسه ده محاربه یه قیودر تباب اوله میه جغنی بیاید یکنندن
 لاعلاج یاننده کی اتباعیله مصر اطه قضاسنه و اورادن دخی
 مالطه جزیره سنه عزیمت و اقامت ایدرک اولوجهمیله مومی الیه
 سکرای قدر و الیک ایتمشدر

﴿قره مانلی یوسف بکک طرابلس والیک﴾

نهایت بیک ایکیوز طقوز سنه سی مومی الیه یوسف بک جالس مسند
 حکومت اولمش و اهلیدن الدیغی محضر مومی بی تونس والیسی
 مشارالیه حوده پاشا واسطه سیله در سعادتته بالتقدیم بیک
 ایکیوز

ایکیوزاون برسنه سی مأموریت فرمان عالیسی دخی ورود ایدرک
ارتق استقلال مأموریتی تقرر ایلش و طرابلس عادت اوزره والی
اولور اولمز حائز اولدیغی بکلکی براسم خاص اوله رق پاشالغ
تحویل قلمش وانکلتره دولتک قدیمی درکار اولان قوت و صلحه
مجبوریتی ملا بسه سیله دائماً دولت مشارالیه پاولتیقه سنی کوزتمک
حسب الموقع یوسف پاشا جه پک ملتزم کورندیکنه بناء پیک یوز
التمش درت تاریخنده منعقد بالاده محررانکلیر معاهده سنی
اشبویک ایکیوزاون اوچ سنه سی تمامیه تأکید و تصدیق ایلش
و بونصکره اجدادی مثلاً و اسباب محاربه یه تشبث و قورصان
و استحکامات سائرته اجرا سنه حصر نفس ایدرک اوفق تفک
محاربه لردن الدیغی اموال غنایمی تلف ایتمه رک بفرقتین ایه
اون درت قطعه کوچک سفاین تدارک ایتش و طرابلسه پارلاق
و یرمک وایلروده مطلوبی وجهله بیوتمک افکار مخصوصه سیله
تهیزان اقر باسندن حاجی محمد شالابی بیت المال نام ذاتی
کندوسنه وزیر اتخاذا ایلدیکی مثلاً خارجییه مأموری و رئیس
قیودان و بطرونه و ریاله کی مجتدا بعض مناصب تشکیلیله
متعددا مأمورل تعیین ایلش و صرمله لی و اغرالبسه دن خوشنمیوب
دائماً علما جامه سی تلبس ایدر ایه ده پک زیاده تعظم و طمطراقه
مجبوریتندن ناشی دائره حکومتده کی اوطه سنه کرسی واری
یو کسه جک بر مقام مخصوص انشاسیله اوراده اقامت و هر کس
حضورینه دخول ایلد کده یراوپمک و سفرای اجنبیه ایه حین
ملاقاتده وزیر مومی الیه و خارجییه مأموری ایاق اوزره طور مق
و بوکا مماثل آشوری درجه ده و مأموریتک مافوقنده اوله رق

برطاق شلریا پمغه قالمش واشبویك ایکی یوزاون ایکی سنه سی
یوزیک فرانق پشین اوله رق اعطا ایتد کجه وسنه ده سکر
یک فرانق دخی ویرمد کجه اسوچ قونسلوسنی طرابلسده
اوتورتمیه جغنی یوسف پاشا بیان ایتد کده دولت مشارالیه
بوندن امتناع ایتد کله در حال طرابلس قورصانلری لاجل الحاربه
بالارسال یدی قطعه تجار سفاینی اخذ و ضبط ایتد سنه مبنی
یک ایکیوزاون اوچ سنه سی مصرده بولتان بونه بارت ناپلیونه
اسویچلور التجا و مشارالیه جانبدن تعیین اولسان مأمور
مخصوص واسطه سیله سالف الذکر انسان یدی قطعه سفاین
طرابلسده قالمق و بالمقابل یوزیکرمی قدر اسر دولت مشارالیه
تسلیم اولتوب سنه ده کافی السابق سکر یک و پشینا دخی
سکسان یک فرانق طرابلسه ویرلک اوزره قرار و طرفین
موافقت و راضی اوله رق مصلحت بتمش و بوضره ده طرابلس
قورصانلری اکثر اوقات تصادف ایلدیکی امریقا سفاینه
مداخله ایدرک بونلری دخی اسوچ دولتی مثالو بالضرور
مصلحهیه مجبور ایتدش ایتد ده عوض صلح نامیه پک چوق
غروش لطلبنده اولوب و بونک براورطه سی دخی بولنه مدیغندن
نهایت امریقالور جزایر والیسی حسن پاشایه التجا و مشارالیه
واسطه سیله برسنه مدته ایکیوزاللی یک فرانقه قرار ویریلوب
مؤخر مبلغ مزبورک براردها تنقیصنی حسن پاشانک مخدومی
التماسیه رجا ایتد کلرندن بوکا جوابا مومی الیه یوسف پاشا
طرفندن بازیلان مکتوبک صورتی عینیه درج صحیفه بیان
اولتور

یوسف پاشا

* يوسف پاشا طرفندن جزایروالیسنه یازیلان مکتوب *
 بودفعه استانبولدن الدیغم خبره کوره بلسیان اوستریا اداره سندن
 چیقوب باشلیجه جمهوریته تحول وتشکل ایدرک دولت علیه
 سنویه اعطاسی خصوصنه دخی قرار ویرمشلردر انجق طرابلس
 وتونس و جزایر اوجاقلری ایچون نمقدار افچه ویره جکلرینه
 وبونک حقهده برلقردی اولوب اولدیغنه دأر معلومات صحیحه
 الامدم زیرا نصارنک ایشی حیلہ در ریمز تعالی جملہ مزہ نصرت
 ایلہ چونکه عصر مز آخر زمان اولدیغندن نصارا برشوزده
 دور مز اولدیله حتی اسوچ ایلہ ویریلان قرار اوزرینه سنه ویه لره
 برفاچ کره دراجل ومهلت ویرلش ایکن هنوز براقچه تحصیل
 اولنه مدی ودر سعادتده مقیم ایلمچیلری واسطه سیله طرفزه
 براویون ایدوب مجرد اوجاغک عادتانی اتلافه قالقشه جقلرینی
 اوکرندم لکن اسویچلور اشبو خدعه لرینی قوه دن فعله
 چیقارمز دن مقدم اوروب ربک اعانه سیله تشفیة صدر ایتمک
 افکارنده ایم بونک کی امر یقالور دخی عصیان صورتی کوستره رک
 کچنده قونسوسلرینه ویردیکم جواب قطعی وجهله قریبانلریدیخی
 تارمار ایتیمه اماده ایم قوه حر بیه مزله کافه ملل قدر وحیثیت مز
 اکلا یوب یالکز امر یقالور قالدی بودفعه انلره دخی حدینی
 یلدرمک بوینه بورج اولسون انجق بوا ملک تأخیر ومنعنه طرف
 والارندن التماس اماره لری سبب اولدیغندن اخوت صحیحه یه
 مبنی شو صحابتدن صرف نظر بیورملری نیازمدر بیانه حاجت
 اولدیغی وجهله پدر عالی لری مرحوم حسن پاشا زماننده
 امر یقالور فلنک قونسوسلوسی واسطه سیله لاجل المصالحه ایکیوز

اللى بك فراق ويرمشل ايسه ده راضى اولمديغنه بناء مؤخرا
 مشارايه پدريكز ابراميله مساعده ايلدم حالبو كه اليوم برپاره
 ويرميوب تعلل ايتكمه درل لطفامر قوملك رجاسته آلدانوب
 افچه موعودهك تنقيصنى نياز بيورمين امر يقالورك اصل التجا
 واستناد ايلدكلى انكلتره لول اولوب بو واسطه ايله عقد صلحه
 بسط قاليجه رجا ايله جكلى ملحوظ ايسه ده انكلر لولرى بويابده
 قطعاً طانيم اكرچه واسطه عاليلى ايله تكليف مصالحه ايديلور
 ايسه قبول اولنه جنى واشبو عريضه مزك جوابنى كزايجه تمنى
 ايلدم (انتهى) تحريرات مذ كوره ده بيان اولنديغى وجهله
 مبالغ موعودهك براقچه سندن قطعاً كچميه جكى واسترل ايسه
 محاربه يه آماده بولنديغى بيانله طرابلسده مقيم امر يقا
 قونسلسنه شديد المضمون جوابلر و يرمش وسفك دماء وقوعنده
 مقدم بونك براصلاحنه جباليله ديو قونسلسوس مومى ايله اقدام
 ايتد كچه بولقر ديلر خوف و خيانتلرينه حل ايله اصرار ايديلوب
 در حال كيملى بالاخراج بولدقلى امر يقا سفاينى اوروب
 اغتنام ايتلى حقنده رئيس قيودانه ويردىكى تعليمات اوزرينه
 باروت قوقسى استشمام اولنغه باشلامش واشبويك ايكوزاون
 يدى سنه سى امر يقالورك خيلى سفاين حريه سى بقتة طرابلس
 پيشگاهنه كلوب طوب ايله دو ككه باشلامش وليمانده قلان
 چند قطعه اوفق كيلر قطعاً باش كوستره ميوب يالكر قلعه دن
 مقابله اولنه رق يكرمى كوندن متجاوز ممتداولان محاربه دن
 طرابلس كركى كى تضيق ايدلش ونهايت برقطعه امر يقا
 كيسى قيسى صولرينه زياده جه صوقلد يغندن قلعه دن آبلان
 كله دن

ككله دن اشورى سقطلانمش و متعاقبا قرهيه اوتوروب
 ايجروده كي كيلرواسطه سيله سفينه مذكوره اسير ايدلمش و بونك
 اوزرينه امر يقا كيلري همان مالطه جزيره سنه متعازم اولمشلردن
 امر يقالورك شو محاربه لري اراسنده يعنى بيك ايكوزاون سكر
 تاريخنده اقچه نك لزومنه بناء يكرمى ساعت مسافه سي اولان
 غيريان قضا سنه ويركو تحصيلي حقنده ارسال اولنان مأمورى
 اهالى قتل ايدوب يوسف پاشا عليهنه رفع لواي عصيان ايتلمى
 دخی باشليجه برغاله اوله رق هر نه حال ايسه حزينه دارى حاجى
 احمد اغا معيته براز عسكر ترفيقيله اورايه ارسال ويكرمى بركون
 اولنان محاربه ده طرفيندن خيلى تلفات وقوع بولمش ونهايت
 هر نصل ايسه رئيس فساد شيخ عبدالوافي اله كچيريلوب قتل
 اولمسيه معارضه دخی ياتشد يرلمش و ويركودن ماعدا مصارف
 سفر يه ناميله اهالي دن برچوق اقچه النهر رق تجريم ايدلمش
 و مذكور امر يقا دونماسى يوسف پاشايه بيوك شاشقنلق ويرمك
 مر اميله مالطه ده بولنان مومى اليه يوسف پاشاك برادري
 والى سابق احمد بكى ينه والى ايتك اوزره كيلرينه الوب ايلات
 مذكوره ملحقا تندن درنه قضا سنه كلكده اهالى مر قومه
 مومى اليه مع الت شكر قبول ايتمشلر و امر يقا اعانه سيله مومى اليه
 احمد بك اهالى يه بك چوق هديه لر ويره رك درنه وجوارنده كي
 قبائلى كندوسنه طرافدار ايتمش و مومى اليه قوت لازمه اكتسابيله
 قره دن و امر يقالور دخی دكزدن طرابلسى المق مر اميله
 استحكامدن خالى قالمديغى مثلوا اهالى طاقم مومى اليه
 احمد بك باشنه طوپلاند قلرندن مومى اليه يوسف پاشا دوجار

خوف تلاش اولمش و ابرازشی ایچون شوفلا کتی صاتین الدیغنه
 اظهار پشیمانی و ندامت ایتیش ایسه ده ناچار مقابله دن کیرو
 طور مق دخی ایستنه الویر مدیکندن مومی الیه احمد بک اولوجمهله
 قره دن کله جک اولدیغی صورتده منع ایتک و قولایینی بولور ایسه
 اسباب ازاله سنه چالشمق اوزره معینه بر از عسکر ترفیقیه بیوک
 مخدومی محمد بکی بو کره سر یعا بنغازی جاندنه ارسال ایتشد
 و بونکله برابر شو امر یقالو بلا سندن رهایاب اولمق اوزره کیجه
 کوندز صیقی صیقی به واسطه لر ارامغه قالقشمش و امر یقالور
 محاربه ایتمه رک یالکز طرابلس و درنه صولند، بتون کون اولطه
 اوزر مقدمه اولد فلرندن طرابلس بیساغی آبلوقه ایچنده قالمش
 واحد بک اوتیه برویه والیدکنی اعلان سیاقنده تحریرات یاز مقدمه
 اولدیغندن بویله کشمکش ایله کیفیت اوچ سنه تمتد اولمش
 و نهایت مشارالیه جزایروالیه طرابلسده مقیم انکلیز قونسلوسی
 واسطه اوله رق بروجه اتی مصالحه یه قرار ویرلمشدر

✽ امر بقا معاهده سی ✽

الحمد لله اسایش دائمی و انتفاع عمومی مسئله مقنضیه سنک
 دولتین بیننده نه رتبه ملتزم ایدوکی جله نک معلومی اولدیغندن
 اولبابده اتیان براهینه حاجت کور یله مز مع مافیه شواستراحت
 و تزید تجارت دینیلان شی هر حالده احدهما اخری تأمین
 و سوزنده ثبات و متانت الیه حاصل اوله جغندن بناء علیه بوندن
 بویله انسلا ب امن عبادی مؤدی اولان شورش و غوغا نک
 کلیار رفع و ازاله سی طرفینک صحیحاً مطلوب قطعیمی اولدیغنه
 مبنی استحصال منافع عامه نیت خیریه سنک اجرای اصلیه سی
 اولان

اولان صلح و صلاحك مجدد اوقويا عقد رسته اتفاق ايدلسنه
بوكره ويريلان قرار اوزرينه طرابلس غرب واليسى يوسف پاشا
وعساكر قومانداني على بك وبالجمله امرا واعيان ايله متبوعم
اولان امريقا جمهورى جانبندن ويريلوب اون سكرتشرين ثاني
ويك سكرتير اوج سنه ميلاديه سيله مورخ رخصتنامه كامله
وماذونيت شامله عاجزانه موجه رضاء و موافقت جانين ايله
قرار كير اولوب طرفيندن حرفا بحرف قرين قبول اولان معاهده
مينه دركه بوجه اتى ذكر و بيان اولنور

برنجى بند مصالحه اولنان دول سائر زير دستانندن زياده
امريقا تبعه سنه حرمت و رعايت اولنه جقدر فقط طرفيندن
برى تجارت و بالخصوص دكرجه فيما بعد بشقه دولته رضاء سيله
بعض امتياز و اكرام ايلديكى حالده اول امتياز و اكرامك بر مثلى
دخى ديكر جانب ويره جك انجق شو معامله دولت متمتازه ايله
مشروط اولوب و شرط مذكور جانب اخره مضر اولمديغى
تقديرجه معامله مدكوره ضرورى ديمك اوله جفتدن اولوقت
اعطاسى اختيارينه موقوف ايديله چكى مثلاًو شرط مذكور
طرف اخردن قبول و ياترك اولنه جقدر

ايكنجى بند حين محاربه ده طرابلسدن اخذ اولنان تخمينه
اوجيوز و امريقالورك الدقلى يوز نفر اسرايك همان مبادله سى
اجرا اولنه جق ايسه ده انجق طرابلسك الديغى فضله ايكيوز
اسيره عوضا التمش بيك فرانق والى مومى اليه ايفا اولنه

اوچنجى بند جمهور مذكور طرابلس و درنه و سائر ايتلرده
بولسان كافه قوه حربه سنى در حال قالد يروب اشبو مصالحه

دائم و برقرار اولدیغی مدتیجه طرابلس و پاشا علیه نه قالدیشان
اهالی واجناس سائریه بالنفس و یا خود بالواسطه هیچ بر صورتله
اطنه ایتیه جک و بونکله برابر والی مشارالیه اظهار عسان
و عداوت ایدن برادری احببکه غلبه و درنه قضا سندن اخراج
و دفعی ایچون امر یقالور مشارالیه ابراز معاونتله میرمومی الیهک
بلا اجبار درنه دن اخراجنه موفق اولدقلری صورتده طرابلسده
مقیم اولاد عیالی طرفنه ویریه

دردنجی بند دشمن تجاری جانبندن طرفیندن برینک
سفینه سنه اشیا و ارزاق و سائر تحمیل ایلدیکی تقدیرجه بوندن
طولانی اصلا مؤاخذه اولمییوب و حوله سنه تعرض ایدلیه
بشجی بند بعد الیوم دشمندن اسیر اولنان سفاین دروننده
طرفینک امانت اشیا سی بولندیغی حالده بلا عوض تماما اصحابنه
رد و تسلیم اولنه

التنجی بند بوتاریخدن اعتبارا جانبین کندویه منسوب
پساپورطی اصحاب سفاینه ویره جکندن طرفین قورصانلری
بر برلینه وقوع ملاقاتلرنده پساپورطلرینه باقوب محو و اثباتدن
خالی بولدیغی صورتده همان افتراق ایده جکر لکن طرفین
حیله و سائر صورتله کندی پساپورطنی دول سائریه قطعیا
ویرمیه جکدر

یدنجی بند طرفین دشمندن اغتنام ایلدیکی سفاینی دیگرینه
صاندیغی حالده بیع مذکوری مبین یدینه سندن ویره جک
وامر یقائک اوزاقلغنه مبنی اشو سندن موجود ایکن ایکی سنه
مدتله پساپورط سؤال اولمیه

سکزننجی بند

سکرنجی بند جانین کیلری دیگرینک لیمانه کلوب قومانیه
وسا اغانه به احتیاج مس ایتدیکی تقدیرجه فیئات مقررہ سیلہ
تادیہ اولنه جق واکر سفینه مذکورہ سقطلانوبده لاجل التعمیر
ککش ایسه حقنده معاونتله ضروری چیقاردیغی حوله سی
ایچون براقچه کمرک ویرمیه جکندن ماعداد جبرا حوله سی
چیقاردیلوب مبايعه اولمیه

طقوزنجی بند طرفین سفایندن بری دیگرینک لیمان
واراضیسنده غرق وشکستی وقوعنده قپودان وطائفه لری
حقارنده رعایت لازمه نك ایفاسیلہ اموال واشیاسنک تلفدن
وقایه سی و مر قوملرک مملکتلرینه عودتلی ایچون هر درلو
معاونت اجرا اولنه

اونجی بند جانین کیلرندن بری دشمن یدینه دوشوب دیگرى
طوب منزلنده بو حادثه یی کورر ایسه سفینه مذکورہ نك
تخلیصنه اقدام تام ایدہ جک وایکی طرف کیسی برلیمانده لنگر انداز
ایکن حسب الايجاب بری بادبان کشای عزیمت اولدقده یکر می
درت ساعتدن مقدم ارقه سی صره بردشمن کیسنک قالقسنه
دیگری رخصت کوسترمیه

اون برنجی بند طرفین قونسلوس وتبعه لرینه حرمت فائقه
ایدیه جکی کبی طرابلس ایالتک قنغی قضا سنده دول ساره
قونسلوسلری وارایسه اورالره جمهور مذکور دن دخی
برقونسلوس اقعداد اولنه

اون ایکنجی بند جانین دیگرینک کیسنه رضاسیلہ اشیا
تحمیلله بریره ارسال ایدرایکن قضاء غرق ویاخود گرفتار

ایادی دشمن اولدیغی صورتده سیدیت دعواسیله تضمین
اولنیه حق و برینک تبعه سی میانده ظهورایدن منازعه به دیگری
اصلا مداخله ایتیه جک واحد هما احرک سفینه سنی جبرا کندی
ایشنه قوللانیله حق و طرفین تجاری بر ماده اوزرینه قونطوراتو
تنظیم ایتدکلی حالده مذکور قونطوراتو یازیلان بلده نك
حکومتی معرفتیه بالتصديق تنفید و اجرا سنه حکومت مذکور
بورجلی اوله جغی و جمهور مذکور تبعه سنک دینه کفالتی
اولدیغی صورتده قونسلوسلری تضمین ایتیه جکدر

اون چنجی بند امریقا سفاین حریه سی طرابلس پدشکاهنه
بالمواصله لنکرانداز اولدیغی قونسلوس جابندن اخبار قلند قدده
قلعه دن یکر می برپاره طوب اتیلوب سفینه مذکور دخی عینیه
مقابله ایلده

اون دردنجی بند اموردین واخلال صفوت و محبت طرفین
قطعا مجاسرت ایتیه جک و جانبین تبعه سی قونسلوسخانه لرنده
بلا ممانعت اجرای این ایده جکدر در مع مافییه ایکی طرف
قونسلوس و ترجمان و سمسارلری براو بحرا استدیکی پره کتمک
و مطلوبی اولان ایشی یا بمق اوزره فرد آفریده تعرض ایتیبوب
هر وجهله مطلق العنان اوله لر

اون بیشنجی بند اشبو معاهده نك مباینی ظهورایدن بر حال
نامر ضینک و قوعیه در حال و وجهها من الوجوه مقاتله یه
قالقیشلیوب جانبین قونسلوسلری بونک اصلاحنه چالیشه حق
و ممکن اوله مدیغی تقدیرجه متبوعنه اشعار کیفیتله جوابنه

شهور

شهور رومیه حسابله ایکی ای مهلت مرورینه د کین انتظار
اولنه جقدر انجق مدت مذ کورنک انقضاسیله محارب به تقرر
ایلدیکی حالد طرفین نزدنده بولنان قونسلوس وتبعه متبوعلری
جانبینه معرزا و مکرما ارسال اولنه

اون التجی بند اولوجهله وقوع محارب به ایله النان اسرا
برسنه دن زیاده توقیف ایدلیوب مجرد اشبو مصالحة خیریه به
حرمة ورعاية مدت مذ کوره ختامنده و ممکن اولورایسه ده
اول دول متوسطه معرفتیه مبادله اولنه جقدر فقط جانبیندن
برینک الدیغی اسرا دیکرندن فضله اولوب و اول زیاده ده رئیس
بولنورایسه بشیوز و قلاوز و دو منجی اوچیوز و طوائف سائر
ایچون یوزفرانق ثمن و عوض و یرلسی تحدید و تنسیب اولمشدر
اون یدنجی بند هر قنخی دولت و ملت اولورایسه اولسون
جمهور مذ کور الوب لاجل البیع طرابلس ایالتیه کتوردیکی
اموال غنائمک بیع و اشتراسی قویا ممنوع اوله جق و بو مقوله
اشیاء ممنوعه کتورن سفاینک قومانیه الاجق مدتدن زیاده هیچ
برلیانده اوطورمسی تجویز اولنه میه جقدر و امر بقا کیلرینک
کتوردیکی اموال غنائمدن عوائد نامنه برشی طلب اولنیه

اون سکرنجی بند جمهور مذ کورک هر جنس تبعه سندن ایکی
کشی میاننده مر افعه لری ظهورنده قونسلوسلرینک معرفتیه
رؤیت و تسویه اولنه جق تنفیذ و اجرای حکم ایچون والی پاشادن
معاونت طلب ایلد کده دریغ اولنیه جقدر و اگر بونلرک بری
امر یقالو و دیکری دول سائر تبعه سندن اولدیغی ضوئیه
دولتین قونسلوس و وکیلاری حضونده ترفع اولنه

اون طقوزنجی بند طرفین تبعه سندن بری دیگرینی قتل
 وجرح ایلد کده ماده مذ کوره قنغی بلده ده وقوع بولش ایسه
 اول مملکتک شرع وقانونی موجبجه قونسلوس حاضر ایکن
 فصل وحکم اولنه جق ومحا کده مدعی ومدعی علیه هر وجهله
 مساوات اوزره طوبیله جقدر وشاید قاتل وجارح بولسان ادم
 فرار ایلدیکی حالده قونسلوسلری تحت مسؤولیتده قالیه
 یکرمنجی بند جمهور مذ کور تبعه سندن طرابلس وتوابعدن
 فوت اولنلرک متروکاتنه والی وسائر کسان طرفندن اصلا مداخله
 اولنمیوب قونسلوسلرینک تحت نظارتنده بولنه جق واکرم قوم
 قبل الوفات جمیع مالنی ویاخود بعض اشیا سنی اخر برکیمسنه
 وصیت ایلدیکی تقدیرجه اولوقت قونسلوسجه ایش قالیه جغندن
 حکومت معرفتیه وصیت مذ کوره صحیحاً وتماماً اجرا ایدیه جک
 وانجق مرقوم قونسلوس بولنمیان بر محله وفات ایدرایسه جمیع
 ترکه سی ورثه سی کانهجه یه قدر اورانک بیت المال مأموری
 طرفندن امانه قبض اولنوب ورثه سی ورودنده باد فتر مفردات
 کاملاً تسلیم اولنه

خاتمه سالف الذکر یکرمنی ماده بی شامل اشبو معاهده
 مخصوصه یدمده اولان رخصتنامه محرره وجهله مهر و امضای
 عاجزانه مله مختوم قلنه رقی همان مبادله وتسلیمی اجرا اولنش
 اولغله مادامکه طرابلس اوجاغی جابندن احکام مندرجه سی
 تمامیه حمایت وصیانت اولنه طرفزدن دخی بر فرد قطعاً خلافتنه
 اجتناسار اینیه جکدر یحریرا فی الیوم الرابع من حزيران سنه الف

وثمان مائة وخمس مئتيه الموافق لسادس ربيع الاول سنة
عشرين ومائتين والف

سنة ١٢٢٠ عربي سنة ١٨٠٥ ميلادي

٦ ربيع الاول ٤ حزيران

امضا

طوبىاس ليرقونسالوس جنرال جزاير قوميسر ومرخص
هذه العهود

معاهدة مذكوره مندرج اولديغى ويوسف پاشانك التماسى
اوزرينه امر يقالور احمد بكك فاملياسنى طرابلسدن الوب
طوغرو درنهيه واورادن دخى بعض اغفالات ايله ميرمومى اليه
استحبابا مصره كتوروب براقشردر بناء عليه بنغازيده مقيم
مومى اليه محمد بكك سريعا درنهيه كيدوب اهالى يى ياتشدر مق
اوزره مومى اليه يوسف پاشا طرفندن ويريلان تعليمات موجنبجه
درنهيه عزيمت واوچ درت كون ايچنده اهالى يى تحت اطاعته
الوب عودت ايتشدر وسكن طقوز كون مسافه سى اولان سرت
قبائلى شىخى احمد بن سيف النصر معاهده نك خلافتده اوله رق
ساحله كلان بعض دول سفايننه مداخله يه اجتسار و كندوسنه
دفعاتله تنبيه ايدلمش ايسه ده طانيماق استديكندن مومى اليه
محمد بك واسطه سيلاه خيلى سوارى اشوبيك ايكىوز ي كرمى
برسنه سى اورايه ارسال واولشان محاربده شىخ مر قوم قتل
اوله رق غوغا باصدرلشدر انجق احمد بكك سسنديله تونس
مقسطاداسى لازم كلان سالف الذ كرىوز قرق بك محبوب
مصرى ايچون كندوسى بورجلو اولديغندن طانيمه جنى

طائمه جنى بوكره يوسف پاشا طرفندن قطعيا جواب ويرلد يكي
 مثلاً بروجده سابق تونسہ عزيمتلى ومؤخرا حوده پاشانك
 اقدامات محرره سيله مومى اليهك مأموريتندن طولاي طرابلسده
 خيلى وقتلر تونس پولتيقه سى يوريمش وبوصرده اون كون
 مسافه سى اولان غدامس اهالىسى دخى طرابلسدن ايريلوب
 كافه مطلوبات ميريه يى اورايه قالدري مشلردر حالبوكه يوسف
 پاشا توسيع مملكت وتزويد منفعت مطالعه سيله اتعاب ذهن
 ايلديكندن بيك ايكوز يكرمى بش سنه سى اوغلى على بك براز
 عسكر ايله اولجانبه اعزام قلوب قضاء مذكور هر نقدر داخل
 سورايسه ده خرايتندن بشقه اهاليهك محاربويه عدم قدرتلى
 ملايسه سيله تسليم اوله جقلى دركار اولوب فقط عساکر
 مملكته دخوليله برابر يغمايه قبوله جقلى مبنى قلعه قبولى
 قيسانيله رق اوچ كون باش كوستر مشلردر دردنجى كوني چند
 نفر علما ومعتبران على بكك يانسه كلوب مطلوبلى تماميله ايفلا
 اولنه جق ايسه ده يغمايه قالمشلامسى وبونكله برابر اصلا فان
 دوكلامسنى تكليف ايلديكلى على بك بوكا ازدل وجان رضا
 كوستر وب بش سنه دن برو تونسہ ويردكلى ويركويه برقاندها
 ضميمه يكرمى بيك مثقال التون پاشايه وبخشش ومصارف اردو
 ناميله يوز يكرمى بيك محبوب دخى النوب كماكان طرابلسه تابع
 اولقى اوزره مجدد ا مأمور لر نصب اولمش وبروجه سابق بوناپارت
 ناپليون واسطه سيله اسوچ دولتى پشينا سكسان بيك وسنه ده
 سكر بيك فرائق ويرمك اوزره قرار ومبلغ مجله تماما قبض
 اولمش ايسه ده سنه بسنه اعطاسى مشروط اولان سكر بيك
 فرائقك

فرانك تأديه سنه دولت مشاراليهاك طرابلس قونسلوسى
 بوكره برازاخرجه طورانمى يوسف پاشاك حدتنى تحريك
 ايلديكندن قونسلوس مومى اليه بيك ايكوزيب كرمى يدي
 سنه سى تاريخيله يازديغى تذكره مخصوصه سنده ناپليونك
 التماسيله قرار كيراولان مقاوله يه اولوقت دخى راضى دكل
 ايسه مده مشاراليه طرابلس طبراغنه قريب بلاد مصرده بولنديغى
 جهته شوتكليفند موافقت اولنديغى تقديرجه وسائط حربه يه
 مسارعت وملكتمزه بعرض ايدر ملاخطه سيله جاره سز سكوت
 اولمشيدى حالبوكه سنويه لك اعطاسنده كورد يكم تر دانه
 حركتلى ذريعه مطلوبه كنكيش بريول آچديغندن مقاوله
 مذكور همان فسخ وامنحاقلمش اولغله اگرچه مبلغ مزبور
 وقت وزمانيله والتىوز بيك فرانك دخى بودفعه ويريلور ايسه
 نه كوزل يوخسه محاربه يه حاضر بولنديغى بيان ايتمى اوزرينه
 قونسلوس مومى اليه حيرته قالمش ودر حال انكلمه دولتى
 قونسلوس موسيو وارنيق طونه بالعريمه بونك تدابير لازمه سنه
 دوستانه توسطلر ينى رجا ايتمش و بوارالق اسوچ دولتى جانبندن
 بعض هدايا ايله كلمش اولان واصحاب جريزه دن بولنان برما مورك
 تداركات مؤثره سيله قونسلوس مومى اليه عزل ايلد كده ماعدا
 بودفعه دخى يتمش يدي بيك فرانك صلحك بقاسنه عوضا تأديه
 اولنديغندن يوسف پاشا بويابده يك زياده محظوظ اوله ورق
 حتى شومنونيتنى بيانا دولت مشاراليها يازديغى تحريراتك
 بعبارتها درجى مناسب كورلمشدر

✽ يوسف پاشا طرفندن اسوچ دولته يازيلان تحريرات
صورتی ✽

اشبو مکتوب اوجاق الجهاد طرابلس غرب حيت من کل شدة
و کرب اياتک متصرف و واليسى من عبدربه سبحانه امير المؤمنين
و ناصر الدين المجاهد في سبيل رب العالمين اولان يوسف پاشا
بن علي پاشا بن محمد پاشا بن احمد پاشای قرمانی طرفندن يازلمشدر
خبرات کثيره و جلالت و فيره و فطانت ذاتيه ايله متصف ملت
عيسويه و طريق مسيحيه نك اعظم رئيسي و عصرنده انجيل
شريفه پرستش ايدنلرک افضل و احکام معاهده عموميه نك
ازهر جهت حاميسي اسوچ قرالی لازال محمود العواقب جنابلری
مستغنی تکرار اولديغی اوزره شدت محبتزدن ثابت و موالات
صافيه مزده ثابت اولان شجره خصوصيتک زلال مکارم نوال
بهيه سي ثمره سيله تشکر اوزره اولديغ حالده ابا و اجداد مزدن
موروث عهد مستحکم العقودک تجدد و تائيد کیدی مأموريت
جليله سيله بو طرفه ارسال بيوريلان قوماندان جنابلری امنا
پانهاده مواصليت اولوب جانب قراليلرندن اوله رفق تقديم ايلديکی
هديه مع الممنونه قبول اولمشدر انجق قوماندان مومی اليهک
موصوف اولديغی فرط ذکا و درايی اقرانلرنده کورلمش شی
اوليوب هر وجهه له تقدير و تحسين ايديله رک هيچ بردولت
مأمورينک نائل اوله مديغی اکرام و رعایتلر مومی اليه حقنده
مصروف و مبذول قلتمش و جناب شريفلرندن معجل تأديه سي
مشروط اولان اقچه نك مدتی گذراندن طولاي برقاچ قات
فضله سنه زوی رضا کوسترتمکه کرکی کبی نیت ايتمش ايسه مده
مومی اليهک

مومی الیهک درایت و فطانتی و اطوار و افعال پسندیده سی نیت
 مذکور مک فعله اخراجنه مانع اولمش و پیشینایتمش یدی یک
 فرائق و سنویه لک دخی بر موجب معاهده ویرلمسنه ذاتی مجبور
 ایدوب همان مبلغ مذکور تمام و کاملاً ایفا برله حسن توجهه
 مظهر اولمشدر فقط طرابلسده مقیم قونسلو ساری هر نقدر
 اختیار ایهده قریب الشرب و بعید من الخیر بر ادم اولدیغندن
 میانه مزده کی محبتک دائماً تغییرینه تشمیر ساق جسارت ایلدیکنندن
 قوماندان مومی الیه بورایه وصولنده تحقیق کیفیتله هر قومی
 عزل و اعاده ایدرک یرینه و کالۀ اندر یا قوسطه بی نصب ایلش
 و مومی الیه عقلی و مملکتز اصولنه واقف فطین بذات اولدیغندن
 اجرای اصالتیه مساعدۀ بیورلمسی متمنادر

سنه ۱۲۲۳ رجب ۲

(انتهی) انجق التیوز سنه دینروفران قضاسی طرابلسه برازهدیه
 و یرمک اوزره ادریس اکبر سلالۀ علییه سی زیر جناحنده
 بولنه رقفران قاعدۀ مرعیه سی وجهله مومی الیه سلطمان
 اطلاق اولنه کلام یکی والیوم سلالۀ مشارالیه دنفران حاکمی
 بولان سلطمان شیخ محمد نام ذات هر نه اسبابه مبنی ایه بو کره
 هدیه اعتیادیه ک اعطاسنه مساعدۀ کو سترمد یکی یوسف
 پاشاک اغبرار بنی مؤدی اوله رق اشبویک ایکوز یکر می طقوز
 سنه سی محمدک مقنی قومانداسیله خیلی سواری اولجانبه ارسال
 اولمش و شدت اوزره هجوم و حرکتلری کندولرینه توصیه
 و بیان قلمش اولدیغنه بناء میر مومی الیه اکثر اهالیسی شرافت
 جلیله ابله ممتاز اولان ودان قضاسنه وصولنده بیچاره لر حقنده

قتل عام اصول کدورت شمولی بالاجرا اورادن مرکز حکومت
اولان مرزوق قضا سنده مومی الیه سلطان شیخ محمدی دخی
بریده تیغ شهید ایدرک بیاغی سیل کبی قانلر اقمش و مکتوم
افچه لرینی میدانه چیقارتمق مرام غدارانه سیله قوجا قده کی
چوجقلرینه وارنجه کسوب مملکتی تمامیه یدظمنه المش واشبو
خدمته مکافاة فزان حکومتی مومی الیه محمد بک عهده سنه احاله
قلمشدر انجق بو وقوعات متأسفده بی متعاقب مومی الیه یوسف
پاشا عالم معناده هر کس اوزرینه رعایتی فریضه دن اولان
شرافت سنیه اصحابنه وقوعبولان بورتبه حقارتکدن طولای
خصمک بنم دیو فرمان مهابت عنوان حضرت رسالتیناهی به
مظهر اولدیغدن مومی الیه اولنجیه قدر راست کلدیکی علمادن
شوداء بی دواسنه برچاره ارامقله امرار وقت ایتمشدر فقط طرابلس
ایالتی داخلنده کائن جبل غربی درت قضا وخیلی قرا و قبائلی
حاوی غایت جسیم بر محل ایسه ده مقدملری طرابلس، مثالو
(الحکم لمن غلب) منطوق قبحه بر حال مشوش اشتعالده بولنوب
مؤخر اقره مانلی سلاه سنک ابتدای ظهورندن شووقته قدر
بنی نویر قبیله سنک غلبه وشد تلرینه بناء انلره تبعیت ایلد کلرندن
طرابلسجه اصلا مداخله اولنه مزیدی انجق جبل مذکورک
نهایتده بولتان نالوت قضاسی برایکی سنه در قبیله مذکوریه بی
طایخانم زلغه باشلد قلرندن بالاخره مقنن اولان ویرکولرینی دخی
اعطاده ارائه روی ممانعت ایتمشلر قضاء مذکورک جسامت
حاضره سنه مبنی پکده اوزرینه وارلغه جسارت ایدیه مدیکی کبی
شو حالده براقق دخی او یه میه جغندن کیفیت قبیله مذکور

مشايخ عظامندن سالف الذکر متوفی شیخ خلیفہ نک بیوک اوغلی
 شیخ ابوالقاسم طرفندن باتحریرات یوسف پاشایہ عرض و بیان
 و بونلرک کماکان قبیلہ مذکورہ تحت اداره سنہ النمسئ نباز
 واسترحام ایلد کده والی مومی الیہ مخدوملری علی واحد بکری
 سردار تعین ایدرک مکمل برارد و ایله اولجانبہ روان اولق و بولده
 راست کلد کلری اہالی بی دخی معیتلرینہ المق اوزرہ بیک ایکیوز
 اوتوزاوج سنہ سنده ارسال واعزام قلمش واون بش کون اولنان
 محاربہ ده طرفیندن تلفات کثیرہ وقوعہ کلمش ایسہ ده سردار
 مومی الیہسانک یانلرنده برقاج قطعہ طوب اولدیغندن نالوت
 اہالیسی نہایت بو آتشہ تاب اور مقاومت اولہ میوب قہرا داخل
 دائرہ اطاعت اولمش و ذمتلری دخی تمامہ تحصیل قلندقدن
 بشقہ مصارف حربیہ اولہرق ایکیوزالی رأس کولہ اخذیلہ
 طرابلسہ عودت اولمشدر اشته مومی الیہسا علی واحد بکر
 بودفعہ کی عزیمتلرنده جبلی تمامیلہ کوروب پدرلرینہ حکایہ
 ایتشلر و بویله بر محصولدار و جسامتلی یرلری بنی نویر قبیلہ سنہ
 پدیرمکی حیاقتدن عدایلہ برابر مخدوملرینک طاتلی طاتلی نقل
 ماجرالری یوسف پاشانک بتون بتون ذہنی تحریک ایلش
 و حالبوکہ اقدامات معروضہ سی حسبیلہ والی تعین اولسان
 قبیلہ مذکورہ شیخی خلیفہ یقین وقتده وفات ایدوب ایکی نفر
 اولادینی ترک ایتمش ایسہ ده کوچک اوغلی غومہ هنوز درجہ
 شابتہ اولوب و بیوک مخدومی مومی الیہ شیخ ابوالقاسم دخی
 پدری درجہ سنده اکتساب نفوذہ مقتدر اولہ مدیغنه بناء
 مومی الیہ شیخ ابوالقاسمک وجودی ازالہ قلندیغی تقدیرجہ

جلك كاملا يد تصرفه الله جى بديهي اولوب لكن بوسكا
 آچيقدن آچيغه جسارت اولنه ميه جغندن بر طريق سهولت
 بولق افكاريله والى مومى اليه بر قاج سندر اتعاب ذهن ايله نهايت
 يك ايكوز اوتوزالتى سنه سنده شيخ مومى اليه طرابلسه جلب
 و كندوسنه جسيم برخانه ايله بعض هداياى مناسبه اعطا
 و قبله قارشو حقنده اظهار حرمت و رعایت و محبت بي انشها
 اولندقد نصكره بر كيجه شيخ مومى اليه خانه سنده خواب غفلته
 ايكن قتل ايتدرمش ايسه ده فرداسى كوني آشوري تلاش
 و تأسف صورتى كوسترد يكنندن ماعدا جبل اهاليستدن اولوب
 طرابلسده اتمكچيلاك ايتمكده بولسان ايكي نفر آدمى قتل مذكور
 تهستيله حضورينه جلب و تبرئه ذمت مقصديله بلا سوال بيمچاره لرى
 قصاصا اعدام ايلشدر شوراسى غريبدر كه سايه سنده والى
 اولديغى آدمك اوغلنى مكافاة يرينه قتل ايلديكنه قناعت
 اينجوبده ايكي كشي بي دخى بلاجنحه اولدرمك نقدر خونخوار نقدر
 هر نحال ايسه بونك اوزرينه براز وقت جلى حالى اوزره براقق
 و اهالى يه تأمينات ويرمك ملاحظه سيله اولوجهله قضاء
 مذكورى بوزى اوستنه ترك ايتمش و بوسره ده طوسقانه ليلر
 مصالحه طلبنده اولديغندن ويوسف پاشا ايسه بو كازدل و جان
 تشنه بولنديغندن كافه دول متحده ايله ارتباط صلحه
 متوسط اولان انكلتره دولت فخيمه سنك طرابلس قونسلوسى
 مومى اليه موسيو وارينقپتون دلالتيه بوارالق طوسقانه ايله
 دخى عقد رسته اتفاق اولنديغندن اولبايده تنظيم قلنان معاهده
 نامه نك صورتى عينيله اشبو محله درج و تحرير اولندي

* طوسقانه معاهده سی *

الحمد لله صاحب السعادة السنية المعظم بربه طرابلس غرب واليسى
السيد يوسف پاشاى قره مانى و دولتك كافة اعيان وامراسى
وايالت مذكوره ده كائن بالجملة عمال يعنى مأمور ومدبر ايله
طوسقانه دوقه سى جنابلىرى بيشده قديمى دركار اولان حقوق
دوستانه نك توثيق و تأكىدى ايچون طرابلسده مقيم انكلتره
دولت فخيجه سى قونسلسوسى موسس و وارن يقطون جنابلىرى
واسطه سيله كمال صفوت و وفاق و نهايت خلوص و اتفاق
و تراضى جانبين ايله عقد و تنظيم اولنه رق طرفيندن تحقيق
و تصديق اولنان معاهده در

برنجى بند فيما بعد طرفين تبعه سى ديكرينك مملكته هر قنغى
محلّه لاجل التجاره عزيمت ايتك استرايسه بروجهله ممانعت
اولميه جق و دول سائر مثلو طرفين پساپورت مخصوصنى
تبعه سنه در حال ويره جك

ايكنجى بند طرفين تجارى كتوروب والديغى امتعه و اشيا دن
عادت بلده وجهله كرك ويره جك و جانبين كيلرى بربرلينك
مملكتنه عزيمتلرنده قرننده اصولى اجرا و قرننده مأمورينك رآينه
ازهرجهت رضا كوستره جكى و طرابلسده مقيم طوسقانه
قونسلسوسنه دول سائر قونسلسوسى مثلو رعايت ايله برابر خانه سنه
آرمة مخصوصه سنى تعليق ايده جك و تبعه لرينك امور دينده لرينه
كسنه دخل و تعرض ايتبه جك

اوچنجى بند طرفين سفارين و تبعه سى اولوجهله تجارت ايچون
كلديكى بلده نك اليش و يرش اصولنه هر صورتله تبعيت ايتبه جك

دردنجی بند جانین سفاین حریه سی دیگرینک مملکت
ولیمانی دروننده یا خود اورالره برطوب منزلی یرلرده سائر دشمن
سفینه سنه مداخله و تعرض ایتیه جک

بشچی بند طرابلس قورصانلری طوسقانه ک تجارت کیسنه
تصادف ایله پساپورطنه باقق استدیکی حالده یالکز ایکی نفر
درایتلی ادمار معرفتیه نظارت ایلد کد نصره افتراق ایده جک
التجی بند طرفین تبعه و تجارینه هر درلور عایتدن کیرو
طورلیه جق واسیر ایدیلان دشمن کیسنده طرفین تجارتدن
بری بولنور ایسه مال و جائنه قصد اولنمیوب کافه اموالی طرفنه
ویرلد کدن ماعدا حقنه تکریمات ممکنه ایفاقلنه جق

یدنجی بند جانین سفاینندن بری دیگر دشمن ایله محاربه
ایدوب مغلوبیتدن ناشی طرفین لیانلرندن برینه فرار و التجا
ایدرایسه دشمن کیسی کلوب لیان ایچنده و طوب منزلندن
بروکنه مداخله ایتیه جک و بریسی قالدقده دیگری یکر می درت
ساعتدن مقدم ارقه سی صره کتسنه رخصت ویرلیه جک

سکزنجی بند طرفین کیلرندن بری دیگرینک لیان و اراضیسنده
غرق و شکستی وقوعنده اموال و طائفه لرینه آشوری رعایت
ومالارینک تلفدن وقایه سنه اقدام و معاونت اولنه جق

طقوزنجی بند مسلم و طوسقانه تبعه سی مباننده بر مرافعه
وقوعنده قونسلوسلری حاضر اولدیغی حالده پاشا حضورنده
اجرا اولنه و اگر ایکسیسی دخی طوسقانه تبعه سندن ایسه
قونسلوسلرینه حواله اولنه جق و طوسقانه تبعه سندن بریستک
افلاسی وقوعنده بلا کفالت قونسلوس و تبعه سائر سی تضمین
ایتیه جک

اوننجی بند

اونجی بند طوسقانه تبعه سندن طرابلس وتوابعنده فوت
اولئرک جمیع ترکیه سی ورثه سی موجود اولدیغی صورتده
قونسلوسلرینک تحت نظارتنده قالدی

اون برنجی بند اشبومصالحه یه بعض عارضه اصابتیه اخلاقی
وقوعنده قونسلوسلر اشبومصالحه یی میدانده قویوب احکام
مندرجه سی موجبجه اصلاح وکمال کان تزیید محبت وترقی الفت
قضیه مطلوبه سنه صرف ما حصل قدرت ایده جک

اون ایکنجی بند طوسقانه سفاین وتبعه سندن هیچ بری بلا
پساپورت مملکتندن حقیقیه جق ومذکور پساپورتی مجرد
ازاله شبهه قصدیه دوقه جنابری طرفندن تمهیر اولانه جق وناظر
مملکت بهمه حال امضا ایلیه جک

خاتمه اشبواون ایکی بندی شامل مصالحه خیریه کمال رضا
واتحاد جانبین ایله قرار کیر اوله رق مبادله سی اجرا قانمشدر
تحریرانی اواسط رجب سنه ست وثلاثین ومأتین والف

۱۸۲۱ سنه مسیحیه

شوارالق ساردنیالیلر انکلیز وفرانسز دولتلری مثللو سنویه
ویرمیه جکربنی قطعیا بیان ایلد کلرنده یوسف پاشا اظهاردت
ایتمش ایسه ده دائم طرابلسده پولتیقه سی جاری اولان انکلیز
دولتی قونسلوسی واسطه اوله رق سنویه ک کلیارفع والغاسیله
دولت مشارالیه قونسلوسلرینک تعیین وانفصاللرنده هدیه
طریقیه درتبیکی فرانق ویرمک اوزره قرار ویرلمش ویوسف پاشا
بویه عزل ونصبه موقوف اوزون وقتلره قانع دکل ایسه ده
نچاره که پک پارق طرفدن التماس اولندیغنه مبنی لاعلاج سکوت

وبهانه جستجو سنه دیده دوز بولنش و بکنده بر برینی متعاقب
 ظهور ایدن ایکی نفر قونسلوسلرک توجیهاتنده فی الواقع درتیک
 فرائق ویرلش ایسه ده بو کره تعیین اولنان ساردنیا قونسلوسی
 مقاوله مشروطیه ردایله جواب ویرمسی والی مومی الیهجه
 حصول مطلوبه بر یول اچدیغندن همان مقاوله مذکور هک
 فسخیه له برابر اوتوزیک فرائق طلبنده بولندقدن بشقه براز
 قورصان ارسالیله اوچ عدد ساردنیا تجارت سفاینی ضبط ایلش
 و دولت مشارالیه جانبدن اصلا مدافعه اماردلی کورلما سی
 بوراچه خوف و جباتلرینه ویرلمکده ایکن اشبویک ایکیوز فرق
 بر سنه سی صفر الحیرک سکرنجی کونی التی قطعه ساردنیا سفاین
 حربیه سی آپانسز طرابلس پدشکاهنه ورودوالنان تجارت کیرینک
 اعاده سی وقان دو کوله دن شروط سابقه نک تجدید وابقاسی
 ایچون امیرال جانبندن دوستانه وقوعبولان استمدادخی
 قورفاقلقلرینه حمل اولنسی جهته قبول ایدلماش و بناء علیه طوب
 محاربه سنه مباشرت ویدی کون امتداد مقاتله ایله سکرنجی
 کیجه سی ساردنیا لیر صندالره را کب اولدقلری وایکی قطعه
 طرابلس کیسنه آتش ویردقلری حالد باب البحر یعنی کرک
 اوکنه چیقوب اسلام ایله کوکس کوکسه محاربه ایدرک و طرفیندن
 تلفات کثیره وقوعه کله رک دونخارینه عودت و فرداسی کونی
 انکلیر قونسلوسی مومی الیه موسیو وارینقون دلالتیه فیما بعد
 دولتین مشارالیهما مثلوسنویه و نام اخرله براقچه ویرلیوب انجق
 بودفعه ک ییدییک فرائق اعطا اولنق مقاوله سیله عقد مصالحه
 ایدیلرک سفاین مذکوره عودت اینمشدراشته یوسف پاشاک

جمله خطایا سندن بری دخی سارد نیالیرک بلا محاربه عقد ایتمش
اولد قاری شروط سابقه نیک تجدید بنی التماس ایتد کجه برو طرفدن
ارائه روی مخالفتله نهایت اندن دخی محروم قالمسی و بالاخره
برچوق امتیاز اعطاسنه مجبوریت حاصل اوله رق کوج حال ایله
ابواب محاربه نیک قیاتدیر یله بتلسیدر انجق یکچیری طائفه سنک
محو و ازاله سیله عسا کر نصرت مآثر نظامیه نیک در سعادتیجه
ترتیب و تشکیل اولندیغی بیان و تبشیرینی حاوی بو کره بر قطعه
فرمان جلیل العنوان حضرت پادشاهی طرابلسه شرفریز
وصول اولمش ایسه ده بوراده کی اسکی یکچیر یلر کون بکون
انقراض بوله رق اولاد و احفاد لری دخی بروجه سابق قره غول
اوغل و لقبیله بیود کلری مملکتک مذهب و اصولنه تمامیله تبعیت
ایتد کلرندن و یکچیر یلرک حرکات سرکشانه سی ایسه یوسف
پاشا زماننده کلیا اورته دن قالمش ایدو کندن بنابرین مجرد فرمان
مذکورک تنفیذ احکامی ایچون بش اون قدر سالف الذکر
قره غول زاده لردن نظام عسکری ترتیب ایدلمش و فقط بعض
دولدن سنویه نامیله انسان برازشیلر یواش یواش الدن چیقمنه
باشلا دیغنه مبنی بوندن کور یلان ضرر و زیانلره قارشولق اوله رق
یکی حاصلات بولق افکار یله اکیوز اوتوزالتی سنه سی وقایعی
صره سنده بیان اولندیغی وجهله جبل غریبه نیک ضبط و تسخیری
یوسف پاشانک اقصای مرامی اولدیغندن شواملنک حصولنه
مانع قوی اولان بنی نویر شیخی ابوالقاسمی قتل ایله مصلحتی قوه
قریبه یه کتورمش ایسه ده مومی الیهک اعدامندن طولانی براز
وقت حالی اوزرینه ترک ایدلمشیدی حالبوکه الیوم اورالری باشسن

وصاحب سز قالدیغنه بناء بونلری تحت ضابطه یه المقلغك وقت
 وزمانی کلمش اولغله اوراجه معلومات سابقه لری درکار اولان
 مخدوملری مومی الیهما علی و محمد بکیرک معیتلرینه بیوک براردو
 ترتیب و تدارکات فوق العاده الیه اشوبیتک ایکیوز قرق ایکی
 سنه سنده جبل جائیده ارسال و تسریب قلمش لرایسه ده بونلرک
 جبلده کائن بیضا نام محله موصلتلری استخبار اولند قدده اسکی
 آجی بی چیقار مق اوزره قبیله مذ کوره اهالیسی قومشو
 و همجوار لر بی تحریک و تشویق و کافه جبل قضایر بی دائرة
 عصیانہ تسویق ایتد کلرندن جمله سی بالاتفاق یوسف پاشا
 اردوسنک قرشوسنده صف بسته مقاومت اوله رق واردویه
 برپار مق ایلروایاق ادرمیه رق نهایت شو صورتله اوچای بلا
 محاربه طرفین قارشو بقارشو طوروب جبلایلرک اتفاق حاضره لرینه
 مبنی بروظرفدن محاربه یه دخی جسارت ایدیه مدیکندن اردوی
 مذ کور رجعت و عودته جان و باشله راضی اولمش ایسه ده آبلوقه
 ایچنده قالد کلرندن بو کادخی موفق اوله مدقلری حوادث
 مکدره سی یوسف پاشا طرفندن استماع اولند قجه آشوری اظهار
 ندامت ایدرک اعظم مرابطیندن ابو سیف قبیله سی مشایخنک
 جبلده پک زیاده نفوذ لری جاری اولدیغندن مشایخ مومی الیهمن
 چند نفر ذات واسطه سیله جبل غرب کافی السابق بی نویر قبیله سنک
 تحت اداره سنده بولمق و مقتول شیخ قاسمک برادری غومه
 قبیله لرینه شیخ ایدیلوب حقنده اباواجدادی مثلاً و رعایت اولمق
 مقاوله سیله مصالحه و ایجابی اجرا اولند رق اردوی مذ کور
 مأیوسا طرابلسه عودت ایلشدر مع مافیہ طرابلسه ایکی کون

مسافه سی

مسافه سی اولان ترخونه قضاسی ایکی به منقسم اولوب بری حاجی احمد المریضت و دیگری عبد السمہ بن سلطان اداره سنده اولدیغی حالده هر نه اسبابه مبنی ایسه مومی الیهما بیننده شوارالق بعض رقابت ظهور ایتش و مومی الیه حاجی احمد المریضت خلوصکار برادم اولدیغندن یوسف پاشایه زیاده جه انتساب و دیگرندن اغراض اولندیغنه بناء مومی الیه عبد السمہ شودار غنلق اوزرینه تحصیلات و مصالح سائر هیه اصلا باقدیغندن ماعدا اکثر قبائلی باشه طو پلا دیلمسی عصیاننه دلالت ایلدیکنندن اشبو بیک ایکیوز قرق اوچ سنه سی یوسف پاشا طرفندن وزیر ی حاجی محمد بیت المال قوماندان نصبیلہ آپانسز با صیلوب ایش کور ملک اوزره اورایه ارسال و صباحه قریب کیمسه نک خبری اولیه رق اوزرلرینه هجوم و آشوری مقاتله ایلہ جمعیتلری طاغیدلشد فقط بوجه سابق از برایق باطردیسی ایلہ ساردنیالیر بیک امتیاز قزاندقلرینه بناء ناپولیتان دولتی دخی شو یولده حرکاته تشبثله برپابوج قایمغی امل ایلدیکنندن طرابلسده مقیم قونسلوسی معرفتیه اعمال نفوذہ مباشرت و سنه بسنه طرابلسه و یریلان مبالغ مقررہ نک یواش یواش رفع و الغاسنه مبادرت و بویا بده مساعده کوره مامسی اوزرینه برطاقم کوز قرالتسی ایلہ مطلوبنه ناثل اولق اوزره اشبو بیک ایکیوز قرق درت سنه سی صفر الخیرک اونجی کونی کیر و صغیر خیلی ناپولیتان سفاین حریره سی کلوب طرابلس پیشکاهنده اولطه اورمیه باشلامش و قدیم دنبرو بعض دولدن النان برازشیلر بویله برر برالدن چیقدیغی حالده اداره حکومت کسب صعوبت ایلیه جکندن یوسف پاشا نهایت انهرامه قدر

بونلرایله اوغراشمغی ذهنده قرار و تدارکات کلیه ایله حتی صالی
 پازاری سواحلنه وارنججه طوب و عسا کرایله طولدرمش و بش
 قطعه طرابلس کیسی قراغول تعیین ایلش ارتق محاربه ده شبهه
 قالد یغنه مبنی دولت مشارالیه قونسلوسی دوتتاری جانبنه
 بالهزیمه شهر مذکور کونوندرنجی کونندن ابتدارایله اوزاقدن
 اوزاغه اوچ کون طوب محاربه سی ایدلش ایسه ده بعدینی
 ملاپسه سیله طرفینجه هیچ بر مضرت وقوعه کلیه رک سفاین
 مذکوره محاربه بی حالی اوزرینه ترکیله چکیلوب کتشلر و بالاخره
 انکلتزه قونسلوسی مومی الیه موسیو وارینقپون واسطه سیله
 اصلاح ذات البین اولنه رق اتیده محرر اولدیغی وجهله بر اوفق
 معاهده جک ایله دولت مشارالیه مطلوبی اولد قجه قوه قریبه ده
 کتور مشدر

* ناپولیتان معاهده سی *

الحمد لله طرابلس والیسی یوسف پاشا ایله ناپولیتان دولتی میاننده
 درکار اولان محبت صافییه حلول ایدن بعض احوال مکدره تک
 محو و ازاله سی نبات خیریه سیله انکلتزه دولت تک طرابلس جنرال
 قونسلوسی موسیو وارینقپون جنابلری دلالت دوستانه سیله
 تنظیم اولنوب جانبیندن حرف بحرف تصدیق اولتان مصالحه در که
 بوجه اتی بیان اولنور

برنجی بند هر در او معاملات اغبراریه بی طرفین کلیه ارفع
 ونسیان ایله فیما بعد مجبانه و دوستانه کوروشیله جک
 ایکنجی بند مقدم و مؤخر طرابلسدن انسان اسرا بلا عوض
 محله اعاده قلنه جق

اوچنجی بند

او چنجی بند مصارف سفریه ایچون ناپولیتان دولتی طرابلسه
 اوتوز اوچ بیک فرائق ویره جک
 دردنجی بند سنه بسنه ویریلان مبالغ معلومه بعد الیوم مقنن
 اولیوب انجق هدیه طریقیله ایفا اولنه جقدر (انتهی) اشته
 سیاق مصالحه دن استفاده اولندیغی وجهله یوسف پاشا هر تقدیر
 پیشینا اوتوز اوچ بیک فرائق المش و مبلغ مزبور کند و سنه غایت
 چوق کورنمش ایسه ده حقوق قدیمه سنی کسلیا غائب ایش
 اولدیغندن بالاخره فائده سزندانتر چکمش و بونی متعاقب بش
 کون مسافه سی اولان اورقله قضاسی اها لسی بعض قبائل
 سرتیه ايله منازعه لرینه بناء حکومتجه تأدیبری لازم کله رک
 بو کاتشبث اولنه جغی صروده اها ل فک ربقة اطاعت ایلد کلرندن
 اشبویک ایکوز قرق بش سنه سی والی پاشا زاده علی و ابراهیم
 بکرایله براز عسکر اورایه ارسال و اوچ کون از بر محار به ایدلمش
 و نهایت مذکور اولاد بوسیف مشایخی واسطه سیله مصارف
 سفریه نامیله برشی ویرلما مک شرطیله تحت رابطه یه النمش و بویله
 بلا مصارف مصالحه یه یوسف پاشا بروقتده راضی اولدیغندن
 خیلی جبالاتش ایسه ده نچاره که امداد و اعانه یه موفق اوله مدیغندن
 ضروری اختیار سکوت ایتشدنر انجق والی مومی الیه بدایت
 مأموریتنده فدا کارانه چالشدیغی استحکامات بحریه و بریه یی
 صکره لری مهمسه مدیکندن هله ایکوز قرق ایکی سنه سندنبرو
 طرابلسک قوه بحریه سی زائل اوله رق ایشه یرامن چور و کچاریق
 انجق بر قاج کی المش و طرابلس کی غایت مثبت و محصولدار
 بر مملکتک اعمارینه اگرچه صرف ذهن ایش اولسه دکرچه

اولان ضایعاتنی پک آز وقت ایچنده بورادن چیقاره جغی
امریدی ایکن بوکا دخی چندان باقدیغندن ماعدا چفتلیکات
موروته مثلوا یالتی پارچه پارچه ایدوب اولدرینه تملیک ایلشدیر
✽ ایالتک صورت تقسیمی ✽

بیولک مخدومی و ولی عهدی علی بکه مخدومی مصطفی بکه

غیریان قضاسی مصر اطه

مخدومی عثمان بکه مخدومی عمر بکه مخدومی ابراهیم بکه

خمس اورقله ظلتین قضاسی

کوله سی مصطفی بکه

درنه

فقط بالقرض مومی الیهیم بالنفس حصه سنه اصابت ایدن مملکتله
کیدوب حیثکارانه ایفای خدمت ایتمش اولسه لرهم کندولری
وهمده مملکت اکتساب منفعت ایدرایسه ده مومی الیهیم دخی
طرفلرندن وکیلار نصب ایدوب اهالی و فقرادن تمقدارشی
الندیغی ونه بولده حرکت ایدلدیکی کیفیات لازمه سنه باقدقلرندن
هرکس یالکز اداره ذاتبه افکارینه دوشمش و طرابلسک
شود و شکونلکی اوزرینه باقی قلان قضا لر دخی ویرکو و مطلوبات
سارهمی تمام او وقت زمانیه ایفا ایتد کلرندن یوسف پاشایه آشوری
حسرت کله رک کچنمنک بریوانی بولق مر امیله انواع تشبثاته
قالقه رقی بالاخره طرابلس مسکوکاتنه باقر قارشدریلد رقی مغشوش
سکه ضرب و بوندن منفعت استحصالی کبی یا کلش بر مطالعه یه
دوشوب اولو جهله قاریشقی مسکوکات ضرب و تداولنه باشلا نمش
ایسه ده امور مسئله دن اولدیغی اوزره بویله مسکوکات مخلوطه نك
انظار

انظار اجنبیه ده اعتباری اولیه جفته مبنی فیئات موضوعه سنده
دور میوب ساعتده بر اوینا دیغندن بوندن مملکتجه پک زیاده
ضرر و زیان کورلش و حتی صباحلین یوز غروشه کسین سکه
اوزا و نرتز یلیله اخشام اوستی یکر می غروسه تداول ایلدیکی
واها لیدن بری اقچه نك صباحکی فیئاتیله التیوز فرانقه صاندیغی
باغچه نك ایمانی اون بش کون صکره یوز فرانق فیئات طوتدیره بیلش
خلاصه اشوتدایر سقیمه دن زیان و رذالتدن بشقه شی حاصل
اوله مدیغندن یوسف پاشا فنا بر حال بحر انده قاله رق نهایت آغراغر
نمال ایلله تبعه اجنبیه دن استقراضه باشلامشدر فقط بو استقراض
کیفیتی کند و سنه طاتلی کله رک و نتیجه سنی خیالنه بیلله کتور میه رک
بالفرض پاره سی پاره سنه فائضله اقچه بولش اولسه چکمیوب
استدانه ایلدیکندن و هر کس بو تجارتی عمر نده بیلله کور مدیکدن
تبعه اجنبیه سوینه سوینه اقچد ویرمشلر و مومی الیه یوسف پاشا
بویله بر قوروسند ایلله بر چوق غروشله مالک اولدقجه اولدم
اوله سیه ذوق و صفایه دوشمش و تابسر بحر دیونه طالمش لکن
صکره لری مومی الیه کدیشی اصحاب مطلوبه یمان کورندیکندن
الاجقارینی صقی صقیه مطالبه یه باشلا دقلرندن بو بایده تذکره
یازمق قونسلسلرجه بیوک بر خدمت اولش و بونلردن فرانسه
تبعه لری پک زیاده سزلدقلرندن و ویریلان وعده لر دخی چابق
چابق کلوب کچدیکندن نهایت قونسلسلری شفاها بو کا اصرار
ایتمش ایسه ده بو مجلسده طرفینک سر تجه لقر دیلری اوزرینه
قونسلس مومی الیه همان سفینه یه را بکا عزیمت ایلش و طرابلسده
اوغراشه جق مالا و بدنا قدرت قالدیغنه مبنی شو حال کدوریت

اشتمالك نتیجه سندن آشوری قورقور چکیلور ایکن اشبو پیک
ایکیوز قرق الی سنه سی امیرال موسیوروز امیل قوماند سیله
یدی قطعه فرانسه سفاین حربیه سی آپانسز طرابلس پدشکاهنه
کلش و مصلمت نصل صریه صاره جنی اکلاشلش ایسه ده
نچاره سکوتدن بشقه تدبیر بولمادیغندن و قوماندان مشارالیه
کیده قاهره طرفندن لسان شناس ایکی نفر ذات واسطه سیله
یوسف پاشایه بر قطعه تذکره ارسال و قرق سکر ساعت مهلت
ایله جوابنه انتظار اولندیغنی قاتیجه تعبیرات ایله بالبیان دوغمالینه
عودت ایتشلر و درحال بر مجلس عمومی ترتیب و عقیده تذکره
مذکورجه مواجهه سنده کشاد اولنوب مقاوله اتیه نک اجزای
اصلیه سیله بالطبع بو کامنضم اولان بعض تکلیفات مکدره دن
عبارت اولدیغندن و قدرت کافیته نک فقد انیتی ملا به سیله تکالیف
محرر منک اولد قجه تعدیل و تسویه سنه یالواروب یقارمدن ماعد
چاره بولنمیه جفتدن حضار موجوده جانبندن حاجی محمد شالاب
بو خصوصه مأمور ایدیلرک نهایت مبالغ مطلوبه نک نصفی
پشین و نصف اخرینک درت آی و عده سندن بشقه تعدیلات
ممکن اوله مدیغنه بنساء (الضرورات تبیح المحظورات)
قاعد سنه کیدیلرک امیرال مشارالیه ایله براتفاقنامه نک تنظیمه
قرار ویرلدیکندن معاهده مذکوره درج صحیفه بیان اولنور

✽ فرانسه لو معاهده سی ✽

✽ بسم الله الرحمن الرحيم ✽

فرانسه دولت فخریه سنک طرابلس غرب جزال قونسلوسنک
بالمجوریه و قوعبولان عزیمتدن طولانی دولت مشارالیه
طرابلس غرب

طرابلس غرب والیسی یوسف پاشا میانه سنده تحدث ایدن
او یغونسزلغه برنهایت ویرلمک طرفینک اخص امالری اولدیغی
مثلاودول متحابه ایله اوجاغ مذکور بیننده اولان صلح و مسالمتک
اکثریا اخلاقی داعی حالاتک دفع وازاله سنه وعموم دول اجنبیه ایله
تأکید مناسبات ودوستی و بحر سفیدک امن و اسایشنی الی الابد
محافظه ایتک خصوصاً لرینک مومینه مخصوصه ده تذکر
وتسویه سی ضمننده حشمتلو فرانسه پادشاه و قرالی حضرتلری
جانبندن ترخیصا ارسال اولنان فرانسه عساکر بحریه سی
ایکنجی امیرالی اولوب سن لوفی نشان عسکر یسینک شوالیه
واژیون دونور نشانک قوماندور رتبه سنی واسپانیانک سن فرونیاند
نشانک کذلک شوالیه رتبه سنی حائز و حاملی موسیول بارون
روزاملی ووالی مشارالیهک امور اجنبیه نظری سیدی حاجی محمد
بیت المالی مرخص نصب و تعیین ایدلمش اولدیغندن مرخصان
مشارالیهماک مفطور اولد قلمری درایت ذاتیه وحیت موصوفه لری
اثار یله میانه لرنده بالتقریر بونک تمامی اجراسنی متبوع لری نامنه
اوله رق وعد و تعهد برله منسوب مابه الافتخار لرینک نبات خبریه
صحیح لرنده حسن موفقیتلرینی الطاف الیهیه دن نیاز واستدعا
ایلد کلری معاهده نامه در که بروجه جائی بندشد بیان اولنور
برنجی ماده قونسلوس مومی الیهی فدای مأموریتیه مجبور
ایدن حالات متأسفانه دن طولایی بیان معذرت ومومی الیه
حقنه تشکیل ایدن اراجیف ومفترياتجه قطعاً مدخلی اولدیغنه
ودولت مشار الیهما ایله قدیمی جاری اولان محبت صافیهیه دار
قرال مشار الیهما خطابا والی پاشا برقطعه مکتوب بالترقیم

اميرال مشار اليه اعطا ايدى جك و بونك برقطعه آچيق صورتى
دخى و يريله رك مع مافيه قونسلوس مومى اليه مر كز مأمور يته
مواصلتيله برابر والى مشار اليه اولاد و ياخود داماد لرندن برى
واسطه سيله ترضيه لازمه بي ايفا ايدى جكدرد

ايكنجى ماده فيما بعد بالجمله دول اجنبيه سفابنى حقنده
قورصانلق معامله غير لايقه سندن و ياخود بوكا اعطاسى
روحصندن كرك والى مشار اليه و كرك احلافى كليا كفيد
ايله جك و بونك خلافت سفابن تجاريه اوزر بنه قورصانلغه
قالقیشان طرابلس كپلرينك اخذ و ضبطنه دول اجنبيه عموماً
مأذون اوله جقلدرد

اوچنجى ماده بعد اليوم كافة تبعه اجنبيه اوزرندن اسارت
ماده سنى طرابلس حكومتى ممنوعيت قويه ايله الغا و شمدى يه
قدر ريقه رقبته اذخا ايديله كلان اسرايى كافة ازاد ايتد يرمكى
تعهد برله اثمانه سندن طولايى مستملاك لرينه ترتيب ايدى جك ضرر
وزيانى والى پاشا كندى كيسه سندن اوده يه جك و بونسكله
برابر دول اجنبيه نك بريله محارب به وقوع عنده اول دولتك برى
و بحرى عسكرندن الثان اسيرلره اشكنجه و سائر كونا معامله
تحقيقه دن تحاشى اولنه رفق اوروپا اوصولنه توفيقاً ختام
محارب يه دكين اسرايى مر قوم مناسب محلا رده معززا اقامه
قلنه جق و معركة مذ كورده در دست اولنان يولجى و سير جيلر
بروجهله توقيف اولميه جققدرد

دردنجى ماده طرابلس واليسى هيئت موجوده و حاضره دن
ز ياده بعد از اين قوه بحريه سنه جسامت و يرمكه قطعاً صلاحيتى
اوليه جنى

اوليه جنی مثلاً سفاین حاضرہ سنک مقدار وکیتی حاوی
 قومیسون مشار الیہم معرفتیلہ قلمہ النان دفتری اشبو معاہدہ
 ذیل ایدیلہ جک انجق سفاین موجودہ نک بری زدہ انمش
 ویاخود بتون بتون چوریوب استعمالدن قالمش اولنلرک یرینہ
 وضع و حجمی اولکندن زیادہ اولماق وهر صورتلہ اکا ممائل
 اولوب دیگر طرز وھیئتدہ بوانماق شرطیلہ اعمال و ترمیمہ
 ودر دست انشا اولان کیلرک اتمامہ روی جواز کوسـتریلور
 فقط سفاین تجاریہ بی دونادوب ایچنہ عسکرو ادوات حرب
 وضعیلہ جنک کیسی ہیئتہ تبدیل و تحویلی ممنوعیت قطعیه ده
 بولنہ جقدر

بسنجی مادہ طرابلس غرب سواحلندہ قرہیہ دوشن اجنبی
 سفایذک تخلیصی ایچون معاونت ممکنہ و بولنرہ اقتضا ایدن
 ما کولات و مشروبات دخی بالابفا و مقولہ سفاینہ را کب بولنان
 یولجی و طائفہ و حوالہ سنک حسن محافظہ سنی تأمین ضمنندہ
 والی مشارالیه تدابیر سریعه و مؤثرہ اتخاذ ایللہ جک و بونکله
 برابر عکس قضیہ ظہور یلہ غرق اولان سفینہ نک اموال
 و امتعہ سی نہب و غارات ایدیلد یکی حالده اشیای منہوبہ نک
 قیمتی تماماً ادا اولندقدن ماعدا یولجی و طائفہ لرندن بری سنی
 قتله اجتناسار ایدن اولور ایسہ حکومت محلیہ نک مرعی الاجرا
 اولان قوانینہ تطبیقا مجازاتی بعد الاجرا والی طرفندن مقتولک
 منسوب اولدیغی دولت قونسلوسنہ بولند یغی سفینہ نک
 حوالہ سنہ مساوی تضمین اقچہ سی ادا اولنہ جق فقط شو
 قتل کیفیت جسمیہ سی تعدد ایلدیکی تقدیر جہ بولنلرک عددینہ
 کورہ حوالہ نک قیمتی اعطا اولنہ جقدر

التجبي ماده انجق سواحل مد كوره دن بعید بر محله شكست
اولان سفینه به بالهجوم قتل نفوس ونهب اموال فصاحتنه
جرات ایدن اشخاص والينك تحت اطاعتنه اوليوب كندو
اراضينه دخی ایصال دست خسار ایدن اشقیا كروهندن
اولدیني تحقق ایلدیكي حالده مشارالیه نفوس مقتوله واشیای
منهوبه دن طولایی مسؤل اولیه جقدر

یدنجی ماده دول اجنبیه طرابلس غربك هر بر طرفنده
قونسلوس وتجار وکیلری نصب واقامه ایده یله جك فقط
بونلك حین تعیین و بتخصیص بر معاهده نك عقدنده اخذی معتاد
اولان هدايا وسائر بالکلیه لغواولنه رق من بعد هر نه نام ايله
اولورسه اولسون دول مشارالیه هم بر صورتله مكلف اوليوب وایلروده
دخی مجددا وضع قلنده میه جقدر

سکزنجی ماده تبعه اجنبیه رسومات لازمه یی بعدالایفا
یدواحد اصول مضرت شمولنك کلیار رفع و الغا سیله سر بستی
تجارت و طرابلس اهالی سیله هر نوع امتعه واشیای اجنبیه
وداخلیه نك اخذ و اعطاسنده مأذون بولنه جقدر مع مافیه
فرانسه دولتی بر امتیاز مخصوصه ادعاسنده بولنمزایسه ده دیگر
براجنبی تبعه سنه حالا ومستقبلا اعطا اولنه جق بالجملة امتیاز
وترقیات وفوائد و تسهیلات دن دولت مشار الیهها تبعه سنك دخی
حصه دار اوله بیلسی و یوباده دولجه مطالبه یه حاجت براقیوب
بالكر فرانسه قونسلوسنك استدعای مجرده سی اوزرینه مساعدنه
اولنه جقدر

طقوزنجی ماده فرانسه دولتی مجبور اطرار ایلسه سوق ایتدیكي
عسكرك

عسكرك مصارفه مدار اولوق ودولت مشار اليها تبعه سنه عاذه
مطلوبات تسويه قلمق اوزره حكومت مذ كوره طرفندن دولت
مشار اليها يه سكر يوزيك فرائقك اعطاسي تعهد و تقرير
ايتمش اولمغه مبالغ مزبورك تسويه سنى تسهيل ايتك اوزره نصفي
اغستوسك اون التنجي كوني ونصف ديكر يدخى كله جك كانون
اولده بهمه حال تأديه اولمق شرطيله والى مشار اليه جانبندن
برقطعه سند ويربله جكدور

اوننجي ماده كرك سلطنت سنيه ايله فرانسه دولتى ميانه سنده
منعقد معاهدات و كرك دولت مشار اليها ايله طرابلس حكومتى
پيشده قديم دنبرو جارى اولان مقاولاتك اشبو معاهده نامه ايله
تعديل اولنه جق موادى بالاستثنا بالجملة احكام و شرائطى ابقا
وتصديق قلنه جقدر

اون برنجى ماده اشبو معاهده نامه ماه حالك اون ايكنجى
پنجشنبه كوني طرابلس مملكته و اون يدنجى ويكرمى ايكنجى
كونلرى ايالات و شهور قريبه ده و كله جك ايلولك اون ايكنجى
كونى طرابلسك الك بعيد محملارنده مراسم معتاده سبله نشر
ايديله جكدور

خاتمه اشبو معاهده خيريه ايكي نسخه اوله رق طرابلس غرب
ليمانده لنگر انداز اولان ذات قراليه مخصوص سفينه ده ترتيب
و تنظيم قلنه رق در حال مبادله سى اجرا و حرف بحرف تنفيذ
احكام مندرجه سى تعهد و التزام اولمشدر تحرير فى اليوم الحادى
عشر من شهر اغستوس لسنه ست واربعين و مأتين و الف

سنه ١٨٣٠ ميلاديه

١٨٣٠
١٨٣٠
١٨٣٠

در دنجی ماده ده مصرح طرابلس حکومتک سفاین موجوده سنی
مبین اشبومعه ماده ده ذیل اولنان کشف دفترینک صورتیدر
فرانسه دولتک افریقا سواحلنده بولنان قوه بحریه سی قوماندانی
موسیوروزامل طرفندن ویریلان تعلیمات مخصوصه مقتضای سنج
طرابلس غرب حکومتک قوه بحریه سنک تعداد واستکشاف
احوالی ضمننده ریاله لوق رتبه سنی حائز اولوب قراله مخصوص
تریدان نام کمینک قیودانی اولان موسیو کوس نام ذاتک ریاستی
تحتنده اوله رق مذکور کمینک ملازم لرندن موسیوروزاوله
بحریه باش قلفه سی و حکومت مزبورک بحریه ضابطه لرندن
ایکی کشیدن مرکب قومیسینونک تحقیقاتنی مبین دفتریدر

$\frac{1}{2} \times \frac{1}{2} = \frac{1}{4}$

1. *Phragmites australis* (Cav.) Trin. ex Steud.

$\frac{1}{\sqrt{2}} \left(\begin{array}{c} 1 \\ 0 \\ 0 \\ 1 \end{array} \right)$

[Faint handwritten notes at the bottom of the page]

[Faint handwritten notes at the bottom of the page]

--- 100 ---

1. The first group of people who are not in the labor force are those who are not in the labor force because they are not in the labor force.

2000

1892

$\frac{1}{2} \left(\frac{1}{2} + \frac{1}{2} \right) = \frac{1}{2}$

سید بن ابی طالب (ع) و سید بن ابی طالب (ع)

کيلرك انواعى ۹ ۹ ۹ ۹ ۹
کيلرك بولند قلى حال ۹ ۹ ۹ ۹ ۹

ليمانده بولنان

اوج ديرکلى

برقطعه قوروت ۱ ۱۸ ۲۲ جديدجه

ابريق ۱ ۱۲ ۱۸ کذاک

کذا ۱ ۱۲ ۱۸ ابوجه

کذا ۱ ۸ ۱۶ دردست انشا

کذا ۱ ۸ ۱۲ اسکجه

ابريق غولته ۱ ۸ ۱۴ کذا

کذا ۱ ۶ ۱۲ کذا

کوچک بکک کى ۱ ۶ ۸ کذا

قايونه کيسى ۲ ۶ ۴ کذا

کوچک قايونه ۱ ۴ ۱ کذا

طوب کيسى ۴ ۱۸ ۴ کذا

دکرده بولنان

ابريق غولته ۱ ۸ ۱۲ شرق طرفندن

کذا ۱ ۶ ۱۲ کذا

کذا ۱ ۸ ۸ بنغازيده

اسقونو ۱ سواحله

اغستوس سنه ۱۸۳۰ طرابلس غريده

امضا امضا امضا اشبو دفترى کوروب تصديق ايلدم

لمتر رو کوس امضا روزامل

خلاصه بر موجب شروط مکتوبات مطلوبه بالا عطا دین
 مذکورک نصفی دخی بعض معتبران اجنبیه دن انواع مشقت
 واضطراب ایله استدانه وقوماندان مشارالیه تأدیه اولندرق
 معاهده مذکور بعینه بر قاج بیوک تخته لراوزرینه یازیلوب
 طرابلسک چارشوو بازار لرینه تعلیق وجهه ناسه اولصورتله
 نشر و اعلان ایدیش و یوسف پاشا بوند نصکره کندوسنی
 طوپلیه میه جغنی پک یقین بیلدیکندن و بویابده دوشد یکی
 جندره مضایقه دن رهایاب اولق ونصل ایسه نصل کورولتوی
 باشند صاومق افکار یله کیجه کوندوز او یقسنی غائب ایش
 وقوماندان مشارالیه ختام مضامته معیتده کی سفاینی
 بالاستصحاب بو کره طرابلسدن عزیمت ایلشدر انجق
 سابق الذکر قرانسه قونسلوسی بد مشرب و کندوسیه امتزاج
 ممکن اوله میه جغندن طرابلسه رجعت ایلز دن مقدم تبدیل
 و تحویلی چاره سی ملاحظه اولمقده بولندیغی حالده مشهور
 برنجی قلب نام ذاک فرانسه حکمدار لغنه اتخانی
 بو کره استخبار اولندیغندن و حصول اماله بوندن کوزل وسیله
 اولیه جغندن مشارالیه تبریک مأموریتی و بونسکله برابر
 یوسف پاشا طوغرودن طوغرویه کسب معارفه ایتک و همده
 شو قونسلوسلغی بر قالب اخره افراغ ایلک اوزره مومی الیه
 حاجی محمد شالابی باتحریرات مخصوصه بارس حابنه ارسال
 قلمش و عریضه مذکورده غایت طمطراقلی لسان قوللانمش
 اولغله عینیه بروجه انی ترجمه اولمشدر

یوسف پاشا

✽ يوسف پاشا طرفندن فرانسه امپراطورى برنجى فليده يازيلان
مكتوب صورتى ✽

طر ابلس غرب امنها المولى من كل شدة و كرب اياالتك حاكم
وواليسى من عبد ربه امير المؤمنين ومصالح مسلمينك ناصر صحيحى
بولنان يوسف پاشا بن على پاشا بن محمد پاشاى قرمانلى جانبندن
رعايت فائقه اليق مدير الامور مملكته برأيه الصائب وراعى
حى دولته بذكر الشاقب مؤسس قواعد اياته احسن تأسيس
اعز احباب و محب جنابندن فرانسه مملكت بهيه سى قرالى برنجى
قلب سد المولى احواله ونعم باله حضرتلرينك جناب رفعت مآب
ومقام جليل النصابلرينه مزيد سلام و تحيت اكرام عرض واهدا
اولند قد نصكره معلوم شريف وزكاوت منيفلرى اولديغى
وجمله من القديم پيغمزده دركار وآن با آن ترقيسى بديدار اولان
محبت صافيه و مودت كامله وافيه اويله مرور زمان و بعديت
حاضره ايله تغير و تبدل ايتيه چكى نمودارايكن بوكره صندالى
قرالته قعود و مقام اسلاف بهيدلرينه صعود بيورلديغى سامعه
تحقيقمن اولدقدن آشورى مسروريتله برابر ابا واجداد
عظما ملر يزدن مؤسس وبافى قلان فرط موالات مستحكمه به
بناءش وجاهه كارم اكنتاه امپراطور يلر ينى تبريك وجيهه ذمت
خصوصيتم اولديغنه مبنى بالوكاله رسم تسعيدك اجراسى
ايچون دائره من مقر بلندن فضل و جلالته آراسته و كالات
خالصه ايله پيراسته وزيرم الحاج محمد شالابى بيت المال نام ذات
مخصوصا اولجانبه بعث وارسال قلمشدر چونكه بنده كرت
كنديمى اعز احبابكزدن عدايلد يكمه اعتمادا ذات جليل المقام

ایمپراطور یلرندن ترخیصا بوطرفه کلان ذواته نصورتله اکرام
ایتمش ایسمه وزیر مومی الیه حقنده دخی اولوجهم له حرمت
ورعایت کامله نك لطفا اجرا سیله برابر مومی الیهك شفاهها واقع
اوله حق افاده سنك دخی مساعده سنه سزاوار رعایت بیورملری
نیازمدر رجم کدردن محافظه ایدوب هر حالده صحت وعافیت
احسان بیورسون امین سنه ۱۲۴۶ رجب ۳
اشه تحریرات مذ کورده افاده شفاهییه بر اقدیغی کیفیت مجرد
قونسلوس ماده سی اولوب فی الواقع تأثیر نفوس ایتدیره رك مومی
الیهك عزلیله یرینه دیکری تعیین اولنده رق طرابلسه مواصلت
ایلمشدر فقط قونسلوس لاحق مومی الیه درابتلی و خلوصکار
برذات اولد یغندن قناسل سائر دن زیاده یوسف پاشایه
کندوسنی سودیرمش بنابرین من القدیم طرابلسه جاری
اولان انکلتزه نفوسی بودفعه ترك ایدیله رك اورطه لقه فرانسه
پولتیقه سی یوریمکه باشلامش واسکیدنبرو یولسز ونظامسز
صورتده بولنان کمرکات حقنده قونسلوس مومی الیهك تدبیر
وتشویق ایلله اون درت فصولی شامل آتیده مرقم بر قطعه
نظامنامه قلمه المنشدر

✽ کمرکات نظامنامه سی ✽

فصل اول

برأ و بحرأ دخول و خروج ایدن کافه اشیادن یوزده اوچ غروش
النوب خرب و سفاین الاتندن اصلا کمرک النیه حق
قواته وجويز تحته سی وطراق وقاشق و کوسله دن یوزده الی
غروش کمرک النیه حق

زحایر

فصل ثانی

فخایروماً کولات سائرہ نیک طرابلسدن خروجیہ مساعدہ اولم یوب
 انجق موخرأ بونلک اخر اجنه رخصت ویرلدیکی تقـدرجه
 بغدادیک طرابلس کیلہ سی ایلمہ بہر کیلہ سندن بریجق فرانق وشعیردن
 اون بش غروش وبنغازی خنطہ سندن اون سکز وارپہ دن
 یدی بچق غروش واوزمک یوزقبہ سندن بریجق فرانق
 و طرابلس وفزان حرما سنک بہر قنطارندن اون ایکی و بہر رأس
 بقر دن قرق سکز و غمندن یالکز سکز غروش وبنغازی صغرندن
 التمش التی وقیوندن اون ایکی و سادہ یا غنک الی قیہ سندن التمش
 غروش النہ جق

فصل ثالث

جلد بقر و لحم و کور و صابوندن رسومات النمیہ جق

فصل رابع

فدخول ایدن مسکراتدن یوزدہ اوچ کک التندقہ نصکرہ شرابک
 یوزقیہ سندن اوتوز و عراقدن التمش واسیرتودن یوز یکر می
 غروش رسومات النہ جق و تعیین اولنان محللردہ ہر کس مسکرات
 یامسنہ روخصت ویرلدیکندن و یادیغی مسکراتک قنطارندن
 یکر می درت غروش و خراجچون اشترا اولنان اوزمک بہر دوه
 یو کندن کذلک یکر می درت غروش النہ جق

فصل خامس

ہر کس بلامانع قصا بلغہ مأذون اولدیغندن کسیدیکی بقرک
 عدد حسابیلہ اعلا سندن یکر می درت و اوسطندن اون سکز
 وادنادن اون ایکی غروش و علی السویہ دوه دہ یکر می ایکی و قیون

و کچیده یوز پاره و بنغازی غنم و کچیسندن اوچ غروش
اوتوز پاره انه جق لکن جلو دو باش و سائر بوکا متعلق شیلر
ایچون بر پاره مطالبه اولنیمه جق

فصل سادس

هر کیم صابون اعمال ایدرسه بهر قنطارندن اوتوزالتی غروش
ویره جک

فصل سابع

طر ابلسده طح ایدیه جک بسمدن قنطارندن اون سکر غروش
انه جق

فصل ثامن

صابون رمادینک قنطارندن درت غروش اوتوز ایکی پاره
انه جق

فصل تاسع

دخول ایدن طوزک بهر طرابلس کیله سندن اون ایکی غروش
انه جق

فصل عاشر

صالی وجهه بازارلرینه رکز اولنان حیمه لک دانه سندن ایکی
غروش انه جق

فصل حادی عشر

بهر دوه حوله سی سنامه کیدن یکر می درت و ناطور وندن التی
ودوه قوشی تو بیدن یوز بش و فیل دیشی بش و بازارلرده
صماتیلن زخایردن کذلک یوزده بش غروش و زیت یاغی
یوکنندن درت غروش اوتوز پاره انه جق

جر یوز عفران

فصل ثانی عشر

حریروز غفران و قرمزك بهر قنطارندن التي غروش انه جق
و مخصوصا تعیین اولنان مأمورل معر فتيله مملکتده موجود
کیله و قنطار و ترازول موازنه اولنه رق طوغرو اولدیغی صورتده
اوزرلی تمهیر اولنه جق واش-بو تاریخندن اعتبارا اوتوز کون
ختمندنص-کره هر کیمک یدنده مهر سز کیله و قنطار و ترازو
بولنوب و کورلدیکی حالد، اصحابی قویا تأدیب و تجریم
ایدیله جکدر

فصل ثالث عشر

التونك قرق بش مثقالندن یکرمی درت و کوشک درت یوزاللی
درهمندن یکرمی درت غروش تمغه رسومی التندقندن ماعدالتونك
یوزم مثقالندن یکرمی درت و بیک درهم کوشدن کذلک یکرمی
درت غروش میزان رسومی انه جق

فصل رابع عشر

مسلم و دول اجنبیه معتبرانندن والی پاشاک انتحابیله برقاچ ذاندن
مرکب بر قومیسینون تشکیل اولنه رق مومی الیهیمک وظائف
مأموریتلری اشبونظامنامهک مرکز مطلوبه ده جریانندن
عبارت اولوب انجق مأمور مومی الیهیم هر سنه باشنده تبدیل
و تجدید اولنه جقدر (انتهی) خاتمه ده مندرج اولدیغی وجهله
ملل مختلفه دن مرکب بر قومیسینون ترتیبیله نظامنامه مذکورک
اجراآت فعلیه سنه باشلائمش و بو کره جانب مستوجب الجوانب
حضرت خلافتیناهیدن مشارالیه یوسف پاشا عهدده سنه زوم
ایلی بکار بکلکی پایه رفیعہ سی احاله و توجیه بیورلایغندن قیودان

دریا محمد حسرو پاشایه بیک ایکیوز قرق یدی سنه سی شعبان
 اوچتار یخیله مفصل برتشر نامه یازمش و مشار الیهک پاشالغی
 اشته بود دفعه کسب صحت ایتشدن انجق انکتره دولتک
 طراباس قونسلوسی سالف الذکر موسیو وارینقون بدایت
 مأموریتندن برویوسف پاشایک خبلی ایشنده بولمش و بر قاج
 محاربه لک اصلاحنه طوغریسی کوزل همتلر ایتمش ایسه ده
 مشار الیه ثباتسز و اداره لسانده قدرتسز اولدیغندن بر طرفه
 میل ایلدیکی حالده دیگرینی اوتحق اعتیاد قدیمه سی اولغله
 بالاده محرر امیرال روزامیل دلالتیه انکتره لودن کزلی یاپلان
 معاهده دن طولایی قونسلوس مومی الیه آشوری دلکیر و قرقین
 ایکن بر منوال محرر فرانسه قونسلوسنک فوق الغایه پرتواقبالنی
 دخی بروجمله حضم ایده مدیکندن انکتره تبعه سنک مشار الیه ده
 اولان مطلوب باتلرینک سرعت ایفاسی تضییقاتیه اولدقجه
 تشفییه صدر ایلش و فی الواقع قار شلق بولنه مدیغندن والی مشار الیه
 مضطرب قالمش و بوضعه ده ارنبود طائفه سندن ایکی نفر عسکر
 قونسلوس مومی الیهک مخدومه حقارت ایلد کلرندن بو کیفیت
 مومی الیهک اغبار محرره سنی زیاده تحریک و تشدید و مر قوملر
 دردست اولنه رق حبس ایلش ایسه ده مومی الیه ینه آتش
 پؤسکور مکده اولوب شو معارضه و مناقشه اره سنده دیگر ایکی
 نفر دخی ایاقدا شلرینک حبسلرینه سببیت بیانیه مومی الیه موسیو
 وازینقون و کریمه سنه لایق سز تفوهاته اجتسار ایلد کلرندن
 و بویله بر برینی متعاقب وقوعه کلان حالات مکدره اوزرینه
 مومی الیه همان باندیره مخصوصه سنی ایندیردیکی استخبار
 اولند قدده

اولند قده مشار اليك ال واتكي طوتشوب بروجه اتی برطاق
رجایی حاوی برقطعه تذکره یازمشدر

* یوسف پاشا جانبدن انکلتزه قونسلوسی موسیو وارینقپونه
یازیلان تذکره *

دوست وفاشعارم جنابلری

دون اخشام باندربی ایندر دیکزی ایشتم و پورتکیز قچیلاریه
خانه سنده ابراهیم بومیس ایله ملاقات دوستانه لرنده بو کیفیت
مجرد فرانسه لوایله تنظیم قلنان معاهده دن نشأت ایتدیکنی
مومی الیه خبر ویردی انجق سرظن و شبهه ایدر مسکز که بن حاشا
انکلتزه دولته مضر اوله جق برشی یاپلسنی تجویز ایدیم ای
بنم دوست صحیح و محب صادق لطفانی کنیدی حالیه براقده
بو اشتباهدن وارسته اولمکز ایچون ناقل تذکره محبی فلنک
قونسلوس و کیلی ایله حقیقت حالی بیان ایلدیم زیرا انکلتزه دولتنک
خاطری منکسر اوله جق صورتده تمقدم و نه مؤخر فرانسه ایله
طراتا طویعی عقد رسته عهد ایتیمه جکیم جله عندنده مسلمدر
فقطهر کس بیلور بیلر لساننه کلنی سویلر بونلره امنیت و یرمکزه
تأسف ایدرم و بو بایده انکلتزه قرالی حضرتلری تفصیل کیفیت
مرادیورر لر ایه در حال بر مأمور مخصوص ارسالنه کنیدی
مجبور کوررم و بونکله بر ابر تبعه دوستانه لرینک ذمتمده اولان
مطلوباتلری فقره سنه کلجه هیچ برسوزم اولیوب حقارینی دایما
بالاعتراف اداسنه آشوری غیرتلی ایتیمکه ایه مده نچاره که
مضایقه حاضره و بالخصوص فرانسه تبعه سنه اولان دیونمک
ایفاسی ایچون چکدیکم اضطرار بلر مبدانده اولمق ایله تکرارینه

حاجت کوريله من و ميانه من ده اولان موالات ظاهره به اغترارا
 انکلیز تبعه سنک الاجقارینه براردها مهلت و مساعدده ویرلسی
 و بوندن طولانی متبوعلرینه تشکی بیورملری پک زیاده رجاون باز
 اولنور چونکه تشکی ایدلدیکی تقدیرجه دو تن کلوب دین
 مذ کوردن ماعدا مصارف طلبنده اوله جقارینی پک یقین یلورم
 پیانندن مستغنی اولدیغنی وجهله اوچ درت سنه در مملکتده
 حاصلات اولدیغندن و کافه ایرادم بوکا منحصرا اولدیغنه مبنی
 ضروری ادای دین ایدیله مامش و بوندن صکره نصل ایسه نصل
 قریبا و عا جلا ایفا اولنه جنی و قصور عا جزانه مک عفویته علامت
 صحیحه اولان باندیره مک کشیده سی و اشبوتد کره خلوصورینک
 بر قوییه سنی قرال مشارالیه ارسال و قره مانلی قدیه نبیره محبتی
 دوامنده اولدیغنی قوصیه و اشعار بیورلسی فوق مایه تصور
 مسترجادر چونکه انکلیزه دوات فحیمه سی غایت حقانیتلی
 و بیولک بردات اولدیغنی یلورم انشاء الله دائما محبتن ترقی بولور

سنه ۱۲۴۸

اشبوتد کره یه ملفوفه مشارالیه یوسف پاشاک مومی الیه انکلیزه
 قونسلوسنه ارسال ایلدیکی سند صورتی *

اولا انکلیز تبعه سنک بندن مطلوبلری اولان مبالغی
 قونسلوسنخانه ده مقید مقاوله من وجهله مع گذشته قریبا و تماما
 ایفا اولنور

ثانیا قونسلوس مومی الیه مک مخدوملرینه و خاطرینک انکلیز سارینه
 مؤدی اولان ایکی نفر ترک عسکرینک در حال نفیلرینی تعهد ایدرم
 ثالثا قونسلوس مومی الیه الیه کریمه لری نه لایقسنز لقر دیه

جسارت

جسارت ایدن دیگر ایکی نفر ترک عسکرلرینک دخی کذلک سریعا
دیار بعیده یه نفی اولنه جقدر

رابعا ایالت سبکسار ائندن بعض کسان مالطه جزیره سی
سفینه لرینک برندن سرقت ایلد کیری اموالک قیمتی اولان یوز
یک فرانق تماما ارسال اولنور

خامساً لاجل المحاربة کلوب کیدن ادملر بعض فساد
اجتسارلرندن طولانی بعد مانعایت امین و صادق ادم استخدام
قلنه جقدر انشاء بوشروط خسته نک ثمره نافعده سی اوله رق
اغبرار حاضره دن کلیا صرف نظر و کافی الاول فرط محبتله
باندیره لرینی کشیده ایدرلر زیر اعلو مکزدر که هر دولتن زیاده
ذاتکزه و تبعه لرینه رعایت و حرمتده اصلا قصورم یوقدر

(انتهی) خلاصه مشارالیه بالاده محررتد کره سنه مطو یا اشبو
سندی دخی ارسال ائتمش ایسه ده قونسلوس مومی الیه بارشقی
احتمالی اولد یغنی و قرق ساعت ختامنده انکلتزه تبعه سنک
مطلوباتلرینی کاملاً تأدیه اولنمشی جوابا بیان ایلد کده شومدت
ایچنده مبلغ مزبورک اعطاسی ممکن اوله مد یغندن نهایت کمال
حدت و کوسکونلک الیه فاملیاسنی آلوب طرابلس لیمانده بولنان
انکلیز سفینه سنه زاکبأ مالطه جزیره سنه متعازم اولمش
وقونسلوس مومی الیه کدیشی اوزرینه یوسف پاشا پک زیاده
جندره اضطراره دوشدرک در حال متحیران و معتبرائی بانه جلب
و عقد مشورتله ایش صریحه صادر یغنی و بوکابر علاج سریع
التأثیر تدارک ادملشی بالا فاده اوزون اوزادی یه بحثلردن صکره
دائرة سی خلقی و معتبران و نفس طرابلس اهالی مسئله سنندن

ایکیک و یهودی ملتشدن دخی كذلك ایکیک فرانق و منشیه
 و ساحل ایلہ مدت قریبہ تحصیل اولنق ایچون جوار اولان قضا
 و قبائلده کائن ہرقیو باشنه اوچر فرانق النمسینہ بالاتفاق قرار
 و یریلوب فی الحقیقہ اصحاب دائرہ و معتبران و مسلم و یهودین
 بروجہ محرر درتدیک فرانسه استحصا لاولنمش ایسہ دہ منشیه
 و ساحل و قصبات و قبائل اہل لاری براقچہ و یرہ مہ جکارینی
 بیان و حتی اہالی ایکی لاری قاندہ اولسہ بیلہ صالی بازارینہ کلمک
 معتاد لری ایکن مبلغ مطلوبہ اوزرینہ بازارہ دخی کلامش لربنارین
 مذکور بیٹ ایک یوز قرق سکرستہ سی صفرینک یکر می بدنجی
 پنجشنبہ کونی مشار الیہینہ ارباب مشورتی حضورینہ جلب
 و بونلرہ نوجہلہ معاملہ اولنق لازم کلمہ جکی استشارستہ
 کیرشد کدہ معاملہ جبریہ یہ قدرت حاضرہ نک عدمی و تشدید
 شقاوت ایتملری ایچون انماض عین و مبلغ مطلوبہ دن کاملاً
 صرف نظر اولنہ رق کماکان بازارہ کلوب الش و یرش لری نہ
 مداومت ایتنک اوزرہ متعدد مکاتب یازلمقندن بشقہ تدبیر
 بولنہ مدیغندن اولصورتلہ تعمیاً مکاتب بالترقیم ہر طرفہ ارسال
 اید یلش ایسہ دہ اہالی بوکادخی برحدعہ مجردہ معناسی و یررک
 دہا ز یادہ دائرہ اطاعتدن خروج و شاہق بغی و مقاتلہ بہ ولوج
 ایلد کلرندن جملہ سی معتبران و مشایخلہ برابر یرہ طویلانوب
 والی مشار الیک منشیه دہ مقیم حفید لری محمد و احمد بکرک
 یانہ عزیمت و ارتق امنیتارینک انسلابندن طولای یوسف پاشانک
 عزلیلہ مومی الیہمادن محمد بکک والیلکنہ قرار و یرد کلرینی
 بالیان مومی الیہ دخی موافقت ایدرک عادت عرب اوزرہ عظیم
 برضیافت

برضیافت وعقینده بومقاوله دن دونمامك شرطيله یمن ویرلمش
 و فرداسی جمعه کونی محاربه یه مباحثرت اولنه جغتہ علامت
 اوله رق او کجه صباحه قدر طابللر چالدرلمغه باشلانقدقه مشار
 الیہی آشوری خیرت استعاب ایدرک صقجه صقجه مشاوره لر
 وشاید بوفتنه مندفع اولوراملیلہ بیوک اوغلی علی بکی موقتا
 مقامنه اقعدادایتک مثللو بعض مکلمه لر اولنمش ایسه ده بوکادخی
 قرارویریلہ مدیکندن نہایت یوم مذکورده بیکباشی حسن اغا
 بالعزی قومانداسیلہ بیک نفر عساکر بونلری اور کوتک اوزره
 خارجه چیقار یلوب صالی پازاری نام محلده الی ساعت مقداری
 اولنان محاربه ده عساکر مر سوله منہز مادرون مملکتہ رجعت
 ایتشلر وخارجده کیلرک کثرت وجسارتلرینہ مبنی طرابلسده
 موجود عساکر جزئیہ ایلہ اویله کوکس کوکسه مقاتلہ یه قدر تیاب
 اولنه میہ جغتدن مجرد کله دن محافظه ایچون قلعه قیوسنه دیوار
 اوریلہ رک یالکز قارشودن قارشویہ طوپ محاربه سندن بشقه
 طرابلسک بقاسنه چاره اولدیغندن اولصورتلہ دیوار اورلدن صکرہ
 والی مشارالیه اهالی یه باروت واسلحه ومقدمکی الدیغی درتیک
 فرانقک اعطاسیلہ قلعه دن عساکرہ معاونت ایتلمری جله یه
 اعلان اولنمش وطیشاروده اولان اهالی منشیہ ده کائن الیوم جنود
 نصرتمأنوس شهر یاری حسته خانه سی یاپلان یوسف پاشانک
 باغچه سنه دخول واشیای موجودہ یی یغما ایلد کدنصکرہ باغچه
 مذکورده واقع دائرہ یی دخی حکومت قوناغی اتحاد اولنه رق
 مومی الیه محمد بک والیلاک صفیلہ اقامہ واعضال ایلہ مذکور
 منشیہ وساحل قضالرینہ مدیرلر تعیین ایتشلر

✽ یوسف پاشا نك استعفا سیله اوغلی علی بکک والبدکی ✽
 فقط یوسف پاشا کنچلکده کی قوه طالعنه اغتراراً بود فعه
 دخی شو محاربہ نك از وقت ایچنده اصـ لاحتی شبهه سز ظن
 ایدر ایکن عکسی ظهور یله کتد کجه کسب اشتداد و بالاخره
 موفقیتدن دخی امیدینی کسمش اولغله معرکه حاصره دنناشی
 هر کون حضوری معتاد اولان علما و متحیران مواجعه سننده
 اختیار لغندن بحثله اوغلی مومی الیه علی بکی پرینه والی نصب
 ایلد یکنی افاده و بلکه محاصره مضطر به دن رهسایاب اولغله
 بر چاره بولنور خلیا سیله حضار موجوده طرفندن کمال
 مسرویتله قبول اولنهرق حاکم بلده شیخ احمد التوغار افندی
 معرفتیه مومی الیه علی بکک یولنده فدا کارانه خدمت
 و صداقت ایدر جکلرینی مبین یمینلر ویرلش اشته مومی الیهک
 مأموریت جدیده سی اوزرینه قلعه دن طویلر انداخت
 اولندیخی مثلاً کیفیت خارچدن خبر اندقده دهها زیاده آتش
 فته علو کبر و مومی الیه محمد بکه تجدد بیعتله بولنر دخی بالمقابله
 طویلر اتمش لرواهالی ایالت دخی بوراسی کبی کیمی علی بککه و کیمی
 دخی محمد بکه طرفدارلق ادعا ایدرک تمامیه ایالت کند و صاحب لرینه
 دونمش و علی بکک مأموریتی حقننده یوسف پاشا طرفندن
 قپودان دریا خلیل رفعت پاشا مر حومه یازیلان مکتوب شایان
 مطالعه اولغله عینیه ترجمه سی مناسب کورلشدر

✽ یوسف پاشا نك قپوان دریا خلیل پاشایه یازدیخی مکتوب ✽
 جناب حضرة رفیع المقدار العلیته المنار مشعشه انوار الملك الهمام
 وصفدره مقدم الوزير المعظم والمشير الفخيم مدير امور الجمهور الامم
 حاز

حائز فضيلت سيف والقلم قرّة عين مملكت والوزاره وتاج السلطنته
والعماره سيف الدولت السلطانيه ولسان الصولت الخاقانيه
وصفوت الحضرة العثمانيه رافع اعلام العدل والانصاف حافظ
الجور والاعتساف صاحب العز والاجلال صاحب ادبال السعد
والاقبال حامى حما الاسلام بالديار الروميه ومشيد تحوز العدل
بالاقطار القيصريه خلد الله ظلّاه عواطفه على البريه ويمن
عوارفه على النفوس البشريه ذوالمفاخر الواضح والبشار
الايحه والى بحر وبر وولى النعمت معالى كستر پدر والاكرم
خليل رفعت پاشا ابقاه الله فى الملك الذى لا يبيط ولا يتلاشا
حضر تليزينه عبيد قديم ومملوك مستديم لرى يوسف پاشا
قوللربك مجرد استقامت دينيه ورفع شقاوت باغيه افكار
مخصوصه سيله دودست ذلت وافتقار عاجزانه سنى عتبه ثريا
كوكبه جناب ولى النعميلرينه بسط ونبازه جرثله عرض حال
ضراعت مال وكال نأسف اشتمال چا كراته سيدر كه بيانه حاجت
اولمديغى اوزره ملترزم على حضرت خلافتناهى موجبجه نفس
طراباس واياتده بولنان اها ليدن تجهيز عسا كرجه هاديه وترتيب
جنود نظاميه مقاصد خيريه سنده انف وشدت كليا بر طرف ايدرك
منصفانه وعادلانه يواش يواش اجراى فعلياته مبادرت عاجزانه
اوزرينه همان بغاة عرب وملحد انهدار غرب بريده تجمععله اوزر يميزه
قيام وعصيان ايتمشلر وبونلر بر طاقم سبكمغزان وخير وشيرى
طائمه كسان اولد قلرندن قطعاً مداخله ومقابله ايد يليب
هر وجهله روى التفات كوسترلمش ونهايت برارد وايله ايكي نفر
اولادم كوله لرى نصيحت ومراد يميزى لاجل التفهيم دائرة اطاعته

المق اوزره طرفلرينه اعزام قلمش ايسه ده اصلانم ره سي كورلديكنه
 بناء مومي اليهما مع التأسف عودت ايلديلو بونك اوزرينه اكابر
 واسافل باغيان خارجه مقيم حفيدلر مدن برينك طرابلس واليسى
 نصب اولمسنه ربط شقاوت اتفاق ومومي اليهما دخی خرص حاه
 بلاسيه ازدل وجان بونلره موافقت ايلدك لرينه مبنی بغی
 وعصيانلری بتون بتون اکتساب شدت ايلديكندن محاربه
 ومقاتله به قالمش لوقريب الزوال اولان دنيا منصبي ايچون
 معارضه ومنافشه له كيريشوب بالاخره چا كرلى يوزندن
 سفك دماغ مثلاً و بر حال من مومنهك وقوعندن ايسه كوشه انزوا
 واستراحت چكلمك ازهر جهت اوله اوله جفته مبنی فرط درایت
 واصول حكومت ومصالح دولت عليه به واقف ومرحمت
 كامله ايله متصف مخدوم على بك بنده لری كافه علما ومعتبران
 اهالی اتفاق واتحاديله واليك مذ كوره به اقصاد وتنسيب ايدلمش
 ومومي اليهك نمره فطانتی اوله رق معركه منقوله اولدقجه كسب
 اندفاعه يوزطوتمش اولغله صداقت صحیحه ايله معروف ومسلم
 اولان خاندانلغمره حرمتا مومي اليهك اجراى نصب واصالتنى
 حاوى فرمان عنایت بيان حضرت خلافتناهيك اصدارى
 خصوصنه مساعده مراجماده جناب قپودانلری نیاز
 واسترجاسنده امر وفرمان حضرت من له الامر كدر

امضـا

عبدہ یوسف پاشا قرمانلى والى محروسه طرابلس غرب سابقا
 (المترجم) تحریرات مذ كوره وقوع حالى بر بشفه رنگده
 بیان ایدر چونكه نظام جدید ترتیبی بك آشوری ملتزم عالی
 جناب

جناب پادشاهی اولدیغدن یوسف پاشا دخی اساس محاربه
 شوقشباتدن نشئت ابتد یکی حکایه و کندوسنه حق و یردیرمک
 افکارینه صاپمش ایسه ده یوقاروده تفصیل اولندیغی اوزره
 ترتیب عسکر کیفیت ایکیوز قرق برسنه سی اواخری اجرا اولمش
 و هر کون لاینقطع محاربه لرا اولمقده ایکن یوزوندن قان دو کلامک
 اجتنابی نبیوک صلاح حالدر و علی بکک نصبیدن صکره
 مقاتله مرویه مهمامکن کسب سکونت ایلدیکی فقره سنه کلنجه
 طرابلس اقوام جینییه کی محصور طور مقده اولدیغی حالده
 سکونت لقر دیسی فصل قاله الله یلور خلاصه بوقدر آچیقندن
 آچیفه کیدیشی شایان استغرابدر

(انتهی) هر نه حال ایسه علی پاشا والی اولدقدن صکره
 خارجده کیلری یوسکورتمک املیه سنه مذکور ربیع الاخرینک
 التنجی بازار کونی منشیه و ساحلک بیوت و خانه لرینه طوب انداختیه
 تحریب ایدلمسی ایچون امر و یرمش و ماه مر قومک یکر می برنجی
 کونی عساکر و ضبطیه دن مرکب براز کسان منشییه ارسال
 و درت ساعت محاربه اولنه رق قارشو طرفدن یتشیدی کشی
 فوت و یوزاون ایکی مجروح و قوعیه مظفرا عودت اولمش
 و رجب شریقک غره سی بازار کونی ساییس قیافتده بریمی
 قلعه یه کلوب لاجل التجسس والی طرفندن مأمور اولدیغندن
 کندایله کندوسنی اشاغه صار قتلرینی نفرات تحفظیه دن
 بالالتماس مر قوم خارج ایله متفق و قلعه دیواری التنده خیلی آدم
 بوکا مترقب اولدیغی اکلا شلد قده یوقارودن قورشون ایله
 برقاچی قتل و مر قوم دخی فرار ایتش بنابرین فیما بعد هر کیمک

یدنده کند کور یلورایسه مجازات اولنه جغی وخارجدن ایچرویه
 دخالت ایدنلردن نهایت الی کشیدن زیاده قبول اولنماسی
 اکیداثیه اولنمش و محارب به جه الکزوملی اولان باروتک قلیت حسبیله
 مضایقه چکلمکده ایکن بو کره حکومت قوناغنک برمحافظه لی
 یرنده اسکیدن قالمه بشیوز واریل قدر باروت بولندیغندن کیمیاه
 مالک اولمشجه سنه سولنمش و شهر مذ کورک یکر منجی جمعه کونی
 ینه خارجه عسکر چیقار یله رق اولنان مقاتله ده طرفیندن تلفات
 وفیره وقوعندن ماعد ا محمد بک طرفلیسنک درت عدد طوبلری
 جیولنمش و اثار غالبیت دخی عسکر یده کورلشدر و مقدمکی
 اشعار و انتماس اوزرینه اشوبیک ایکی بوز قرق طقوز سنه سی
 ربیع الثانیک ابتداسی سبت کونی مومی الیه علی پاشانک والیلکنی
 حاوی برقطعه فرمان عالیشان شرف توارد ایدرک جله حضورنده
 قرائت و کافه قلاعدن طوبلر انداختیله اجرای مسرت اولنمش
 انجق والی سابق یوسف پاشا وزیری مسبوق الذکر حاجی محمد
 شالابی بیت المال مقدا مشارالیه جانبندن بنغازی ویرکوسنک
 تحصیلنه مأمورا کیدوب اورایه مواصلتندن چوق کچمیه رک
 محاربه داخلیه نک ظهوری و مؤخر افندیسنک استعفا سیله علی
 پاشانک والیلکنی بالاستخبار مومی الیه الیه بینلری بوز قجه اولوب
 طرابلسه کلیه بردرلو جسارت ایده مدیکندن ضروری مالطه
 جزیره سنه عزیمت ایتمشیدی حالبوکه علی پاشانک علیهنه دشمنلره
 دائمًا طوب و باروت ارسالیله معاونت اوزره اولدیغی حالده
 بو کره اوچ قطعه مالطه سفینه سنه کله و باروت وهوان و سائر
 اشیای ناریه التحمیل و کندوسی دخی برابر اوله رق سنه مذ کور
 رجبیک

رجبك يكرمي او چنجي كوني منشيدهك اوست طرفته يناشمش
وسفاين مذ كورهك ضبطي ايچون ايكي قطعه طرابلس كيبي
ارسال قلمش ايسد د بونلر وارمز دن مقدم كيلىر حوله سنى
چيقار دقدن ماعدا قبائل اها ليسندن او چيوز مقداري آدم
ساحل بحرده بر طوب ايله مالطه كيلىرينى محافظه وقره دن آتيلان
طوب طرابلس كييسنك بردانه سنى سقطلامش وديكرى دخى
مذ كور مالطه سفينه سندن بوش اوله رق بر قضعه سنى بالاخذ
عودت ايلمش وارتنق شوامداد واعانه اوزرينه قبائل كركى كبي
قوتلند يكندن درون مملكته هر كون يكرمى او توزكله ياغدر مشلر
واشبو ييك ايكيوزاللى سنه سى محرم الحرامنك يكرمى ياغدير مشلر
سكرنجي كوني خبلى عسكر طيشارويه چيقار يلوب بر يوك محاربه
ابديلمش ومومى اليه على پاشانك ابقاى مأموريتى فرمان عاليه سيله
طرف مستوجب الشرف حضرت شهر يار يدين احسان بيوريلان
برقبضه سنى حاملار كاب قرتاب ملوكانه قيوچى باشلرندن محمد
شاكر افندى سنه مذ كور جمادى الاولك اون او چنجي كوني
طرابلس ليانته بالمواصله طرفيندن او توزاوج عدد سلام
طوبلرى اتيلوب مومى اليه طيشارويه چيقارلمش وبونى متعاقب
مومى اليهك تبريك مأموريتى حاوى فرانسه دولت فخيمه سندن
برقطعه تحريات بالورود قونسلسلرى واسطه سيله تقديم
اولمش فقط على پاشانك تدبيريله مومى اليه محمد شاكر افندى
صنداله راكباصالى بازارينه عزيمت ومعتبران قبائلى يانته جلب
ومتاسز بر محاربه ظهوريله هر كس ايشنى ترك ايدرك مدت
مدیده بوغاز بوغازه اوغراشلسى بروجهله تجويز اولنه ميه جفندن

ترجان واسطه سیه آشوری درجه اصلاح ذات البینہ جبالمش
 ایسہ دہ اصلا تاثیراتی کوریلہ مامش واهالی سلطنت سنیہ
 حقندہ صحیح جان ویرہ جکری امر آشکاری اولوب انجق
 فرمانلی سلالہ سنی قطعاً قبول اتمیہ جکری نی بالبیان حتی بوبابہ
 مومی الیہ شا کرافندی یہ کزلیجہ برقطعه محضر عمومی ویریلوب
 مومی الیہ طرابلسہ عودت ایلش وایکیوز قرق سکر سنہ سی کال
 اغبرار ایلہ عزیمتی بیان اولنان انکلترہ دولت فخریہ سنک طرابلس
 قونسلموسی موسیو وارینقپون ایکی قطعہ انکلترہ سفین
 حربیہ سیلہ سنہ مرقوم شعبانک اون برنجی کونی طرابلسہ
 کلوب ایکی کون صکر دبالا ستیدان مومی الیہ شا کرافندی حاضر
 اولدیغی حالده قونسلموس مومی الیہ ومعیتی ضابطانی علی
 پاشانک حضورینہ دخول و اعتماد نامہ سیلہ برابر مومی الیہ
 تبریک مأموریتنی شامل دولتی جانبدن الدیغی محرراتی تقدیم
 واشبو مکتوبلرایچون طقوز طوپ اتلسنی استدعا ایلدیکنہ
 بناء در حال انداخت اولوب وایکی سنہ دنبرو وحسب الایجاب
 وقوعبولان افتراقندہ بیان تأسیفله برنطق رسمی ایراد
 ایلد کد نصکرہ اورادن طیشارو چقدیغی اندہ ذاتنہ رعایتایدی
 طوپ دہا اتمش وقونسلموسخانہ بہ مواصلتہ کشیدہ ایلدیکی
 باندہ مخصوصہ سی ایچون اوتوز اوچ طوپ ایلوب بونک عینی
 اوله رق انکلترہ کیلرندن دخی ابتدا طقوز و صکریدی ومؤخرا
 اوتوز اوچ طوپ بالمقابلہ انداخت اولمش ومومی الیہ شا کر
 افندی ماه حالک سلمی کونی در سعادتہ متعازم اولمشدر وسنہ
 مرقوم ذی الحجۃ الشریفنک بشنجی کونی از میرطریفیلہ برقطعه
 فرانسه

فرانسه و متعاقبا بر قطعه انكلیز كیسی طرابلسه كلوب لاجل
 التأديب سلطنت سنیه جانب عالیستندن بر بیوك دونمناك قریبا
 كله جكنی بالیسان بویله اوزون اوزادییه محاربیه دن تضيع
 استقلال کیفیتندن بشقه ثمره حاصل اوله میه جغندن ایالتی
 ایکیه تقسیمیه نصفند مومی الیه علی پاشا و نصف دیگرنده
 دخی محمد بك مأموریتیه اصلاح حاله قوماندانلری طرفندن
 خیلی امك و یرمش ایسه لرده ایکی طرف دخی بونی قطعه یا قبول
 ایتماش و بوارالق مومی الیه محمد شاکر اقدی علی پاشاك
 ابقای مأموریتی بیاننده دیگر بر قطعه فرمان عالی نی حامله
 ایکنجی دفعه اوله رق طرابلسه عودت و دولت علیه جانب
 سنی الجواتبندن امداد و اعانه ایچون براز دونمنا ایله خیلی عسکر
 ورودنی تبشیر ایلش و بویله ایکی سنه اون برایدن متجاوز متعادیا
 مملکت قبد محاصره ده قالد یغندن اهالی حقیقتنده جانندن
 بزمش اولد قلری حالده مومی الیهك تبشیرات واقعه سی اوزرینه
 هر کس دونمنا ی هابوننك ورودینه دو چشم مسرتله منتظر
 اولمشلر در

✽ فرمانلی سلاستندن طرابلس غربك کیفیت استحصالی ✽
 بیک ایکیوز الی بر سنه سی محرم الحرامك التنجی کونی کوچك
 و بیوك یکر می ایکی قطعه دونمنا ی همایون ایله فریقان کرامدن
 مصطفی نجیت پاشا طرابلسه کلوب طرفیندن سلام طویلری
 انداخت اولنه رق متعاقبا والی مومی الیه علی پاشا بعض معتبران
 ایله مشار الیهك را کب اولد یغی سفینه یه رسم خوش آمدی
 اجراسی ایچون عزیمت لری اتناسنده کیلر دن طوبلر اتمش

ومشاراليه مصطفى نجيب پاشا شوکلیشی مجرد اصلاح ذات البین
 مأموریت بهیه سندن عبارت بولندیغی بیانیله جمله مواجبه سنده
 برنطق رسمی ایراد ایتمشدر و شهر مذ کورک یکر می سکرنجی
 کونی کیلردن التیبیک نفر عسا کر نظامیه ایله طوب و مهمات
 حربیه طیشار چیقار یلوب خانلره یرلشدیرنش وایکی کون صکره
 عسا کر مذ کوره قلعه لره تقسیم اولنوب ارتق اهلایه حاجت
 قالد یغندن بوندن بویله عسا کر دن ماعدا کیمسه سلاح ایله
 کزیمک و کافه قلا عک امر محافظه سی عسکری یدنده بولمق
 حصوصی مشارالیه مصطفى نجیب پاشا طرفندن ارسال اولنان
 خبر اوزرینه مومی الیه علی پاشا کیفیتی جمله یه اعلان و ایجابی
 اجرا ایتمش و نجیب پاشا اصلاقریه چقیوب همان سفینه دن
 قومانده ایتمکده و مقدمکی افاده سنه کوره مأموریتی اصلاح
 احوال قضیه سی ایسه ده بوکادخی برتشباتی کورلمد یکسندن
 طیشار و چیقار یلوبده مأموریتی هر نه یولده ایسه اجرا ایتسنی
 والی مومی الیه بعض مقر بلریله استشاره ایدوب مذ کور شهر
 محرمک یکر می طقوزنجی پنجشنبه کونی عسا کر موجوده دن
 آلائی ترتیبیه افر باوداره سی متحیراتندن اوتوزایکی کشی
 معینه آلوب لاجل الدعوت بالنفس کمی به عزیمت ایلد کده
 اوراده جمله سی توقیف و بالکر مشارالیه نجیب پاشا طوبلر آتهرق
 طیشارویه چقیوب طوغرو مأمور مومی الیه محمد شا کر افندیك
 اقامت ایتدیکی بیت البشاورات نام خانه یه مواصلتنی متعاقب
 حاکم افندی ومفتی و علما و معتبرانی یانبه جلب و طرف اشرف
 سلطنت سنیه دن طرابلس غرب وایلکی عهده سنه احاله اولندیغی

بالبیان

بالبیان خیلی وقتدنبرو مسدود اولان قلعه قپورینک در حال فتح
و کشادیلہ دخول و خروج ایدنلره قطعاً مداخله اولنماق اوزره
امر ویرمش و اورادن آلائی ایلہ حکومت قوناغنه بالعزیمه مأموریت
فرمان عالیسنی قرائت ایتدرمش ومنشیہ ده بولسان اردو
یواش یواش طاغیلوب اہالی داخل و خارجا بر بر لیلہ کورشمیہ
باشلامش و خارج اردوسنت والی اتخاذا ایتدکری محمدک
عمیسی علی پاشاک کیمده توقیفدن طولانی نوبت کندوسنہ
کله جکی اخترازیلہ کندوسنی طبابعہ ایلہ ضرب و اہلاک و برادری
احمدک دخی مالطہ جانبہ فرار ایلش و بویلہ بردن برہ قلعه
قپورینی آچوب تأمیناتہ قالمق کار عاقل اولیوب حالو کہ الیوم
خارجده کی قبائل اطاعت ایتدکلرندن ہر وجہلہ احتیاط کارانہ
حرکت اولنسی بعض اصدا قاطر فندن اولنان اخطارات اوزرینہ
قرہ طرفنک قپورینہ عسکرو طوبلر وضعیلہ اصول تحفظیہ اجرا
ایدلش و سلطنت سنہ مسکوکاتی اہالی بیلدکلرندن الش و یرش
کیفیتی آشوری مشکلاتہ دوچار اولش اولغلہ فیئات موضوعہ سیلہ
ایادی ناسدہ تداولی حقندہ ہر کسہ معلومات و یرلش و مواد جسمیہ
کافی السابق والی حضورینہ توقیف اولنوب انجق اوفق تفک
مرافعلرہ باقلمق اوزرہ اشبو صفر الخیرک بشنجی چہار شنبہ کونی
ظرابلس ومنشیہ و ساحل معتبران مشایخندن بشرکشی انتخاب
وحاکم بلدہ شیخ احمد التوغار افندی و شیخ بلدن مرکب بر مجلس
تعیینیلہ مذکور بیت البشاوات محکمہ اتخاذا قلمش و اولد قجہ
امنیت حاصل اولدیغنه مبنی دوتنمای ہمایوندن اکثری والی سابق
علی پاشا و معیشدہ کی کساننی برابرالوب استانبولہ عزیمت ایتملر

ومشاراليه نجيب پاشا بتون اياتي دخی قولایلق ايله در دست ایتک
افکاريله هر طرفه محررات یازمش ایسه ده برثمره سی کوريله مبوب
فقط قبائل معظمه دن مسبوق الذکر محمودی و بنی نویر دنیلن
قبيله مشهوره نکرؤسای مشایخنندن شیخ غومه ايله سار شیخلری
کلوب ابراز تبعیت ایلد کلرندن جمله سنه صرمه لی بورنوزلرا کسا
واصول قدیم وجهله مومی الیه شیخ غومه نکر و رودندن ناشی
درت پاره طوب ایتمش و شیخ مومی الیه حقنده بویله التفاتک
ظهورندن طولای کافه قبائل برر بر رضالریله کله جکلری
امر باهر ایکن برقاج کون مرورنده مشارالیه نجیب پاشا شیخ
مومی الیه حبس و طوب اصولنی کلیا رفع ایتمش و بو کیفیت
هر کسجه صغوقلغی موجب اوله جغتدن تخلیه سبیلی اکثر متحیران
جانبندن رجا اولمش ایسه ده تأثیراتی کوريله مامش و منشیه
وساحل و طرابلس اهالیسنی برلشدیرمک واستحصال امن و محبت
مرامیله اوچ درتیوز قدر علما و مشایخ و معتبران و وجوه دن
مرکب طور غود پاشا جامع شریفنده غایت بیوک بر مجلس تشکیل
و طرفندن هزینه داری بکر بکی بالارسال محاربه مندفعه ده
طرفیندن وفات ایدنلرک دیت و قصاصلری من بعد قاله النماق
وجانبین عقاردن ماعدابر برلرندن اغتنام ایلد کلری کافه اموال
و حیوانات هر کیمک یدینه اصابت ایتمش ایسه یند اونده قالمق
واعشار و رسومات و هر درلومطلوبات میریه یوسف پاشا زماننده
نصورتله تعامل ایتمش ایسه اولوجهله ابقا ایدمک شرطلریله برسند
تنظیم و حضار موجوده جانبندن تمهیر اولنوب مشارالیه اعطا
قلمش و شروط مذکورل بویله سهولتله بنجسی بوراده دفین خاک
عطرناک

عطرناك اولان طور غود پاشا مرحومك ثمره كرامتي اعتقاديله
 ختام مجلسده عمومافاتحه قرائت اولمش بناء عليه مخالف شروط
 اهاليدن بري آغز بني آچمش اولسه ديكرى اكادعواجى اولوب
 بوايشه فاتحه اوقونمش درديه ركاسكات ايلد كشدن اشته شوفاتحه
 معارضه سي خيلي وقتلر سورمش و طرابلس قضاسى دوريه
 مولويتى اتخا ذقنه رق بيك ايكيوزاللى برسند سي ره رمضان شريف
 غره سندن ضبط ايتك اوزره صماقونى احمد نظيف افندى يه
 بالا حاله سنه مذكور ذى الحجه سنك يدنجى جمعه كوني طرابلسه
 مواصلايتمش اشته سلطنت منيه جانب شرف جالب عاليه سندن
 مولويت ايله كلان ابتدا مومى اليه در حتى يكي تشكيل اولمش
 برما موريت اولديغندن ايلته بولسان نواب ومفتي لك امور
 شرعيه يه دائر حر كاته نظارت وعنده الايجاب عزل وابقالرينه
 مبادرت ايلسى ايچون ماموريت فرمان عاليه سنده فوق العاده
 ماذونيت كوسترلمش انجق افندى مومى اليه افرانته فائق علامه
 ذوفنون برذات كمالات سمات اولديغندن رمضان مغفرت
 فيضانده تفسير حديث اربعين ايله تنوير فؤاد مستمعين وناموس
 شريعت غرايي پك كوزل محفظه ايتمشدر و بوارلق اقچه نك
 ندرتى بهانه سيله يوسف پاشادان قالمه طرابلس ضرب بخانه سنده
 مشاراليه نجيب پاشا برقاج جنس اقچه كسدر مشدر
 * محمد رائف پاشانك طرابلس محافظ لى *

مذكور بيك ايكيوزاللى برسند سي جاذي الاولك اون دردنجى
 صالى كوني طرابلس قلاعى محافظ لى عنوانيله ينه فريقان
 كرامدن محمد رائف پاشا طرابلسه پاتهاده مواصلايت اولمشدر

للمترجم مشاراليه نجيب پاشا ك بويله آز بر مدت ايچنده عزلي
 حقنده خود بخود سكه قطعنه جسارتى ايله مقدمه مأهور يتنده
 هر نقدرو اليكنى اعلان ايتمش ايسه ده كافه محرراته متصرف
 امضاسى وضع ايدرايمش واليك مذ كور عهده سنده احاله سى
 رجاسنده هنوز تحت ضابطه و امنيتنه التديق اهالى به بر قطعه
 محضر يابديروب در سعاده ارسال ايتمش كى دهابو كامائل
 چوق روايتلر وارد در (انتهى) خلاصه مشاراليه محمد رائف
 پاشا ك موصلتى ايله برابر در حال ضربخانه بى كليا قالدر دىغى
 مثلو محبوس بولنان مومى ايله شيخ غومه ك تخليه سبيلنى اجرا
 ايتمش واليوم تاجوره ده بولنان يوسف پاشا حفيدى متوفى محمد
 بك والده و همشيرلر ينك اوراده اقامتلى مشاراليه ك ذهنه
 الويرمديكندن طر ابلسه كلوب او طور ملرى ايچون خبر ارسال
 ايتمش ايسه ده قبول ايتيوب تاجوره ليلر دى بولنلى ويرميه
 ينلرنده قرار وعصيان صورنى كوسترملرى اوزرينه راز عساكر
 نظاميه ايله منشييه و ساحل دن بعض اهالى مبرالاي درسون بك
 قومانده سيله سنه مذ كور شوالينك دردنجى كونى تاجوره به
 بالمواصله بركون زياده جه محازبه و خيلى تلفيات وقوعيله همان
 جله اموال يغما و اهالى مجبور اطاعته ايتمش و فامليباى مومى اليهم
 اقد مجه مصرطه يه ساوشد قلرينه بناء بولنه ميوب اوردوى
 مذ كور عودت ايتمش و مشاراليه رائف پاشا حديد مشرب
 بر ذات اولوب بونكله برابر تاجوره ليلر يك زياده جاني صقلد يغندن
 بولنره اسير معامله سنه قانقشمش ايسه ده بعض طرف دن اولنان
 اخطارات اوزرينه صرف نظر ايتمش در

✽ طاهر پاشا مر حومك طرابلس سرعسكري لکی ✽

اشبويك ايكوز اللى ايكى سنه سى ربيع الاولك يدنجى چهارشنبه
كونى زخاير ومهمات سائرہ يى حامللا اون ايكى قطعہ دونماى
همايون ايله قيودان دريا مشهور طاهر پاشا عہدہ سنہ طوپخانہ
عاصرہ مشير لکی انضمامیہ طرابلس سرعسكري نصب اولنہ رق
معیتندہ کی خیلی عسا کر نظامیہ ایلہ طرابلسہ بالمواصلہ همان
صالی بازارینہ چادر لرکز یلہ اورادہ ارام ساز اولمشلر واهالی
عموماً احرام کید کلزینہ مبنی متخیران ایلہ سائرہ فرق اولند یغندن
اکثر معتبرانی فقر او جمال ظنیہ عسکر اشیاء تحمیل ایتک مثلاً
بعض حقارتلر وقوعندن ناشی الفت ومعلومات حاصل اولنجیہ
قدر براز وقت معتبرانک احرام تلبس ایتلری بو کرہ قویا ممنوع ایدلمش
وجعہ کونلری صلا ویرمک طرابلسجہ عادت اولند یغندن
ممالک محروسہ المسالک سائرہ مثلاً قبل الاذان صلا اوصول
محاسن شمولنی اجرا ایتشدرد و مشارالیه اون اوچ کون بورادہ
اقامت ایتناسندہ ایلندہ بولنان كافة قبائل مشایخنہ کلوب اطاعت
ایتلری و یا خود محاربه یہ حاضر بولملری سیاقندہ مکتوبلر
یازمش ایسہ دہ مقدمامومی الیہ شیخ غومہ ایاغیلہ کلوبدہ حبس
اولند یغندن و خصوصیہ بویلہ آتش فشان شدید المضمون
محرزاتہ قارشوبر کیمسہ جسارت ایدوب کلمہ مامشدر واون
دردنجی کونی بالجملہ عسا کر ایلہ ایکیدیک نفر منشیہ وساحل وشفانہ
اهالیلرندن دخی الوب بحر امصر اطہنک بوشعایفہ نام لیمانہ
مواصلت اولند یغنی متعاقب تونس والیسندن دخی ایکى طاہور
عسا کر ایلہ برازا مداد کلش و پکرمی سکز کون ایدلن محاربه لردہ

طرفیندن خیلی تلفات وقوعیله نهایت قضاء مذکور رئیس عثمان
 اغا دغم فرار ایلدیکنه بناء اهالی تحت اطاعتیه النوب مجددأ
 مأمور نصیبیله قره دن عودت و یولده اوغرا نیلان قضایار بلا
 محاربه اطاعت ایدرک طرابلسه کلتمش و اون بش یگرمی کون
 میورنده محافظه مشارالیه رائف پاشا و لوا حسین و عثمان پاشا
 ایله مومی ایله میرالای درسون بک و ارنبو طعس کری
 سر کرده سی عباس اغا ترخونه قضاسنه ارسال و بوراده کی قبائل
 ایکی قسمه منقسم اولوب بری در حال اطاعت ایتمش ایسه ده
 دیگری بر کون قدر محاربه و بالاخره غیریان ناحیه سنه طوغرو
 چکمشلر و یونلرک ایچنده سابقا مصر اطاه دن فرار ایدن عثمان
 اغا دغم دخی برلکده بولندیغی اکلشلیغندن بعض اغفالات
 ایله مومی ایله و اوغلو مصطفی اغا و سائر اوچ نفر شیخ لرجلب
 اولنوب طرابلسه بالارسال اوردوی مذکور دخی عودت و مومی
 الیهما عثمان و مصطفی اغا و شیوخ مر قومون همان حبسه
 قونلشدر اتحق شو و قوعات ارسنده مصر لی لوا حسین پاشا
 ایله میرالای دورسون بک مشارالیه طاهر پاشا علیهنه عقد
 رشته اتفاق و عربجه یه معارفه لری ملا بسه سیله بعض قبائلی
 طرفنه جلب ایتک کبی حرکات نامر ضیه یه جسارت لری بو کره
 مشارالیه کانه کچن بر قطعه مکتو بلرندن مستبان اولمش و مومی
 الیه حسین پاشا سرشته و یردیکنی اکلار اکلامن خبر سزجه
 برکی به را کبا استانبوله فرار و یقه سنی قورنارمش ایسه ده مومی ایله
 دورسون بک اغر طور اندیغندن قید بند ایله درسعادته دفع ایدلشدر
 و بیک ایکیوزاللی ایکی سنه سی ذی القعدة ک اوچنجی کونی مشارالیه

معیتہ لو اعثمان پاشا ایلہ نظام و عرب عسکرندن بیوک بر آوردو
الوب غیریان قضاسی جانبہ عزیمت و قضاء مذکور اہالیہرینک
انتساب و التماس لری اوزرینہ مومی الیہ شیخ غومہ لاجل الاعانہ
مشار الیہدن مقدم غیریانہ کلوب ملاقات طرفین ایلہ اورادہ
وقوعبولان بکرمی سکر دفعہ محاربہ دہ مشار الیہ آشوری
مغلوبیت کوستروب برطوب ایلہ خیلی مهمات ویرمشد
✽ طاهر پاشانک طرابلس والیلکی و قریبا انفصالی ✽

اشته شو محاربہ ارہ سندہ خدمات سابقہ سندہ مکافات بتون بتون
ایالت قبضہ تصرفندہ بولنق اوزرہ مشار الیہ طاهر پاشا عہدہ سندہ
طرابلس والیلکی احالہ بیورلش فقط شو محاربہ دہ برحق
زیاندن بشقہ برثمرہ کورلمدیکندن بعض تدایر لازمہ نک اجراسی
ایچون براز متار کہیہ مجبوریت کلمشد

✽ چشمہ لی حسن پاشانک طرابلس والیلکی ✽

وبومتار کہ اثناسندہ یعنی بیک ایکوزاللی اوچ سندہ سی محرم الحرامی
اواخرندہ فریق چشمہ لی حسن پاشا طرابلس والیلکی ایلہ کلش
اولدیغی مشار الیہ طاهر پاشا طرفندن استخبار قلندقدہ محاربہ یی
بوزاوستونہ ترک ایلہ عودت لایق سزا اولدیغنه بناء مومی الیہ شیخ
غومہ جانبندن النان مهمات تماما اعادہ اولنق وغیریان قضاسندہ
طرفدارانندن کولہ حسن اغامدیر تعین ایدلک مثلاً و بموق ایلیکیلہ
بر مصالحہ جک تنظیم ایدوب طرابلسہ عودت و مقدما محبوس
اولنان مومی الیہم عثمان اغا و مخدومی و اوچ نفر مشایخی برابر آلوب
درعلیہ یہ عزیمت ایتشد کلمہ لم مشار الیہ حسن پاشایہ بوذات
کویا غایت منتظم بریالته والی اولمشجہ سندہ بتون بتون استراحت

ذاتیه سنه حصر افکار و هیچ بر مصلحه باقیوب یا لکن مکتبه ایله
اکتفا ایلد یکندن خارجده بولنان قبائل دنیایی حالی کورد کلرینه
بناء پک زیاده یوز بولملار و اوچ درت سنه دنیرو بوقدر مصارف
وجانلراتلافیه مهمما مکن دائرة اطاعته النان قضالر برر برراطوار
سابقه لرینه منسلک اوله رقیینه طرابلس والیلکی منشیه و ساحل
وتاجوره یه منحصر اولمش و آشوری امکلر صرفیه حصوله کلان
امنیت جزیه کلیا جغرندن چیقمش و بعض اصدا قانک افاده
واصرار لر یله بر قاج دفعه اردولر ترتیب اولمش و هر کس مشارالیه
او یقودن او یاندی ظن ایتمش ایسه لرده اردولر صالی پازاری
موقعنده چند کون ارآمد نصره عودت و بو کیفیت دفعاتیه
وقوعنندن طولای سخته بر مناوره دن عبارت اولدیغی
اکلا شلد یغندن ارتق بونک دخی ثمره سی قالمامش و بویله دشمن
اغرنده بولنان عسکره التفات لازم ایکن بالعکس مشارالیه اون آی
معاش ویرمد یکنندن طرابلس اسکی یکچر بلك وقتندن فرقسز
قالمش و مدت مدیده اقامتی ملحوظیه تأسفلر اولندیغی حالده بو کره
وقوع عزلیله باعث مسروریت عمومی اولمشدر

✽ عشق علی پاشانک طرابلس والیلکی ✽

مشیران عظامدن دولتو عشق علی پاشا حضرتلری بویکره
طرابلس والیسی تعیین بیور یله رقی اشبویک ایکیوزاللی درت
سنه سی اواسط جهادی الاخره ده معیتلرنده سواری لواسی حلیم
پاشا و مقدا مر بوطا در سعادت عزیمتی بیان اولنان میرالای
دورسون بک عهده سنه پیاده لوالغیله طرابلسه کلشلر و مشارالیه
مواصلتده همن خراب بولنان جوامع شریفه لر ایله قلاعک

کاملا

کاملاتعمیر و ترمیمه مباشرت ایتمش و بنغازی قائم مقاملغیه مومی الیه
خلیم پاشا بکام اوله رق مرکز مأموریتنه عزیمت ایلشدیر والی
مشارالیه سلفنک ضدی درجه سز احتیاط کارانه حرکتدن
ناشی ایکی کشینک مکالمه اسراریه سندن اشتباهه وارر ایکن
بودفعه معتبراندن بعضاری بر بآنچه ده ضیافت وایلمکده
بولندقلری خالد، ابو عبدالله دیمکله شهر حاجی محمد اغا مجرد
انتساب مر امیله محل ضیافتی داراندویه تحویل و مشارالیهک
علیهنه بر چوق لقر دیلر اولدیغنی خلاف واقع بالبیان ضیافت
مذ کورده بولسان سابق الذکر حاجی محمد شالابی بیت المال
و محمد اغا ترکی و مالکی مقتیسی عبدالسلام افندی در حال جلب
اولنوب اوچی بردن در سعادت و اورادن دخی محال سازه نفی
اولمش و سرت شیخی اولوب والی اسبق یوسف پاشا زماندنبرو
فران قضاالینه ایصال دست تعدی ایتمکده بولنان شیخ عبدالجلیل
بیک ایکیوزاللی بش سنه سی ظلتین و طاور غه و ساحل حید
وحس و مسلاته قضاالینی یاقوب یقهرق طرابلسه طوغرو
کلمکده اولدیغنی بالاستخبار عساکر شاهانه قول اغالرندن جائزور
قضاسی مدیری احمد اغا و یکباشی حسن اغا بالعزی و منشیه
مدیری محمد اغا و قول افاسی عبدالرحمن اغا سواری عساکر
نظامیه سیله منشیه و ساحلدن خیلی عرب اتلوسی بالترتیب شیخ
مر قومک اوزرینه ارسال و مسلاته قضاسنده طرفین بر برینی
قارشولوب سکر ساعتدن زیاده اولنان مقاتله شدیدده باغی
مر قوم کافه مهمات و فاملیاسنی ترکایله فران جانبنه فراره مجبور
اولمش و اردوی مذکور اورادن حس و ساحل و ظلتین و طاور غه

واورفله قضا رینی دخی بلا محاربه تحت اطاعتہ الدیغنه بنیاء
 مشارالیه عشق پاشا حاضر تیرینک انہا والتماسیلہ مومی الیہ قول
 اغاسی احمد اغایہ لوالق وحسن اغایہ الای امنلکی ومحمد وعبد الرحمن
 اغارہ یکبہ شلق رتبہ لری الیہ مکافات اولندیغنی مثلاً ووالی مشارالیه
 دخی یک ایکیوزاللی الی سندہ سی ربع الاخرہ نک طقوزنجی کونی
 مرصع برقطعه نشان دیشان وبرقبضہ سیف ومشارالیه
 دورسون پاشایہ دخی فریقلاق رتبہ رفیعہ سی احالہ بیورلشدر
 بوارالق بنی نویرشیخی مومی الیہ شیخ غومہ بعض تحریکات الیہ
 طرابلسہ اون ایکی ساعت مسافہ سی اولان وادی ہرہ نام
 محلہ کلدیکی خبرالندقدہ قائم مقام بکر یک الیہ براز پیادہ عسکری
 ارسال وبش الی ساعت وقوعہ بولان محاربه دہ میر مومی الیہ
 منہرما طرابلسہ عودت ایتیش ومتعاقبا مومی الیہ شیخ غومہ
 زاویہ وعجیلت وزیوارہ قضا رینی دخی ضبط ایدوب بعض
 واسطہ لرایلہ اہالی تحریک وغومہ نک دفع وازالہ سی اسبابہ
 تثبت اولندقدہ فی الواقع تشویقات محررہ مکرہ سیلہ اہالی قیام
 وغومہ الیہ پنچہ پنچید محاربه ایتیش لرایسہ لردہ اوتہ طرفک کترتی
 ملا بسہ سیلہ اطانہ طلبندہ ولتمش لرووالی مشارالیه جانبندن ورود
 ایدن امر اوزرینہ مومی الیہ لوا احمد پاشا یانندہ کی مکمل اوردو
 الیہ صباحہ قریب زاویہ قضاسنہ مواصلت لری اوزرینہ شیخ
 غومہ جبل جانبدہ چکمش وزاویہ دہ غومہ یہ طرافدارلق ایدن
 یک چوق اہالینک قتل واعدام لریلہ اموال لری اغتنام ایدیلش
 واوچ دزت کون صکرہ مومی الیہ احمد پاشا ترخونہ قضاسنہ
 عزیمت واورادہ دخی چند ساعت محاربه وبرچوق عاصیلر تلف
 ومالری

ومالری یغما واندرق جمله طرابلسه عودت اولمشدر فقط طرابلسه
 جوار اولان رو قاعت قبائلی شوارالق فکر یقه اطاعت ایتمشدر
 ایسه ده بونلر جزئی برشی اولد قلرندن یالکز برایاق پاتردیسی ایله
 جمله سی فرار ایله کلرندن کافه اءلاک و حیوانلری ضبط اولمش
 و بنغازی سنجاغنده کاشن جبل احضرده بعض مخالفت اماره لری
 مشاهده ایدلد یکنه بناء قائم مقام حلیم پاشانک عزلیله لاجل
 التأدیب یرینه مشارالیه دورسون پاشا نصب اولنه رقا عزام
 قلمش انجق و الی اسبق طاهر پاشا وقتد نبرو غیر یان قضاسی
 منم دیکر نیست دعوا سنده اولد قلرندن مومی الیه احمد پاشا
 قومانداسیله غایت جسم برارد و ترتیب اولنوب اشوبیک اکیوز
 الی یدی سنده سی اولجانبه چقارمش و مومی الیه شیخ غومه
 بود دفعه دخی غیر بانلیله معاونت و درت بش دفعه اولسان
 یک شدد محاربه لرده طرفیندن آشوری تلفات ویرمش ایسه ده
 اوردوی منصوره غیر یان قضاسنی ضبط و تسخیر و مومی الیه
 شیخ غومه بی فراره مجبور ایتدرمش و بوراسی کاه لا یغما
 اولند قدن بشقه یتمش نفر معتبر شیوخ جهرا طوبیلوب مومی الیه
 احمد پاشا جانبدن طرابلسه بالارسال جمله سی سائره عبرت اعدام
 اولمش و قضایه یکیدن مدیر نصب و معیننه براز عسکر
 برا قلوب عودت ایدیلشددر فقط مقدمات فرزان جائینه فرار ایدن
 سرت شیخی عبد الجلیل نام شقی اول طرفه مواصلتده سوقنا
 وهون و و دان قضالرینی دخی لوای مفسدت بلای
 مستهجنه سی التمه المغه قلعشمش ایسته ده بونلر موافقت
 و اطاعت ایتد کلرینه مبنی ظهور ایدن منازعه ده چوقدن چوغه

تلفات وقوعبولش وهله ودان قضا سندن حیا دردست
 ابتدکی اوتوزنفر اغاظم مشایخی قیون بوغازلرجه سنه برآنده
 کسمش وفقرا نك خارچده کی حیوانلرینی یغما و مزروعاتلرینی
 اتلاف ایلد کدن ماعدا سبجل محکمه ده محفوظ اولان مذکور
 اوچ قضائک مضابطندن استفاده اولندیغنه کوره خائن مرقوم
 بیک بشیوز کیسه لکدن متجاوز حرما وزیتون اشجارینی قطع
 و تخریب ایلد کدن بیچارلر بوکره فریاد نامه لر ایله هر کسی ایشار
 سرشک کدوریت ایتشلردر انجق نجاره که اوزاقلغی ایله برابر
 امداد ایدیله جک اسبابک ندرتی ملا بسده سیله یالکر تأسفله اکتفا
 اولمشدر و شیخ مرقوم اورادن سرت طرفته عودت واجل
 معلقه سنی جستجو یه مسارعت ایلدیکی جوار بولنان مصر اطه
 قضاسی مدیری حسن بک بالعیزی جانبندن والی مشاعر الیه
 اشعار اولند قدده عساکر موجوده ایله مصر اطه و سنا ره و قبائل
 مطیعه دن درجه کفایه ده معینه عسکر آلوب بر قدم اقدام
 مرقومک ازاله سی اسبابنه صرف ما حصل قدرت ایتسی
 بانحریرات طرفته امر ویرلد یکنه بناء میر مومنی الیه خیلی عسکر
 ایله جبال سرته کائن قاره نام محله اش بویک ایکیوز الی سکر
 سنه سی ربیع الاولک یکر می برنجی کونی مواصلت و طرفین
 بربرینه ملاقات ایله اوتوز کون مقداری اراق اراق محاربه لر
 اولش ونهایت باغی مرقوم دائرة محاصره یه التهرق اطرافنده کی
 قبولدخی ضبط ایدیش ویدی کون شدتلی محاصره لر وقوعیله
 سکرنجی کونی مرقوم عبدالجلیل ایله برادری سیف النصر
 حیا طوبلوب مؤخرأ اعدام اولنه رق سرمقطوعلری ایله
 بو محاربه ده

بو محارب به ده در دست اولنان تر حونه شیخی حاجی احمد مریضت
 ومصطفی ادغم و شیخ مقتولک کاتبی محمد دافندی ابو عایشه
 تحت الحفظ طرابلسه ارسال وجهه سی حبس ایدیش ومومی الیه
 حسن بکک شوفدا کاراغنه مکافاتا عهد سنده میرالایلق رتبه سی
 توجیه بیورلش و مرقومک سرمقطوعی برتبی اوزرینه
 وضعیله مملکتک زقاقلرند کذدیریلوب بر کیمجه عموماً ایقاد
 قنادیل و طوپلر انداختیله اجرای مسرت ایدیلدیکی و کاتب
 مومی الیه محمد افندی نک عدم جنحه سنده بناء قورتلش ایسه ده
 مرقومان حاجی احمد مریضت ومصطفی ادغم منشیه قیوسی
 خارجنده قتل ایله سائر عبرت کوسترلشدر

✽ محمد امین پاشانک طرابلس والیک

مشارالیه عشق علی پاشانک وقوع انفصاله مبنی وکلای عظامدن
 دولتلو محمد امین پاشا حاضر تری یو کره طرابلس والیسی اولوب
 وایالت مذکور دفترداری عزیمی بک افندی که ابتدا
 دفتدار لایق ایله کلان ذاتدر و تحقیق مأموری میرالای
 عزیمی بک جهه سی بردن اشبویک ابکیوزالی سکر سنده سی جهادی
 الشانینک التبحی کوفی طرابلسه مواصلت ایتشلر انجق والی سابق
 زمانده محارب و مقاتله ایله اوغراشلوب نظامات داخلیه یه قطعاً
 باقله مد یغندن ماعدات تنظیمات خیریه نک اجرایی ملتزم عالی
 ایکن بعض محذورلر مطالعه سیله (الامور مریهونه باوقاتها) ده
 راقلمش اولدیغندن مشارالیه محمد امین پاشا مواصلتیه برابر
 تنظیمات خیریه نک اجرایی ومعافیه قضاو لو او مدیر لک ایله
 مجالس مملکت ترتیب و تشکیل اولنوب قریباً در دست اولنان فران

قائم مقام لغنه میر الای بکربک نصب اولندیغی کی قضالره دخی
 کفالت قویه یه ر بطیله معتبران اهلیدن مدیر و اعضا تعیین
 واک الزم اولان قیوداته ابتدا هر کز ایالتدن باشلا یوب عموم
 قضاده رعایت و مر ورتد کره سیله نظامات سار و ویر کو و اعشار
 و کافه مطلوبات میریه نک تعدیل و تسویه سی مثلاً مواد مهمه یه
 پک زیاده غیرت ایتمش بنابرین والی سابق وقتشه هر نه قدر آشوری
 قانرد و کلمش ایسه ده طر ابل سبک فاتح صحیحی اولدیغی جحد و انکاره
 یول ویر مدیکی مثلاً مشارالیه محمد امین پاشا دخی واضع اساس
 و نظام اولدیغندن طوغروسی دواته پک بیوک و فدا کارانه
 خدمت لر ایلش لر در فقط محمودی قبیله سی مشایخنک ممتازی
 سالف الذکر شیخ غومه نک افکاری خدمات سلطنت ستیه ده
 استخدام اولمقدن عبارت ایسه ده مطلوبینه نائل اوله مد یغندن
 بشقه ۲ حبس و سایر کونا حقار تلراید یلد یکنندن ضروری حرکات
 عاصیانه کی بعض حالاته قالدیشورایدی طالبو که والی مشارالیهک
 تشبثات خیریه سی بالاستخبار مر امنی ترویج و واسطه لر ارامقده
 اولدیغی اکلا شاش و شیخ مومی الیه حقیقته بوراچه اصحاب
 جزیره و درایتدن اولدیغندن ماعدایک آزاد لغات ایله بیونک ایشلر
 کوره جکنه مینی کلوب اطاعت ایلدیکی حالده سایه مر احوائیه
 حضخت پادشاهیده و سرور بیور یله جغی بیاننده و مشار الیهک
 تدبیر حکیمانه سیله مجلس کبیر اعضا سی طرفندن یازیلان تحریراته
 جبوا کلان مکتوب شایان مطالعه اولمغله خلاصه و جمله
 ترجمه سی مناسب کور لمشدن

شیخ غومه

✽ شیخ غومه طرفندن طرابلس، مجلس کبیرا عضاسنه خطابا
یا زیلان تحریرات ✽

بیانه حاجت اولدیغی وجهله طرابلسدن اوزاق طولشدیغمک
سبب اصلیمی مجرد نفسمی وقایه دن عبارت ایکن والی ایالت
تعیین اولنان محمد امین پاشا بورایه موصلتدنبرو بحق عدل
ورحومیتلرینی اعلان وقوانین شرعیه نك مجرای مطلوبه سنده
جریاننه صرف ماحصل قدرت بیوردقلرندن حد اولسون
مملکت بیانی دار الخلافت علیه مثلوا کتساب حقانیت ایتیش
وعبد مملوک لری مستغرق انواع خطا و قصور اولدیغی نصل
اعتراف ایدر ایسه م دولت علیه وبلخاصه ذات کرم صفات
حضرت پادشاهی نك دخی کمال عفو و شفقت رحیمانه لرینی کونش
کی کور مکده یز چونکه ✽ یا ایها الذین آمنوا اطیعوا الله
واطیعوا الرسول واولی الامر منکم ✽ فرمان اطاعت بیانه حاشا
مخالفت وظل ظلیل تاجداریدن بعدیت ایدن شخص بی حیت
چارچاق کرتار ایادی اعدا و حقارت اوله جفی محققدر بناء علیه
والی مشارالیه انضمام رأیله بالترقیم یکنده الدیغم تحریرات
مشترکه وخصوصیه من عفی واصلح فاجره علی الله قضیه سنه
اعتماد او فرط مذات ایله بوزمی یرله سوررک اشبوعریضه می
متعاقب سلطنت سنیه نك جنود منصوره سنه دخالت والتجایتمک
اوزریم و حیساتده بولند قجه بالنفس واولاد و مال ایله خدامات
ستیه ده صادقانه وفداکارانه چالیشه جفمه قویا سوز و یروب
واشبو کلام صحت اشتماله کفیل و ضامن اولمکزی جله کزدن رجا
وبعد ما بونک خلافتنه برکونا جسارت عاجزانهم وقوعنده

بلا توقيف عادلانہ ترتب ایدہ جک جزایہ بوغی تسلیم ایدرم جناب
حق صوابہ موفق بیورسون آمین

۲۴ رجب سنہ ۱۲۵۸

امضیٰ

عبدہ الفقیر الی ربہ غومہ بن خلیفہ بن عون المحمودی
 * مومی الیہ شیخ غومہ نک تحریراتی ذیلنہ طرابلس مجلس کبری
 اعضاسنک تنظیم ابتدکاری کفالت مضبوطہ سیدر *
 شیخ غومہ بن خلیفہ نک کندی قلیلہ بالادہ محرر عریضہ دہ بیان
 اولندیغی وجہلہ سلطنت سنیہ یہ صدق واستقامتہ خدمت
 ایدہ جکنہ وبویله اطاعتہ بولندیغی حالہ مغایر حقانیت
 کندوسنہ بر صورتہ حقارت وانیمہ جغتہ وبونک خلافتہ بالفرض
 اقل قلیل بر حرکت ایتمش اولسہ دخی محاکمہ لازمہ سی بالاجرا
 تأدیب ایدیله جکی صرہ دہ همان تسلیم اولہ جغتہ جہلہ من کفیل
 وضامن اولدیغیزی مشعراشو محلہ شرح وتہییر اولندی

رجب سنه ۱۲۵۸ اواخر

العبد الداعي حافظ احمد العبد الداعي للدولت العليه

شکری باش مفتی الخاقانیہ مصطفیٰ حسیب

حزبی القا ضی بطرابلس غرب

العبد الداعي علي بن موسى العبد الداعي نائب المالكي

مفتی المالکی محمد العسوس

العبد الداعي عبد الله بن العبد الداعي احمد التوغار

غریبہ مفتی مالکی مفتی حنفی

بندہ اعضایہ مصری
العبد الداعی احمد قلی

کوزجی سرکاتب محکمہ شرعیہ

بند ۶

بندہ اعضا محمد التری
بندہ اعضا و شیخ البلد محمد

بن محسن

بندہ اعضا میرا برہیم

بن یوسف پاشا

بندہ اعضا حسن بن

عبد اللہ

بندہ اعضا حاجی علی

بیت المال

بندہ اعضا میرخلیل بن

عبد اللہ

باش شیخ منشیہ عبد الکریم

بن برقہ

خلاصہ والی اسبق یوسف پاشا کولہ سی و مجلس کبیر اعضا سندن
مصطفیٰ بک دلالتیلہ شیخ مومی الیہ طرابلسہ کلوب مشارالہ محمد
امین پاشانک یانندہ ہیئت مجلس موجود ایکن حضورینہ کیرمش
اولد یغندن ہمان عہد سنہ قیوچی باشلیق رتبہ سی و اوچبیک
غروش معاش ایلہ مجلس کبیر اعضا لخی و بکک امتیازی و یرلمش
وخیلی سنہ لردنبر و اقصابی املی اولان التفاتیہ بردن برہ مظہریتندن
طولایی جلد یرمہ درجہ سنہ سوینہ رک درحال فاملیاسنی دخی
طرابلسہ کتوروب کافہ مصالحہ ایکی الیہ صارلمش و برقاج آیلم
بک کوزل خدمت لرایتمش ایسہ دہ ہر فصل ایسہ فصل لوا احمد پاشا
الیہ او یوشہ مدقلرندن مومی الیہ احمد پاشا براخشام خانہ سنہ
ضیافت ترتیبیلہ مومی الیہ غومہ بی دعوت و کچہ یاروسی
خبر سزجہ اورادن اخذو گرفت برہ حاضر ایدیلن سفینہ یہ

ارکاباد رسعادتہ نئی و تغریب اولمشد ر بونک اوزرینہ غومہ نک
قبیلہ سی آتش پوسکورمیه باشلاد قلرندن اشبویک ایکوزاللی
طقوز سنہ سی اوائل صفر الخیرندہ عسا کر نظامیه و باشی بوزقدن
مرکب غایت بیوک برارد و ترتیب و مومی الیه احد پاشا قوماندہ
ایدرک جبلدہ کائن ککلہ نام محلہ مواصلت و جبل اہالیسیلہ قبیلہ
مذکور بر اشوب درت کون پک زیادہ محاربہ لریلہ آشوری تلفات
وقوع بولش و بشنجی کونی جبلیلر احد پاشایی محاصرہ یہ آلوب
یکرمی درت ساعت قدر چادر دن باش کوسہ تریلہ مامش و بعض
ہدایا الیہ بیئرینہ دوشوریلن نفاق اوزرینہ مصالحہ یہ قرار
و قبیلہ مذکور دن یتیمش نفر شیوخ احد پاشایہ کورشمک اوزرہ
کلد کلرندن جملہ سی بریدہ تبغ خوزیز قلمش و اورادن جبلاک
شم دیکی قائم مقاملق مرکزی اولان یفرین قضا سنہ مواصلت
وایکی کون محاربہ الیہ ضبط اولنوب یکیدن حاکم و مدیر نصیبیلہ
فساطو قضا سنہ کیدیلش و برقاج کون اولنان مقاتلہ دہ تلفیات
کثیرہ وقوعند نصکرہ ضبطلہ مأمور لر تعیین اولمش و مومی الیہ
احد پاشا اورد و الیہ بورادہ اقامت و برقاج یوز اتلو جبلاک نہایتی
اولان نالوت قضاء جسمیہ سیلہ الحالہ ہذہ مرکزی قائم مقاملق اتخاذ
قلنان غدامس جانبہ طوغر وارسال و بونلر بلا محاربہ اطاعت
ایلمش و مومی الیہ اورد و مصارفنک تحصیلہ فساطودہ
اوغرا شمعہ بولندیغی حالہ سالف الذکر ککلہ و یفرین
قضالری مذہب سزاو اد قلرندن بویلہ اہل سنتدن کندولرینہ
حاکم و مدیر نصبندن مقصد تغیر مذہب قضیہ سی کی بعض
اشتباہہ صاید قلرندن بالاخرہ عصیانہ مبادرت الیہ مأمورین
و مومی الیہ

ومومى اليه محاصره وحاكت نزدنده بولتان كابلر بنى پارچه
 ايمش لربناء على ذلك مومى اليه احمد پاشا فساطودن عودت
 ومذكور ككله ويفرين قضالينه كلوب براز محاربه ويوزدن
 متجاوز شيخلى تلف ايديله رك جبر انحت اطاعته النوب بودفعه
 يالكز مدير اقامه سيله جله سى طر ابله عودت ايمشدر و برسنه
 مقدارى محاربه دن آرام واستراحت اولمش فقط مومى اليه
 احمد پاشا بلا انفصال خيلى سنه لردنبرو طر ابله عوده اقامت واكثر
 محاربه لره سردار تعيين اولند يغندن يك زياده نفوس المش بنابرين
 اصحاب دعاوى وسائر مومى اليه بولشوب رأيى منضم اولدجه
 والى پاشايه كتمد يكندن مصلحت بتون بتون حكومت مشتركه
 كيرمش وبو كيفيت مشار اليه محمد امين پاشا ايله بينلرينه صغوقلق
 و يرمش ايسه ده والى مشار اليه اصحاب حضم فطانتدن بر ذات
 درايت سمات اولد يغندن سكوت ايله وقت كچورمكده ايكن
 مقاتله پرس اولان يفرين قضاسى مديرينك تحريكات
 من مومه سيله يك ايكوز التمش برسنه سى رمضان شريفنده
 دفعه نائيه اوله رق بالعصيان مومى اليه احمد پاشا درجه كفايه ده
 عسكر استحقاقيله بالعزيمه خيلى محاربه لرايله اطاعته التمش و مدير
 مرقوم قتل ايله يرينه ديكرى تعيين اوله رق عودت اولمشدر
 ايجق بونى متعاقب مقدماننى وتغريب اولنان شيخ غومدهك مدير
 امورى ميلود نام كيمسنه مومى اليهك يانندن عودت وجبل غريبه
 مواصلت ايله شيخ غومده قريباك اوزره بولنديغى بيانيه اهالى
 ويزديكى اغفالات اوزرينه دفعه رابعه اوله رق جبلك كلىدى
 اولان سالف الذكريفرين قضاسى بوكره ينه عصيان ايمش

اولمغله پیاده میرالای اسماعیل بك قومانده سیله براز عسکر بالارسال
 درت بش کون اولنان محاربه ده تلفات وفیره وقوعند نصکره
 محرك مر قوم فرار واهالی دخی تحت اطاعته النهرق رجعت
 اولمشدر بروجه سابق احمد پاشانک بیوجک ایشلره پارمق
 دوله مسی ملا بسه سیله والی مشارالیه حائبدن اقد مجده اشعار
 اولند یغنه مبنی مومی الیه ایله دفتر دار عزیمی بك بو کره دربار
 معدلتقراره جلب ایدیلرک احمد پاشانک یرینه میرالای بکربک
 لو انصب اولندیغی مثلاً مال باش کاتبی ناشد بک دخی مال مدیری
 تعیین اولمشدر خلاصه والی سابقدن باقی قلان بعض محللر
 دخی مشارالیه محمد پاشازماننده ضبط و تسخیر و کاملاً ایالت
 قبضه تصرفه آلتوب جبل وحس قضاری مقر قائم مقاملق
 اتخاذیله مأمور لر نصب ایدلمش ومشار الیهک انفصالنه دائر
 بر حوادث چیقاره جعفر عسا کر ییننده لایق سز بر مناقشه ظهور
 ایتمش ایسه ده دوست و دشمنه قارشو بویله بر حال کدورت
 اشتمالک وقوعی تقبیح اولندیغدن چارچاق تأدیهات موثر وسنه
 اولنان مساعی غیرت اوزرینه کلیا یاتشد یرلمشدر

✽ محمد راغب پاشانک طرابلس والیلکی ✽

دولتلمو محمد راغب پاشا حضرتلری طرابلس والیسی تعیین
 بیوریلهرق اشبویک ایکیوز التمش اوچ سینه سی جهادی الاولک
 التبحی کونی واپوز وفاملیا سیله مرکز مأموریتنه کلوب سلفلری
 عودت ایتمش اشته سلطنت سنیه نک واپوز سفاینی طرابلس لول
 ابتدا بو کره کورد کلری مثلاً وابتدا حرمله کلان ذات دخی مشار
 الیه در انجق بود دفعه جبل قائم مقامی احمد افندی کاتبیله برابر
 لمصلحه

لمصلحة غير بان قضاسند عزيمتي اثنا سنده رهر است اولان ككله
 قضاسنده بر كچه بدتوتت ايلديكندن اهالي آبانسز اولد قلري
 خانه به هجوم و كاني فرار ايتش ايسه ده قائم مقام مومي اليه
 بغير حق قتل ايلد كلرندن براردوايله لوا بكر پاشا اورا به ارسال
 و تأديبات لازمه سي بالا جرا عودت اولنش و مشاراليه تعزز
 ذاتيه سنده حصر افكار ايدرك زمام حكومت ايادي متخيرانه
 كچديكندن زماننده شاين تحرير بروقوعات كورلما مشدر
 * الحاج احمد عزت پاشا ك طرابلس واليكي *

دولتو الحاج احمد عزت پاشا حضرتلري عهد سنده طرابلس
 واليكي احاله بيوريله رق اشبويك ايكيوز التمش بش سنده سي
 محرم الحرامك بشنجي كوني طرابلسه قدم نهادة مواصليت اولمشدر
 فقط شكرل اولسون بوسنة مباركه ده كثر فيض و بركت ايله
 هيچ بروقنده كورلماك درجه اوجزلق مشاراليهك قدومنه
 ويرلديكندن واداره مأموريتده دركار اولان موفقيت صحيحه سي
 اثاريله نفس مملكت و عموم ايلتده قطعا محاربه و مقاتله حالات
 مكدره سي ظهوره كلد يكندن پك زياده استراحتله اوقات كذار
 اولتمقده ايكن بوكره ايكي نفر فرانسه عسكري جزايردن فراز
 ايدوب اسلام قيافتيله قره دن طرابلسه بالمواصله مجلس كبير منعقد
 اولديغي حاليه طوغري مجلسه جيقوب شرف اسلام ايله مشرف
 اوله جقلرني افاده ايتد كلرنده والي مشاراليه كيفيتي باتد كره
 مخصوصه طرابلسده مقيم فرانسه قونسلوسي موسيو بلسه بيان
 ايتد كده مر قومان كندي تبعه لرندن اولوب اولد قلرني قطعا
 طانيه جفني جوابا اتبان ايتسي اوزر بنه تلقين دين اولنه رق سلك

جلیل عسکر به قید و تحریر قلمش و ایکی ای صکره مر قوماندن
 بری ککنیسیایه و دیگری فرانسه قونسلس خانہ سنہ فرار
 ایلد کلرندن ضابطلری معرفتله جلب اولنوب حبس ایلدش
 وقونسلس مومی الیه جانبندن مطالبه اولمش ایسه ده بر کره
 اسلام اولد قد نصکره کر ویه ویرلمسی تجویز اولنه میه جغی جوابی
 ویرله رک مصلحت بش کبی ظن اولنه رفق والی مشارالیه بیک ایکیوز
 التمش سکر سنہ سی رمضان شریفده حسب الایجاب بنغازیه
 عزیمت واوراده بولاند قلری صرده یعنی سنہ مذکور شوالک
 سکرنجی کونی بر فرانسه واپوری ویکر منجی چهارشنبه کونی
 دخی طقوز قطعه کیر فرانسه سفاین حربیه سی طرابلس پیشگاهنه
 کلوب هر قلعه اوکنده بردانه سی تقسیم و لنگراند از اولمش
 واسلام اولان مذکور ایکی نفر فرانسه عسکرینک سرریعا
 رد و تسلیمی و یا خود یکر می درت ساعت مرورنده محاربه
 اید، چکنی قوماندان طرفندن والی قائم مقامی لواخالد پاشایه
 اخبار اولمش بناء علیه عساکر موجود، ایله منشیه و ساحل و سائر
 جوار قبائلین خیلی کسان احضار اولنوب محاربه یه اماده بولمش
 و مهلت مذکور مرورنده انکلتزه دولت فخریه سی قونسلس
 و تبعه سندن ماعد ا کافه دول اجنبیه قناسل و تبعه لری کیلره بنوب
 اچمشلر و سفاین مذکور مامورین یاقوب کویا آتش ویزه جک
 بر هیئنده بولمش و مومی الیه خاند پاشا و امر او اهالی جانیساران
 مقاتله یه حاضر دور مشلر ایسه لرد، دولتجه یوکا داتر ماذونیتلری
 اولیوب مع مافیه والی پاشاک بولنه مدیخی جهتله محاربه بی بر صورتله
 تجویز اید، مد کلرندن ضروری مر قومان مال باش کاتبی امین
 افندی

افندی معرفتیه دوتمايه تسلیم اولنوب ایکی کون صکره سفاین
 مذ کوره دخی آتیش و شهر مذ کورک یکر می بشنجی بازار ابرتسی
 کونی والی مشارالیه طرابلسه کلوب تحریر نفوس واعانه عومیه نک
 توزیع واستحصائیه بالابتدار بو کیفیت نصل ایسه نصل اهالی یه
 لایقیه تفهیم اولنه مدیغه بناء بالاخره بعض قارشقانی نتیجه ویرمش
 وحید اولسون اصلا کسه نک بورنی بیله قانه ماش ایسه ده
 فنا حانده برامنیته سزک حاصل اولمش و بونک اوزرینه مشارالیه
 حاجی احمد عزت پاشانک وقوع انفصالیه اهالی ازاجق اسکات
 اولمشدر

✽ مصطفی پاشانک طرابلس والیلکی ✽

دولتو مصطفی نوری پاشا حضرتلری بودفعه والی تعیین
 بیوریلهرق اشبویک ایکیوز التمش سکر سنه سی ذی الحجة
 الشریفه نک غر دهنده طرابلسه بالمواصله اختلال مذ کوردن
 طولانی منشیه مدیرینک عزلی لازم کلد یکندن در حال مومی الیهک
 عزلیله برابر بوفسادده اولک وایاق اولان نفس طرابلس و منشیه
 وساحل اهالیلرندن اون بش قدر سبکمز انک بوکره مخصوصا
 کلان واپوره ارکابا محال سارویه نفی اولنوب فساد مذ کوره دخی
 کاملاً منع اولمش و تحریر نفوس واعانه عومیه **ک** یغیتی بولیله
 و بررررا کلاتلیدیغی اوزرینه اهالی مع التشکر سوینه سوینه ایفا
 ایتشدر و بوسنه دخی فیض و برکت وقوعیه هر طرفدن
 تجارلر ازاق مبايعه سنه کلد کلرندن ایشته ابتدا طرابلسده انکلیز
 و فرانسه لیراسی بوسنه کورلشدر و اشبویک ایکیوز التمش طفوز
 سنه سی زیتون اعشارینک دردستی ایچون فساطو قضاسنه

ارسال اولنان ایکی نفر مأمور لر زیاده جه عشر طلبنده اولد قلرندن
 اهالی طو پلانوب مومی الیهایی فنا حالده ضرب و دفع ایلد کلرندن
 مجرد شوقور قوایله جمله سی عصیان صورتی کک و ستره مشر
 اولغله لوا کوچک احمد پاشا قومانداسیله براردو تشکیل اولنوب
 لاجل التأدیب اولجانبه ارسال و اوج درت کون ایچنده تأدیبات
 لازمه سی بالاجرا عودت اولمش و مقدما نفی و تغریب اولنان
 شیخ غومه محل منقاسندن فرار و اشبویک ایکیوز یمش بر سنه سی
 تونس داخلنده کائن مطماطیده مواصات و قدیمی افکاری
 اولان بر مأموریت ایله قایر یلوب حقنده التفات بیورلسی رجاسنده
 والی مشارالیه غایت مفصل بر تحریرات یازمش ایسه ده مساعده
 و قبول اولمادیغی جهته در حال اورادن حرکت و غومه کلش
 دیو جبلیلر مال بولمش کی مومی الیهک باشنه تجمع و نالوت و قباو
 و یفرین قضالینه ورودنده اهالی ممنونیتله قبول و مملکتلرینی
 تسلیم ایلد کدن بشقه بر یوک اورد و اوله رق سنه مذکور رمضان
 شریفنده جبل قائم مقامک او طور دیغی قصری بالمحاصره بوراده
 مع ضابط بش التیوز عسکرایله التیوز قدر عرب اتلوسی موجود
 ایسه ده بویله جسیم اردو به مقابل اوله میه جقلرینه مبنی طر ابلسدن
 دخی پیاده میرالای اسماعیل بک و طوبجی قائم مقامی مصطفی بک
 و عرب اتلوسی قوماندانی ندیشه محمد اغایله اوفق براردو ارسال
 اولنوب قصره ایکی ساعت مسافه سی اولان رومیه نام محله
 هنوز اردو کیدر ایکن بغتاً غومه هجوم و ایکی ساعت ایچنده
 نارمار اولنه رق کافه مهمات و طوبلری ضبط ایش و مومی الیهما
 اسماعیل و مصطفی بکار طرابلسه صاوش مشردر شیخ مومی الیه
 اورادن

اورادن قصری دخی آلوب دروننده موجود عسکرایله برابر
 مقدما الدیغی مهمات و طوبلری تمامیه طرابلسه ارسال وینه
 مرام مخصوصه سی نیازنده برقطعه تحریرات یازمش ایسه ده
 بوکره دخی ردیه جواب ویرلد کدن بشقه مصلحت اعظام
 اولندیغدن والی مشارالیهک انهایسنه بناء لوا عبد الله پاشا و میرالای
 حسین بک ایکی طابور عسا کر ردیه ایله در سعادتدن کلمش
 و غومه جبلی تمامیه در دست ایتد کدنصکره اورادن غیریان
 قضا سنه بالور و داهالی بلا محاربه کند و سنه تبعیت ایتمشلرایسه لرده
 غیریان حکومتی دائره سی محافظی قول اغاسی عمر اغا مقتضای
 شجاعتی اوزره غومه نک اتدیغی طوب و توفنکه حواله سمع اعتبار
 ایتیوب دائره مذکور ی تسلیم ایتدیکندن مومی الیه بجبله
 عودت ایتمش و اورادن سکر ساعت بعدی اولان زاویه قضا سنه
 کلوب فی الواقع بالجمله اهالی کند و سنه همپا اولمشلرایسه ده اصدا قای
 خاندان و اعضا مجلس برخانه یه طوبلنوب توفنک آتیه رقی غومه بی
 یانلرینه یاقلا شدر ممشلر و مومی الیه زاویه دن حرکت و طرابلسه
 اوج ساعت مسافه سی اولان شغانه و جائزور قبائلی ایله مقابله
 وجهه سنی طرفدار ایدرک کلمک نیتنده اولدیغی استخبار قلند قده
 مومی الیهما عبد الله و احمد پاشا رایله بعض ضابطان و سواری
 پاش اغاسی حسن اغا ایکیشر طابور پیاده و زدیف و درت بلوک
 سواری و بر طابور یرلی عسکری و طرابلس و غیریان اهالیلرندن
 عبارت کلیتو برارد و و تدارکات کافیه ایله چیقارلمش و مذکور
 شغانه و جائزور قبائلی مومی الیه غومه دن مقدمه یوله
 طوغر ولد قلرندن طرابلسه بر ساعت اولان قصر قره قیش نام

مجلده محاربه به مباشرت وعساكر نصرت مأثره پادشاهينك
 بی پروا صالدرملرينه قبائل باغیه تاب آورمقاومت اوله مدیغندن
 یواش یواش کرولیه رك اخشامه قریب جائزور قضا سنده عودته
 مجبور اولمشلر و اخشام ساعت اون راده لرنده مومی الیه شیخ غومه
 دخی معیتی اردوسیه کلش وعاصیلره خیلی قوت و یرمش ایسه ده
 عساكر مومی الیه بونی دخی اصلا مهمسه میدرك کیجه ساعت
 اوچه قدر يك شدید محاربه لر وقوعیه قارشو طرفدن ضایعات
 کثیره کورلشدن و قبائل باغیه بیاغی انهرام صورتی کورلشدن
 ایسه لرده کیجه نك حلولی بو کونلک حقلرند، بیوک نعمت اولمش
 و اولکیجه قضاء مذ کورده اقامتله مومی الیه غومه قبائلک کوزو
 دائمافراشه تشنه بولندیغنی طورلرندن اکلایسند مینی کندوسی
 ارکنجه معیتی عسکریه ایکی ساعت اوتده، واقع مایه نام محله
 عزیمت واردوی مذ کور همان صباحلین جائزور قضا سنده هجوم
 و براز مخاربه ایله عاصیلر منهر ما فرار ایلدن کلرندن قضاء مذ کوره
 دخول اولمش و شیخ مومی الیه مایه ده اقامتی اثناسند، باشنده
 یکر می يك قدر عربان و قبائل تجمع ایلدیکنه بناء اردویه هروجه
 اعانه لازم کلش و طرابلس و منشیه و ساحل اهلایلرندن براردها
 آدم طوپلادیلوب اعانه اولندیغنی اوزرینه اردوی مذکور
 اورادن حرکت و غومه یه طوغرو عزیمت برله مذ کور مایه ده
 برکون اولسان محاربه ده غومه طرفلیسی منهرم اوله ورق جبهه
 طوغرو چکادکلی مثلا و اردو دخی زاویه قضا سنده کیدوب
 اوراده اقامت ایتمشلردن

عثمان پاشانك

✽ عثمان پاشا نك طرابلس واليكي ✽

بوارالق مشاراليه مصطفى پاشا نك وقوع انفصاليه دولتلو عثمان
پاشا حضرتلري طرابلس واليسى تعيين بيوريله رق اشـبويك
ايكيوز يتمش ايكي سـنه سي صفرك يكر مـجبى چهار شنبه كوني كـمـشـلر
ومومى اليه شيخ غومه نك نزدند يولنان جبل قائم مقامى ميرميراندن
قاسم پاشا با تـحـر برات طلب اولندي غنه بناء مومى اليه طرفندن بورايه
ارسال اولمش ووالى لاحق مشاراليه ومومى اليه قاسم پاشا
وفن حربه معلوماتى دركار اولان انكـلـتـره دولتـنـك طرابلس
قونسـلوسى موسيوهرمن وعساكر نظاميه وعربان سائر دن
مقدار كافى جسيم جه براردو تشكيبيله عزيمت واون ايكي ساعت
مسافه سي اولان كيدوه نام محله لوا عبد الله پاشا اردوسيله
براشه رك سالف الذكر روميه ده مومى اليه غومه يه تصادف
وسكر ساعتدن متجاورعايت آتشلى برمحار به وقوع عيله غومه منهرما
فساطو قضاسنه فرار ايتمش وايكى كون صكره والى مشاراليه
طرفندن آغر بر بورنوزايه بر رأس اسب بعض معتبران ايله شيخ
مومى اليه بالارسال فيما بعد جيله كيرميبوب و طرابلس اياتى
عليهنده بولنماق اوزره بر مصالحه تنظيم ايديله رك مومى اليه قاسم
پاشا كاكان جبل قائم مقام غنه اقصاد اولته رق اردوى نصرت
قرين طرابلسه ومومى اليه شيخ غومه بر موجب مقاوله تونس
جانبه متراهى اولمشلردر انجق غومه يتمش ايكي كـشـيله تـونسـه
كيدوب اوراده دخی اوزرينه هجوم وايكى قضا ضبط ايتمش
وبراردو بوزمش ايسه ده پك چوق تلفيات ويررك اقامتى ممكن
اوله ميه جغندن ياننده باقى فلان يكرمى اتلوايله ضرورى عودت

و غدامس قضا شدن مرور ایلد یکی استخبار اولنه رفق خلاف
 شروط حرکتدن طولانی والی مشارالیه کتخداسی مصطفی
 پاشا وارنبود سرکرده سی علی بک و مصر اطه باش اغاسی حاجی
 احمد اغا ادغم خیلی سواری ایله وان نام وادیده مومی الیه غومه
 حیمه نشین اولد بغی حالدیه مهاجته شدید ایله بیک ایکیوزیتش
 درت سنه سی رجب شریفک اون التبحی کونی قورشون ایله
 اوریلوب سرمه قطوعی طرابلسه کتورلمش وارتنق مخالفته جرئت
 ایده جک باشلور کیمسه قالدیغندن طرابلس کسب اسایشه
 یوزطوتمش و بوارالق فی الواقع پیاده نفراتی پلندیده جزئیجه
 برحالات متأسفه آثاری کورلمش ایسه ده بو کاسبیت ویرن برقاج
 کسانک تأدیباتیه درحال باصدرلمشدر انجق مشارالیه عثمان
 پاشانک عدم مبالایه برابر یولسز بعض حرکاتی و خصوصیه
 هنکام مأموریتنده پک زیاده قحطو غلا ظهورندن ناشی اهالی
 کندوسندن متفر اولدقلری حالدیه بو کره عزلیله ممنونیت عمومی
 حاصل اولمشدر

✽ احمد عزت پاشانک طرابلس والیدکی ✽

دولتو احمد عزت پاشا حضرتلری عهده سنه طرابلس ایالتی
 بالاحاله اشبویک ایکیوزیتش درت سنه سی صفر الخیرک اون برنجی
 جمعه کونی مواصبات ایتشدر و برمنوال محررابواب مقالتله
 غومه نک وفاتیه برابر قیاندیغندن تمامیه ایالت استحصالی استراحت
 ایلش انجق بوارالق سرت قضاسی اهالیلری ویرکونک اعطاسنه
 آخر طوراندقلری مثلاً وجهه سی بلاد سوداندن بعض قضایه
 ابصال دست تعدی و چولق و چوجقلرینه اسیر معامله سنه

جسارت

جسارت ایلد کیری استخبار اولنده رق در حال بر مکمل اردو وارسال
ویالکز بر کوز قرالتیسی ایله مطلوبات میریه تحصیل واسیر
ایتد کیری بیچاره لر دخی یدلرندن تخلص ایدیله رک بوکاسب
اولان چند نفر شیوخک حبس وتوقیفیه تأدیبلری اجرا اولمش
ووالی مشارالیهک اثار همماتی ایله نفس طرابلسده واقع مکاتب
صبیانک بریسی مکتب رشديه اتخاذ اولمش ایسه ده اطفال
اهالینک ترکجه یه و معلمینک دخی عربجه یه معارفه لری اولدیغندن
قطعا ثمره سی کور یله مامشدر

✽ محمودندیم پاشا حضر تلرینک طرابلس والیلکی ✽
حسب الایجاب مشارالیهک بو کره وقوع انفصالیله وکلاء فحام
سلطنت سنیه دن وزیر ابن وزیر فلاتون تدیر دولتلو محمودندیم
پاشا حضر تلری طرابلس والیلکنه سایه بخش اجلال اولوب
بیک ایکیوز یتیمش یدی سنه سی محرم الحرامک اون التهی جمعه کونی
بورایه قدمزن موصلت اولمش ومشارالیه کبی بر ذات کمالات
سمات خدیو اعظمینک وجود یله مقام مأموریت بر بشقه رنگ
پیدا اتمش ایکن متعاقبا نور چشم مفخر تمز وروح وجود اسایش
واستراحتمز ولی نعمت بیتممز پادشاه اسکندر توان وشهنشاه
مراحم نشان افندمز حضر تلرینک جلوس میامن مانوس
حضر ت خلافتیناهیلری شرفوقوعیله مطمح انظار مکارم نثار
شاهانه لری دائمًا معموریت ملک ومملکت وترقی اسباب قوت
ومکنت دولت جانبنده معطوف بیورلمسی ثمرات جلیله سیله هیئت
اداره دولتک هر شعبه سنده جدا اولسون آن بان اثار حسن تنسیق
وتوفیق کورلمکده اولدیغی مثلاً وسایه هماوایه جناب شهر یاریده

طرابلس غرب دخی کون بکون بیانمید جک صورتده پک زیاده
 اکتساب حلیه معموریت واستحصال شرف ومکنت ایلدیکی
 تسلیم کرده ارباب غیاب وحضور در انجق بویله برحوادث
 بعیده نك انکانه اختیار ایلدیکی مشاق سفریه سی مجرد تدبیرا کسیر
 تأثیر و کالت پناهیلری عصریمزه امنیت بخش نظام ولسان عبودیت
 بیان عاجزانه مه بالوجوه ایراث زینت وانتظام ویرن اصف ارسطو
 نظیر و وزیر معالی سمیر محمد فواد پاشا یسره الله مایشا حاضر تلیله
 انواع نعم واحاسن علیه سینه مستغرق اولدیغم وکاشانه لطف
 وعنايت جلیله لری سایه سنده طوغوب بیودیکم مرجع خواص
 وعوام حلال مشکلات انام شیخ الاسلام سامی مقام عمر حسام الدین
 افندی حضرت تیرینک وساطت علیه ودالات خیریه رحیمانه لریله
 پیشگاه معارف اکتشاه عالی جناب تاجداریه عرض وتقدماتی واصحاب
 لیاقت حقیرنده در کار اولان زلال مکارم نوال شهر یاریدن عاجزانه
 وقاصرانه حصه دار عنایت اقصای مخصوصه سندن عبارت
 بولمشد در همان جناب حق نیجه نیجه اثار نافع و خیریهیه موفقیتله
 ذات خلافتسمات حضرت ملوکانه یی الی اخر الزمان
 سریر شوکتصیر شاهانه لرنده بردوام بیورمسی دعاء
 اجابت آیاتله مترجم برتقصیر خاتمه کابه عقد پیوند
 وخاتمه سیه کارانه سینه اعطاء سکونت
 ایلمشدر تحریر فی غره محرم
 سنه احدى وثمانین
 ومأتین والف

اشبو کتاب صحت نصابك طبع وتمثیلی و انواع محسنات مشهوده
 ولی نعمته علاوه جلی آمال مخصوصه عبودیتك برنجیسی ایسه ده
 سایه عنایت و ایة حضرت پادشاهیده احسان بیوریلان مأموریت
 شرعیه بوا ملک اجر اسنه حائل و شمدی به قدر تأخیرینه سبب
 مستقل اولمشیدی بنابرین و کره اکمال مأموریتله عودت و حصول
 افکار مجتهدیه مسارعت قلنه رق حق عاجزانه مدد غایت بیوک
 بر فال خیر انتخاب اولنان وزیر کالات تدبیر معارف پرور و دستگیر
 بیچاره کان اصحاب فضل و هنر آبروی وزارت عظمی و مفتخرت
 بخش و کالات کبری محمد امین عالی پاشا یسر الله تعالی ما پاشا
 حضرت تلرینک اثنای صدارت جلیله لرینه و علامه مشکلیکشای
 مانند ز محشری و حارس ناموس شریعت محمدی و اصل منتهای
 فضل و معرفت و نائل انواع لطف و حقیقت محمد رفیق افندی
 حضرت تلرینک دخی ایام مشیحت علیالر بنه مصادف اولمسیله
 تذیل شکر و محمدتله بالا قنخار مشارالیهما حضرتانک
 اثار جلیله مرحت و دلالات علیه لطف
 و عاطفتلریله حضور مکار منشور حضرت
 خلافتیناهی به تقدیمه موفقیت
 داعیانهمی الطاف الیهیدن
 مستدعا به مجاسرت
 ایلرم



(جریده حوادث مطبوعه سنده طبع اولمشدر)

سنة ۱۲۸۴